

佛本行經卷第一

達四

宋涼州沙門釋寶雲譯

因緣品第一

今粗班宣法

慈心專聽受

佛衆經要義

聖師之言辭

傳佛之典籍

最利益於世

受者蒙大慶

潤及一切生

普一切諸佛

仙聖明王智

慈心稱名者

獲福不可量

今故演吉祥

憂苦永滅亡

所至之方域

莫不得安隱

檢情專守心

各各靜意聽

其有奉持者

雪除諸垢穢

以清淨法水

勤加浣濯心

入滅度深池

受色甚鮮明

五欲猶奔馬

著世隨之迷

回旋無出要

勞欲所欺誤

或馳於盲冥

獨周旋五道

以智慧之勤

善御回愚心

當以無常策

捶制情欲馬

挫折饕餮意

令亡捨諛諂

六欲江河流

趣惡甚速疾

當以智慧力

設牢厚堤塘

樂生死勤苦

未曾得休息

以無厭足意

迷醉於五欲

八種之湯藥

和合甚神良

順伏甘露味

迷醉尋醒悟

三界衆生類

倒見手所指

顛倒於五道

猶如拍翹跳	垂脫盡苦際	還復墮生死
今聞聖明教	宜息迷惑心	慈悲之光明
普照曜於世	愚覩熱時焰	癡心自迷惑
生死猶曠澤	孤魔迷於中	宜服飲法乳
除久飢虛渴	衆生從久來	爲老死所吸
不喜見良藥	逆罵謗醫師	醫令三十七
雜藥神良膏	宜以方便求	勤服以除患
塵勞之長夜	衆生甚安眠	宜擊甘露鼓
寤令莫睡眠	佛日出於世	照曜法豐秋
宜以智慧眼	勤心普遍觀	衆生心如水

躁擾濁不明	以法渟使清	猶如秋時水
衆生善御心	定意不躁濁	速疾得歸趣
入于泥洹海	種種變形體	於生死長遠
天人三惡趣	地獄鬼畜生	今宜捨嶮欺
諂僞傀儡形	入滅琉璃城	合爲一種色
有王名阿育	無憂享國土	能使怨憂恐
歸附者喜敬	普於此地立	八萬四千塔
天龍鬼神喜	聲震於天下	時金剛力士
聞是震動聲	佛法更盛明	因是追念佛
低頭拄頰悶	惟佛在世時	諸天有問曰

唯仁何爲愁 諦視良久間 然後乃長歎
懷悲聲戰悵 發言報之曰 佛天中天師
施善教天人 追憶佛聖尊 是以愁悶耳
是諸天人等 後生不見佛 佛去世之後
乃生於天上 始聞佛名號 衣毛皆起豎
因以慈敬心 問於金剛神 唯仁佛是誰
有何善妙德 有何智慧力 有何律禁法
其形貌何類 以何自嚴飾 唯仁垂顧屈
爲吾等具說 以是光明言 勸進金剛神
發言猶華敷 含笑和顏曰 所問深妙法

難可倉卒說 諸聖不能究 獨我安能陳
若能以手指 舉佛世界地 四海諸淵池
一吸能令盡 若能都渾吞 鐵圍金剛山
以蓮華根絲 繫懸須彌山 若欲圍纏裹
窮盡虛空表 若復欲計知 十方衆生數
是事猶易致 學之或可得 欲歎佛功德
無能盡具者 願承佛威神 令意不謬誤
能少少班宣 歎佛之德善 今我之所說
猶如鸚鵡言 以歡悅仁等 可專意諦聽
稱歎如來品第二

今欲昇清虛	翔佛無外法	適欲稱發言
心爲之沉疑	吾心之羽翮	勢弱不能強
佛之空無慧	包博虛空外	假令有力士
盡力射虛空	箭行過劫數	不能至空際
若干賢聖明	於佛大空慧	以無量辯才
不嘆盡佛德	已度苦海岸	枯竭愛欲河
塞生老死淵	開立大法海	天人及異術
不能盡慧源	是故佛慧海	深邃無涯底
須彌衆山王	諸天遊居上	佛德踰須彌
莫能見頂者	魔王進三女	來欲亂道意

所至靡不惑	唯佛慈能護	魔王十八億
變形來欲戰	佛從衣出臂	如日照雲赤
以百福相手	擬地勝魔王	不敢當佛德
猶冥眺日光	諸天無能毀	魔王貢高幢
唯佛能碎壞	佛豎大法幢	其餘塵勞王
強力含怒害	愚癡及死魔	軍率諸子孫
愛生五蓋子	先登纏覆世	有餘懷害進
變形若干種	怒害嫉慳妬	熱惱慢貢高
倒見貪欲求	邪癡塵勞王	其弊懷害強
圍遶求對戰	結布塵勞陣	各現武備力

各放剛猛弩	以中凡愚夫	其箭如毒蛇
又有如熾火	迦葉佛已來	無以為對者
佛德障其箭	益甚放焦然	乘戒德之車
被忍辱牢鎧	駕以精進馬	入滅塵勞陣
以正見利鏃	以正思為鞞	以正言為羽
以正行為箭	以正路為弓	意箭中拔箭
放慈力駛發	佛箭名四等	一發滅塵勞
震三千世界	慧熾火塵欲	猶如軍被燒
施戒忍進定	慧信及堅固	守志不移動
猶眾川歸海	世清空中明	十方普蒙安

心一定堅固	思惟世起滅	以得金剛心
壞碎塵勞山	以佛眼觀見	三千界如鏡
外學諸神仙	久學無所覺	一切智無師
名諸佛之師	强慧金剛箭	潰壞癡堅卵
脫出愚冥獄	凌無為清虛	天上食甘露
食隨爛馬麥	不甘著天味	不患馱馬麥
調達怒放石	羅雲立其前	俱以慈眼視
見毒栴檀等	外學所誹謗	天人所稱嘆
於二意不動	猶口吹須彌	名聞三千世
佛是普世師	好首所虛謗	心等無喜感

剋利衰毀譽 若稱譏苦樂 八法不能染
如木蓮華 天上人間樂 視皆爲不實
觀世如愚戲 有形皆空無 三衆趣衆生
開其難開門 空三惡趣獄 導天人無爲
經越度三世 縛阿須倫憍 勸導衆善本
連四 雨三寶於世 往古轉輪王 自在於四方
於已不自從 免死至無爲 佛修種種業
治理法空城 濟脫塵勞賊 將至無爲城
日能照晝不及夜 不曜天上三惡趣
佛光晝夜三千世 乃至一切衆生心

佛神妙暉常盛明 千萬無數難可喻
月之盛明十五日 其暉曜夜無益晝
天帝懷憂悴 壽命臨終沒 垂退失天福
詣佛還見諦 日月世眼目 阿須倫所統
佛慈濟世間 救令不遭厄 憂烟想如焰
樂欲如服藥 愛著喻盛火 佛滅以法水
懷恚甚怒害 飲醉狂惑亂 驚吼魔醉象
佛以慈制伏 無量生死堅纏裹 愚癡之賊蔽其目
佛以言鉗智慧藥 決除憍習逆業賊

時三人等處甚厚	假令聲聞如恒沙	無有能動其毛者	唯佛濟使觀道明	容觀甚憐愍	因寶繡蔽服	瓶沙最勝高	見佛屈受禮	頭如戴火焰	牙長眼正赤	怒則擲火爐	佛降阿臘鬼	龍王懷毒怒	電害摩竭國	佛動地崩山	威勢滅龍毒	佛猶大象王	入生死華池	踐踏塵勞軍	時立泥洹中	佛導護生死	如牛渡流河	衆生渡至今	如群牛隨道	佛如八解池	生法天容華	天人如蜂集	服香則離苦
---------	---------	---------	---------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------

諸天間海水	不死藥	以海大龍王	纏繞須彌山	大阿須倫	攬海至千歲	設若干方便	盡力甚勤苦	引萬種藥精	進令水上凝	謂是不死藥	接成以金瓶	服者不永壽	不離老病死	意謬持神藥	轉輪無邊際	佛以七覺意	慧力攬大海	圍繞以滅定	引以精進力	致出甘露藥	永安滅老病	最樂滅衆苦	服者離生死	佛明暗日不亂	或踰月滿而不寒	樂過六天而消欲	焰如感火無所燒
-------	-----	-------	-------	------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	--------	---------	---------	---------

法甚微妙德行具 衆善伏藏積福聚
普集天人之善好 歎視佛德無厭足
光耀如日明如月 悅目如華聲雷震
步如象王忍如地 普勝世間佛獨最
如是無量清妙歎 衆聖窮劫不能盡
沉吾愚淺欲究竟 猶無舟船欲渡海
諸人皆叉手 懷悅謂金剛 願佛下兜術
即受許爲說
降胎品第三
處兜術宮時 以天眼普觀 觀衆生苦惱

追憶往古誓 本願安衆生 累劫勞求佛
生生遭艱難 不厭種德本 第一上祠祀
從發意已來 以金遍布施 惠施手成德
從初種種施 聞者衣毛豎 頭目身手足
妻子所愛重 嚴駕名象馬 寶車垂真珠
若當合聚此 連四 普地不容受 勸施聲雷震 七
如天降時雨 累劫以慧水 普潤飽衆生
施酪池乳江 福山酥如泉 蜜塹石蜜積
普嚴飾此地 未曾違求者 與與無所逆
水灌受者手 踰於四大海 奉父母明師

慈心具種事	所施無崖限	成施度無極
所生守戒勝	沒命不穢禁	剃頭爲沙門
髮積踰大山	生遇天五欲	遭沒命危難
不動毀淨禁	具戒度無極	生得尊自由
未曾施人惡	截頭目手足	心定得忍辱
情悟發求佛	速進超九劫	彌勒等應先
勇猛出其前	貪慕深妙法	因身受慧義
入火投山巖	支節鐵針釘	十八法智慧
奉行無廢勞	覺了一切源	度智無極岸
施戒忍進定	智慧江海淵	慈悲傷衆生

成喜悅光耀	毛孔雜色光	明動兜術宮
諸天懷疑集	肅敬禮菩薩	
即時種種擊金鼓	任恣賦與七覺籌	
誰欲與吾降世間	故相延請法賓會	
光從兜術照四方	樂役力渚閭浮提	
即勅侍臣卿月猛	汝識世間大國王	
何國可託生	不違古典制	應遭遇菩薩
奉順佛言教	對曰唯聖聽	有大豪尊王
有王名善求	典主王舍城	波羅柰城主
王名曰善猛	竭國王百才	鬱禪王名巢

光焰王留生 又王名勇武 王善臂之子
又名白雪光

是八大王有名聞 不審爲可託生不
曰有是王穢不真 遍更察觀真正者
思惟斯須曰更有 轉輪王種壽興後

王最後孕名師子達四 其子白淨釋中尊

善妙稱吾意 應託生爲子 白淨男中上
妙后女中英 諸城邑之中 迦維羅越最
今日吾當降 施善於世間 示衆生以正
牢縛欲枷鎖 破壞生死獄 開示無爲路

示衆生方便	令出生死獄	卿等誰欲樂
離苦滅度安	欲自度苦者	與吾俱降下
班宣是法已	便下兜術宮	顯乘令普知
白象如銀山	菩薩乘象王	如日照白雲
諸天鼓樂舞	普雨雜色華	日精之明珠
光照耀王宮	降神下生時	現瑞甚微妙
菩薩降入胎	如鴈處清淵	如秋盛月照
如象處華池	日以光照好	月以盛明珠
菩薩無可喻	唯與善福俱	處妙后胎已
地六反震動	猶如水中船	空中崩雷聲

浴池肅肅動 衆流淨澄清 諸天於空中
布華如帳幔 稱慶踊躍喜 地神欣然笑
諸華盡敷鮮 遍地無空缺 樹神見衆華
開張如目視 魔王愛樂樹 即萎摧悻愁
妙后寐寤尋憶夢 諸根寂然喜踊躍
舉目四向遍察視 玉顏怡悅蓮華色
即啓王曰唯願聽 夢中所見甚吉祥
大白象王有六牙 忽然來至在我前
王聞后所夢 懷疑喜踊躍 即召梵志占
爲說夢所見 明達善占夢 思惟乃發言

案典籍占夢 唯聽今諦說
女夢日光明入腹 因此懷妊生吉子
如日赫照普地界 其子德尊主一方
夢見月滿衆星俱 光照女腹因懷胎
生子聖達轉金輪 典主四方正法治
此女夢白象 趣入其右脅 此子無瑕穢
天人稽首禮 一切無不知 所生必爲佛
此典古聖識 王后夢白象 當生寶聖子
神仙獨象步 案卦以占之 必生天人師
其唯有二趣 樂家爲聖王 捨家除鬚髮

成佛衆聖師	喜其占夢諦	賜金恣其意
王后聞甚喜	以善事啓王	自夢此以來
恬然服甘露	體性衆惡除	唯願樂衆善
不樂名寶衣	唯善潔素衣	不好寶名扇
樂露清涼風	厭穢於五欲	樂受正真法
六情不復著	色聲香味觸	不復樂宮室
意思遊園觀	啓王如是已	王即答之曰
恣卿意所樂	王從將俱出	乃至於流民
清涼華樹園	后自內觀身	如淨水月影
處胎無垢穢	金華琉璃舉	月滿諸根具

觀如寶明珠 后覺生期至 遊詣華香園
其園肅肅清 諸妙神來集
如來生品第四
于時沸星適與月合 吉瑞應期從右脇生
猶如雲除 千日霍現 譬如久冥 炬光卒耀
東方爲首樹爲頭髮 華草爲毛 蓮華爲面
青蓮爲眼 丹樹爲口 須彌爲乳 四海爲腹
中土爲腰 南方爲髀 私爲垂珠 恒爲香瓔
西方爲足 衆寶爲飾 諸轉輪王 歷代典主
如江河數 佛所履踐 千輻相輪 常如印章

過去諸佛所修德義生育萬物猶如慈母
難動即時肅然震聲懷喜庠序和悅而瞻
即時右脇顯大輝耀過絕日光日如螢火
今日失明無復精光光如華髻現若千色
爰塞四方滿虛空中譬如雲除日照然現
爾時諸天見是昱光悚然怪異而相謂言
日天下耶金樹出乎有神對曰佛日出現
日天子疑是何異日將無奪我日城宮殿
懷嫉霍然彼千光明佛耀輝地日焰照空
太子懷光千倍踰日日光還逝退不敢當

天地普然如劫盡焰天地冥闔如始旦曉
諸神普喜地祇鼓舞光明雨灑甘露良藥
充飽一切滅憂惱患海震如笑樹木驅賊
淵池青蓮如開目視衆樹散華以敬太子
衆鳥翔鳴如雅頌音諸天慕善如華遇日
達四
靚照十方晃如金色神祇懷喜華非時敷
金銀栴檀細末如塵天意作華晴無雲雨
光明普照遍滿十方明珠火焰奄然不現
日所不照幽隱冥處霍然大明耀三惡趣
聖智明達教世光相梵天神等華中化生

慈謙敬心散天意華掌蓮華色兩手接擎
懷愛敬心慈目熟視以梵清音歎其功德
躬自傾屈頭面禮足戴之頂上日處須彌
號名百祠手執金剛以千慈眼熟視無厭
天華白蓋雜妙寶華其明如月上於太子
歎其功曰勞苦彌劫以大方便發求佛道
願垂慈心衆生可傷唯爲普世不請之師
北斗七星亦加稱歎現七覺意消七勞垢
故行七步如師子趨足跡印現喻如七星
其步泰然不懷疑慢地神傾屈低仰接足

以普明日照於四方現四諦法如師子吼
吾齊以此末後受形不復處在胞胎之獄
今當得佛最難得道將導一切服甘露蜜
委靡輭草雜色衆華如天統綆周遍布地
譬如天王處清池淵如金樹華視甚微妙
諸五趣類受苦惱者皆得休息身安快樂
衆結縛著甚急牢固爾時衆結悉得解脫
爾時洪音遍聞佛界諸天鬼神懷喜踊躍
速昇虛空進見聖寶諸天曼塞充滿無間
大龍王子如須彌山目猶日月動海出水

頭戴雲蓋速疾尋至細雨香水敬浴太子
安祥天子受天世人大敬祠祀能與其願
自化已身現有四頭乘牛執蓋敬護菩薩
童男天子首戴羽冠威力巍巍號孔雀幢
貫冑帶甲執持武備為天軍師將從大衆
擁護菩薩一由延內天王大力名毗沙門
珍寶充盈德有悉界天二十八神將軍俱
各與營從器甲嚴整與億鬼神來護菩薩
又有天王名尊自在與無央數巨億諸天
執持幢幡而來雲集以恭肅敬禮菩薩足

閻王惡害無能勝者驅逐衆生以一種法
擲棄所執太山獄杖以慈愍心來禮菩薩
無數諸天龍鬼神王淨居天上諸清淨天
叉手合掌如未敷藕賣敬曲躬詠歎菩薩
金色天華明珠臺青芙蓉華紺琉璃莖
興成意華若干妙色末梅檀香散下如雨
天女空中眷屬俱來鼓天妓樂歌歎功勳
往古修行衆億善本果報成熟潤及群生
慶雲震樂諸天散華身放光明晃晃昱昱
諸天吒歎衆生歡喜蒙佛神德普嚴世界

金鳥諸龍俱懷和協天阿須倫棄捨怨嫌
從白淨月出清涼光普爲世間滅愛憎火
梵志占相品第五

當爾之時衆善普會殃患消滅快樂無極
王因是喜赦除天下欣慶來集如衆川流

連四

十三

如天帝釋生子瞿夷如安祥天生子童男
如毗沙門生子寶瓶菩薩誕育王亦歡喜
菩薩體輒如天初生乳母收養如育嬰孩
請諸舊德曉事母人圍衛擁護不離左右
光相明照如梵中尊諸母速疾將詣天祀

欲令拜謁諸天形像天像皆起屈伸低仰
諸有金石水泥天像叉手稽首禮敬菩薩
諸母驚怖心皆愕然緣是瑞應號天中天
未諦審知太子神德因此恐怖速還歸宮
白淨王聞驚怪怖戰因召梵志明占相者
應命尋至王即問曰唯諸明師瞻相吾子
懼因此子犯觸天像唯拔吾心諸深狐疑
梵志喜顏對曰天王今應稱慶不宜懷感
王族更新當從今始轉輪聖帝應臨四方
案卦占察右脇生者必爲尊貴聖達普智

臨衆王上顯如須彌爲衆山王無能及者
衆寶之中如意爲最衆流之中大海爲最
衆光之中日月爲最今是太子衆聖中最
案占古典有威儀王因手而生律王掌生
情思力王從父腋出王名往古因父胙生
梭陀竭王頂上生出是等德強皆轉輪王
今占光瑞相應聖王攝度天人以聖慧力
名號普聞周遍十方如大聖王號支陀竭
金輪白象玉女紺馬明珠聖臣主兵七寶
遊天世間從兵四品當爲天人開無爲路

當有千子才力勇猛當以正法治世太平
若捨出家進求道術必當爲佛以惠勝世
仰案世間衆聖明師案卦所占唯此二趣
王欣解顏謂梵志曰自宗祖來聖王斷絕
父王亦無轉輪王位子何由能目致聖王
王雖如是梵志愕然皆共同聲舉手稱歎
注四
猶如大龍雷震之聲於王殿上大稱善慶
唯王莫疑謂其不然父子德異宿行不同
唯在宿世修立德行請呈籍卦王當照之
往古仙聖賢才明達次比四句若醫藥方

往醫婁他不能敏達其子仙賢明達踰父
往古聖王後亦不繼百轉之孫乃復還紹
近聖亦復限齊江海其先莫能如其子者
如是異術乃餘無數往古先人所不逮及
其後苗裔秀出踰前事任宿德非由於人
前世所修與今德合雖今時非德人居吉
瞻案籍卦與瑞符合必得於世為轉輪王
王告諸大眾梵志曰今當為子因德立字
梵志默然心思斯須謙遜昇聲啓白大王
察今時運太清和順吉鳥翔鳴瑞應至聲

地動庠序節氣調適風雨順時世應太平
眾火焰現清徹無烟諸天塞空現形叉手
雨眾雜華天樂並作王教平均國應豐熟
大王國境祥瑞普臻當名太子號曰吉財
王意大悅重賜梵志金角乳牛數百千頭
王還喜悅摩太子頭以妙寶瓔繫太子頸
慈心叉手歎其德曰先臨聖王然後出家
阿夷決疑品第六
高山華果池快樂如天觀眾山少及者
故名阿夷岳 義之居此山 年耆結旋髮

長暴露形體	壽高百有餘	體態如黑雲
髮如白銀數	眼睛微赤黑	形如雜色山
智慧如梵天	明如日月火	四火日第五
自暴名阿夷	卒聞響響聲	鳥獸鳴如語
其解鳥獸音	懷疑出廬窟	見天交錯飛
於空中歡喜	因仰問天人	諸天何為喜
有天名法樂	尋答阿夷曰	師為未聞耶
世有奇吉祥	白淨王生子	當度世衆生
卒必成佛道	為天世人師	聞佛之名號
踊躍衣毛豎	即上昇虛空	欲見釋童子

因所見瑞應	神通意審諦	彈指頃之間
便到王宮門	是上聖通士	明達禁戒備
王以愛敬意	速迎請入宮	讓之以上坐
謙恭辭慰勞	垂愍回接顧	屈來入鄙國
阿夷覺王意	愛敬盡禮儀	以慈目視王
執謙以敬謝	王宜應如是	愛賓以上禮
大王承法治	垂恩於國民	自先過諸王
種種大施與	於財寶食使	戒智慧豐富
吾所由至此	宜懷歡喜聽	聞空中天語
王生子作佛	王忻所聞事	覺吉祥故來

法幢甚可愛	觀釋種族旗	王聞說是言
喜愕情惶忉	速呼太子來	與阿夷相見
在乳母抱上	光相昭然明	是太子德相
如天后抱子	阿夷不能忍	便前取太子
兩手抱愛視	如黑雲裏日	在阿夷抱上
菩薩明益輝	猶如黑山間	消金爐熾火
以慈心久視	眼中即雨淚	太子體晃昱
如黑雲雨電	王見阿夷泣	心懷甚怖懾
恐子將不祥	懷疑語阿夷	唯聖時見示
吾氣時欲絕	今見仁慈泣	是故心驚戰

得無是吾命	一旦忽然滅	先為我致慶
後將無遺憾	劣乃得此子	久渴得升水
將無為吾怨	翻不令吾當	吾始生意念
得子至眼眠	子目遺後視	則吾不憂世
是吾族珍樹	生於寶宮池	將護誠告我
以愛已子情	面如盛滿月	阿夷熟視之
眼睫青紺光	舌如蓮華葉	頭髮紺青色
覆其高廣額	頰車如師子	諸頷充平滿
師子肩長臂	掌輪千輻理	次視其相已
從頂至足相	師盡愛敬意	稽首禮太子

淚墮如雨下	懷慘惘啓王	其有充滿足
三十二妙相	必當成為佛	以善勝普世
諸天聞是語	於空中散華	同聲稱善善
王謂阿夷言	前師案卦占	定成轉輪王
今聖師視相	定之使成佛	王言猶投酥
火焰盛熾猛	達四 益增阿夷口	十七 更說決定言
如我觀察相	姿媚滅欲意	示衆生滅度
當以佛容貌	假令空中雨	金剛之大山
不動太子毛	何況餘艱難	普世衆力士
諸弊害鬼神	及阿須倫王	軍官屬管從

各執金剛杵	大如須彌山	來欲擊太子
山杵破散盡	太子不動移	當作是覺知
吾不以是感	當以懷歡慶	我自傷流泣
遇佛而空過	班宣慧照曜	奮千辭義光
佛因當顯明	我獨不見感	立在無爲空
滅如月清冷	世蒙涼除熱	我獨當焦然
佛常執金剛	慧杵碎塵勞	當有甘露藥
我獨不得嘗	佛如海馬王	濟度海流人
我獨退在後	姪鬼所裂敗	一切智池水
善意諸虫貝	通放慧江流	一切飲除渴

衆善爲根株	忍枝意止葉	覺意以爲華
成泥洹甘果	解脫衆生禪	戒香遍世間
佛樹當生長	我薄德不覩	愚癡門甚牢
恩愛關甚固	當以法鑰開	生死牢獄門
晉世相燒然	以姪怒癡焰	當以法水滅
如雲雨野火	以悲心之角	定頡十方鋒
常施善法乳	天人飲無馱	普世之瓔羅
歷勞之重疾	以最勝法藥	當療衆生病
佛之大海淵	諸佛之寶渚	度生死賈客
以寶充其僥	芥子比須彌	牛跡水沉海

螢火喻日光	轉輪王方佛	勝逼達梵天
喻覺慧帝釋	超淨相梵志	世傳古王典
古仙聖大師	學深猷祠祀	若聞佛聖化
疾捨本術廬	澡瓶杖簇髻	棄本諸威儀
尋捨貢高意	猷本所習禮	咄此老宮懷
令人無所及	吾已得五通	今事永不偶
今甫欲然耀	慧定照世間	吾今垂垂滅
如何不悲乎	即呼弟子來	汝莫如吾誤
以徒託太子	阿夷辭遠退	
入譽論品第七		

是時釋王德日夜增寶倉國境名稱智慧
金寶積聚種種瓔珞衆善來歸如秋海淵
象馬車乘猶天嚴駕賢善調良自然詣廐
甘蔗石蜜酥乳水漿粳糧穀米氣味力增
殃患普除怨敵屈附舊親增敬疫饑消亡
涼風和調時雨細潤空中晃昱甚好嚴備
盡王境土長益豐茂衆善普集不祥枯竭
以太子德合成諧偶以諧偶故名稱普聞
諸根成就相好可觀猶月初生十五日滿
諸王長者普進貢獻梅檀羊車駕御金鹿

象牙金銀雜寶合成粟珍填廁象子馬駒
童子曳弄戲笑娛樂白銀鴈子珊瑚口噉
隨其年長致獻貢御金寶博弈以供太子
年在幼少爲事尊長重踰須彌忍辱過地
淵深於海意博包空時過孩童初入壯美
世人所習衆諸技術太子學能不加日勞
年滿十六體力精進文武兼備藝過諸釋
王觀太子德日殊異兄弟中猛如勇師子
王忽悟憶阿夷所言如何當令捨是洪德
涉苦入山精勤學道心即懷疑召諸臣議

思計令子不入山學執謙尊教如天帝臣
承帝詔命思計設理沉思斯須執敬啓言
尋承命旨子難卒留海可過濟日可失明
月可捨涼子願難違唯然天王宜設方便
若設方便爲事必剋假令不剋無遺恨情
事離方便則難施立聽承古仙服水氣者
長勞困形皮骨相連重如太山遭欲風吹
愛恚戰動如風吹樹嚴妙堂舍色馨香味
華香嚴飾狀如天女第一上樂迷醉女樂
五欲猶能迷惑仙士夫色馨香味細滑觸

諸心所喜五情所貪以欲堅牢力强大網
以繫子心乃可無憂王然此義即召美女
十五以上容色妙者六十四種姿媚具備
尋致諸女充太子宫久學調靜執慚愧戈
於娒女中如月衆星攝藏輝光不甘五欲
口終不發不遜之言
眼不起視色猶餓夫於樂諸妓女懷慚
如冥逃光走父王聞是已不安寢於牀
因更令境內有相好樂者其誰有妙女
必盡來應會若有違限者加之以重譴

設此嚴限已	益出衆瓔珞	恣之取瓔珞
入宮爲嫁女	種種嚴修飾	諸遊觀園池
無數衆女集	皆受賦瓔珞	太子德如日
目無能當者	自執意校計	終無能染汙
執杖釋種女	姿貌如天女	心忍辱如地
面暉如月滿	古聖王苗裔	相應玉女寶
德廣覆天下	除憂如天樂	持重有智慧
相好容貌充	名稱最第一	是故號降稱
手執波曇華	眼如紺蓮葉	兩手捧好華
歡喜詣其母	唯然見嚴飾	意欲入宮觀

欲見釋太子	心自然戀慕	母即告女曰
寧令受僊謫	終不聽汝往	願母必見聽
重啓父母已	即聽隨其願	愛敬執謙恭
執辭父母已	將從顯然往	如水恒趣海
至於王宮中	到遙觀太子	過去五百世
曾爲太子妻	其所生之處	女中最第一
前世緣牽致	故熟視太子	顏容欣開敷
如日水蓮華	厥行步庠序	寂然無聲響
猶如衆江流	入海則寂定	衆中有一女
造二首歌頌	音韻甚和好	應時順事理

有女來甚妙	執持紺蓮華	憶往世善行
故以相發悟	過世上名華	供養定光佛
執華甚殊好	猶如忉利天	菩薩忽然聞
定光佛之名	心中即驚動	徐舉目遍視
即發聲謂曰	進手中華來	以言眾所饒
如服甘露藥	注四 應聲尋進華	以奉上菩薩
侍在菩薩左	如明星在月	太子視瓔珞
不宜其所服	即解明瓔珞	飾以掛女頸
於是明珠瓔	嚴飾女形容	好無雙比
蓋發明珠光	猶如天寶釋	在於紫紺殿

亦如十五日 月與眾星俱 合宮盡歡喜
皆共同舉聲 稱曰真得妃 莫不同其歡
如是歌稱聲 斯須流聞王 王聞甚歡悅
重賜名寶珍
王即令求女父母來 賜與珍寶不可稱計
召明梵志卜擇良辰 塗香壇地飾以眾華
以神呪酥充飽火神 灌太子手父母授女
為太子妃 女中第一在太子側 如日月星
佛本行經卷第一

音釋

捶	主	馬	策	切	擊	挫	才	計	切	餐	餐	餐	則	也	餐	他	刀	切	食
切	食	也	趨	居	六	切	魔	研	奚	切	躁	則	到	切	傀	偶			
食	也	傀	偶	戲	也	夾	面	旁	也	翺	胡	得	切	鏗	可				
很	切	傀	偶	戲	也	箭	奇	也	箬	古	活	切	箭	本					
也	切	甲	鏃	天	楠	也	箬	箭	奇	也	箬	受	弦	處	也				
簡	散	胡	對	切	鴛	岫	魔	梵	語	也	此	云	指						
錚	通	眉	鞞	切	黼	黻	黼	黻	黑	白	相	次	文	也					
燼	徐	刀	切	塹	七	豔	切	菱	危	切	悻	其	季	切					
識	楚	禁	切	舉	雲	俱	切	髓	枯	官	輻	方	六	罍	色	察			
切	還	馬	駢	駢	普	火	切	統	統	於	阮	切	統	坐	禪				
也	也	馬	駢	駢	音	我	切	統	統	於	阮	切	統	坐	禪				

也 愕逆各切
睫 目即涉切也
疲 疲越遲切
側格切
慙 慙七感切
失志貌也
懔 懔居位切
懔懼也
鑰 鑰大乃切
乃
罰 側格切
也

永樂北藏

佛本行經

第一二八冊

佛本行經卷第二

達五

宋涼州沙門釋寶雲譯

與衆婢女遊居品第八

種種嚴飾猶如天宮
春秋冬夏四時各異
應節修治遊觀園池
亦如天帝施安樹林

達五

太子因遊至園池觀
婢女園遶如月處星
於是衆女晝夜作樂
嘲調戲笑過數年已
或娛樂之更造新術
或現已身或時書頌
或圖廟畫或有刻鏤
或有以泥爲若干像
或有結華以爲敷飾
或在面目或有塗香

或以鏡照或櫛梳頭
或黛黑眉或丹口脣
或復有女華相打擲
或戲笑者或悲歎泣
或口詠歌可聽可樂
猶如華中衆蜜蜂鳴
衆女求浴太子聽從
無憂樹間丹華之池
圓光文飾照樹金色
猶金在火明耀林樹
諸樹傾屈散供衆華
衆鳥相和悲哀而鳴
女笑鳥鳴震聲遠聞
五音俱作感動人情
太子入池水至其腰
諸女園遶明耀浴池
猶如明珠遶寶山王
妙相顯赫甚好巍巍
衆女水中種種戲笑
或相湮沒或水相灑

或有弄華以華相擲或入水底良久乃出
或於水中現其眾華或復於水但見其手
眾女池中光耀眾華令眾童子失其目光
或言眾華太子五寶財物盡事悉著金柱
然猶發香水澆皆隨風而散水成香池
如是戲笑難可計數古德云女門違其側
太子於中如天帝釋於天浴池與天女俱
於是皆乘金銀寶船遊戲池中如天乘雲
太子復乘七寶之船妃在其側俱共入池
色身金照光各一丈如日乘船莫不驚愕

謂是日出眾華開張明重光照踰日天子
太子出池諸女更嚴作眾妓樂行甘蔗漿
諸女飲已跳踉舞戲時日便冥向月燭明
欲惑太子意終不傾欲使其貪意終不著
慧燈甚明終無能滅猶明珠燈不損飛蛾
斯須至冥眾女睡眠太子妃寐夢觀憂變
太子出家捨宮嫔女逃入山澤妃獨逐走
從後求哀莫相捐弃澡手見授今棄付誰
惟今自察無重過失願微重榮莫生相捨
獨入山澤勤修眾德何却於妾致大酷惡

古時出林見我獨得記
追呼不息太子入林
號向樹曰汝獨無憂我獨懷惱示我太子
仰見樹上有赤臂鳥向鳥歎苦我失所怙
汝聲似之留聲與汝願以鵲聲除我心惱
又見樹曰汝何不意吾厄失怙迷行犯觸
賢夫所念何事何見笑華盡開敷
見雙頭鳥相解飛益增憂苦流泣且言
令我觀之夫之我亡
莫快我

當散我心好喜妓樂未曾相犯何為必爾
為風所動樹枝傾曲猶如以掌擊打於我
鳥獸角視爾所遣夫水聲如罵我不任治
太子不還便悲歎曰留目紺蓮留超與應
留笑華敷留顏金華留髮辟兵我見遺忽
口言未止忽見太子於林樹間便前搏曰
何為相棄語頃驚覺抱持太子慚懼戰疚
太子問曰何為如是便說夢事太子報曰
此非為汝吾無所去誰往誰返無有往者
亦無所至汝諦覺是色如聚沫覺意如泡

想如光焰行如芭蕉識法如幻諸根無力
形體相因猶如華合覺世無常譬如野馬
吾我無有亦無堅要合會有離汝當諦覺
太子自念是吾出應
現憂懼品第九

王愍太子愁勸令行遊觀始出宮城門
霍如日出雲駕乘七寶車衆德相自嚴
所將從貴重如月與衆星功德充滿備
形容甚殊妙都勅國邑里并除老病死
窮凍困厄者莫令現道側各使盡力嚴

若下幢幡蓋樓閣諸婦女猶如天宮城
嚴飾甚靡麗莫不懷歡慶萬民皆歌詠
聲響震一國猶秋水歸海諍競欲觀見
莊嚴易服飾未竟便起走或未及莊嚴
聞聲便馳往於衆閣欄楯畏塞不相容
或投身自懸猶如衆華垂或有傾屈禮
各懷敬歎曰當為世導師散衆華香瓔
見以皆驚觀展轉相謂言此當為何神
或云從天降或云是天帝魔王或梵天
懷疑歡踊躍歌歎若干種諸天見太子

容飾導從出	猶如天帝釋	出遊觀之時
於是淨居天	欲興降瑞應	如前佛現瑞
勸意出家覺	天卒化病人	喘卧在道側
色惡眼睛黃	體氣口焦乾	身腫爛臃脹
惡露諸不淨	宛轉而自塗	菩薩舉目見
問是為何物	醜惡難可視	御者尋對曰
食飲不時節	四大錯不順	是名為病人
菩薩報之曰	視何不分滅	御者復對曰
是不可分代	觀世無能免	疾病之危厄
四百四種病	大患如世間	尊亦未免離

處大變難患	太子即停駕	慘然懷憂歎
聞病心驚痛	如象被毒箭	見病觸其情
尋勅御車迴	心懼懷悚然	如牛畏雷震
聞雷聲怖愕	驚惶體不安	後時復更出
天化作老人	頭如絲雪霧	皮緩肌體皺
戰如水中枝	身僕如張弓	太子見即問
是名為何人	生便如是耶	為有變者乎
御者因對曰	始從身受胎	微起如泡沫
緣起五體見	分合成六情	然後乃出生
小飲母乳活	次長乃食穀	轉緣地而行

如夏沙滲水

面如月遭蝕

如華被毒霜

天化命過人

宇親隨長車

被髮而啼哭

飲其體精氣

猶野火燒澤

是名天使召

問曰是何等

以至誠示吾

爾時諸侍御

太子視良久

壞變令形異

如華被毒霜

便爲具足說

日迫至枯老

痛流精汁竭

強磨碎衆生

心猶口雲霧

壯進力枯竭

八節之利銛

剗刻壽命樹

日月之斧利

當設方便逃

如避强害寇

後復出遊見

晝夜恒斫斷

會遇無常風

隨靡崩顛墮

心惛失聽識

猶野火燒澤

迫迤如壓油

與父母離別

隨行獨迷走

妻子及兄弟

飲其體精氣

壞變令形異

是者名爲老

無親可恃怙

莫能設方便

圍遶而哭泣

太子視良久

壞變令形異

是者名爲老

追慕哀摧傷

歎其生時德

吾亦當爾乎

強磨碎衆生

世普遭苦患

何可暢意安

都亡尊莫疑

我亦離親耶

爾尊必當別

當設方便逃

如避强害寇

後復出遊見

曾世死所執

如何暢笑語

不知慚愧故

更無數死	晝夜之長塗	日月運不停
老死病甚毒	憂惱之牙齒	四時舌所舐
宿行速危險	一切莫能免	死猶龍所吞
普入盡傷折	都崩盡斷壞	悉奪其所願
盡吞盡燒沒	盡驅盡挫摧	莫有能禁遮
寧當覺是死	聞已懷懼曰	處世之笑者
金石為笑耶	太子懷憂行	憶死如湯灼
猶如猛師子	處林遭野火	思欲得免離
老病死熾焰	順道念不忘	方便欲求出
天化作梵志	現形暴露難	簇髮鬚眉長

被麤鹿皮衣	手持澡瓶水	又執三岐杖
菩薩因問曰	仁修術願何	尋聲應太子
唯聽我所願	無病老死患	是處名天上
今於此下種	生天廣大華	願求安快樂
萌芽天上生	太子歎吒曰	斯士見計明
告語天離患	是亦吾所樂	心惟懷一疑
為永恒常不	若必常安樂	可願生天耳
天於上稱善	歎太子心淨	天上雖快樂
卒必當墮落	食福眾善快	終無求長存
福盡即退墮	三塗受苦分	日有千光焰

連五

六

福盡墮闇冥	月滿盛照耀	月天墮失明
梵釋無數天	雖失天榮位	還為可傷物
乞匄餓鬼形	昔為寶頂佛	然燈五七日
始發意求佛	誓願甚堅固	即時魔心戰
猶如芭蕉樹	亦令魔宮殿	震動不得安
為三界所敬	今者不宜忘	於無央數佛
修若干勞勤	昔為施安佛	起七寶大塔
猶如須彌山	峙立於地上	上錠光七華
受翦當為佛	金華散普佛	終日願大乘
又為起廟寺	事蓮華上佛	及餘無數佛

眾寶香華施	以天華供養	無數能仁佛
又供現義佛	華香畢已壽	歌歎方面佛
乃至七七日	供養無量佛	盡已之形壽
復施頂王佛	七寶名衣服	布施無漏佛
求欲作沙門	又於理光佛	入道持淨法
復於無限佛	剃頭作沙門	於數千諸佛
執勤勞謙敬	有身餒餓虎	以妻息施與
捨眼身肌肉	手足心不亂	如是不可計
頭施有千數	當施與之時	震動三千界
如是言說頃	現天壽終墮	後者悲歎慕

逆五

七

展轉相憐傷	下現八地獄	各十六營屬
忽有大聲出	普世皆當死	從此轉進行
釋種女名鹿	見太子如天	發大聲言曰
是父不懷憂	爲母大安樂	其夫如此者
婦如逮無爲	如從天雲雷	聲入太子耳
始聞無爲音	猶疲勞得息	諸情已充足
意中如逮得	以已盛寶瓔	遙擲掛女頸
以聞無爲喜	不以邪欲與	歡心向無爲
忽見化沙門	威儀戒寂靜	法服手持鉢
太子告御者	回車往行就	太子問沙門

尋聲而應之	六情無諸漏	捨家轉離患
山巖空閑樹	止宿獨靜處	乞自存活
太子願學此	我名曰沙門	欲求解脫故
愛憎意俱除	諸情調心定	無著捨吾我
衆事一切棄	乘自守車輿	手執智慧弓
廣設諸方便	欲壞滅魔兵	願無火無地
無水無風雲	無日月星辰	無雲空疾患
無老死憂苦	亦無別離惱	甘露永乖滅
吾願求是處	說是言適竟	忽滅太子前
太子安庠行	光影照耀地	還至遊觀園

永樂北藏

佛本行經

第一二八冊

心寂滅定安 意思若干種 衆善之方便
閻浮提樹蔭品第十

菩薩於是時 心懷慘然還 過到遊觀園
德曜猶天帝 諸仙聖之王 不以女色惑
或見農田夫 興功耕犁作 踐截蠕動蟲

法五

即起悲痛心 如親傷赤子 慨然而長歎
去其樹不遠 伏藏忽出現 辟方一由旬
七寶充盈滿 將從喜踊躍 取金書寶器
銘題古王號 某器某王造 太子省銘題
過去轉輪王 八萬四千代 展轉相承習

視其七寶積 如見毒蛇虺 回顧華光顏
傾屈敬先代 泣出紺色睫 雨於華容顏
即舉普慈目 仰瞻視空中 發情哀梵音
勅其左右曰 往古諸釋尊 雄猛世憍慢
捨國名天位 空獨至何方 賦役勞四域
積聚無央數 土地國寶藏 故字其主無
心思計無常 趣閻浮樹下 即舉金光腦
置金色胫上 坐思堅無動 聚意專一定
觀起滅合散 逮得一定住 如江河沙數
諸佛不共意 九惱江流濁 以珠能使清

於一切衆生	慈心彈指頃	福無限無量
慈加衆生故	復起慈愍心	欲安衆苦患
諦察見一切	平等逮一禪	棄諸欲惡法
尋得歡喜解	乃至第四禪	及無量清淨
日時轉向夕	諸樹蔭移徙	唯閻浮樹影
如蓋覆太子	猶人識恩養	宿行報不捨
蔭不離太子	如報不捨對	釋種王聞之
騰至如師子	見子處樹下	猶如雲中日
情喜懷踴躍	愕然不自勝	慈目垂泣視
禮足悲聲歎	以無量敬意	如是今再禮

法五

九

願國土有德	莫生捨棄去	普懷喜踴躍
猶如僥天福	幸莫棄愚迷	失僥墜罪冥
子是世間德	顯古先人號	一切所恃賴
諸釋中之雄	是吾之身命	諸女之欲天
衆生之梵天	普令之自在	莫奪吾等命
猶如強敵王	王愛子不覺	悲慘且還宮
王去後不久	太子從禪覺	聞空中有聲
三天於上問	天人之導師	願聽我等言
願尊可時出	從無央數劫	名色二支分
周徧於五道	根萌至於有	甚大而堅固

今以智慧犁	反生死樹源	愛深廣淵池
亂想如魚遊	回覆迷牽著	嫉恚駛流波
第二天所啓	以清淨敬意	可乘進浮船
度塵勞海岸	第三天啓言	種山橋慢巖
邪見之深坑	嫉恚之絕崖	病死之川谷
傾邪屈而曲	以慧金剛杵	壞碎衆苦山
聞已從座起	晃耀如金山	雄步臂膈平
聲如雲雷音	目如紺蓮葉	面容如月城
獸家樂無爲	意但思欲出	如師子被箭
傷心還入宮	行詣父王宮	白淨之殿前

跪叉手白啓	惟願聽所陳	欲得捨家出
迷修古聖業	合會必有離	誰能依久存
王聞其所啓	心如動水月	感咽不能言
良久乃發聲	惟莫懷此意	非是卿出時
年始幼美盛	不宜居山澤	今正是吾時
捨位入法津	以卿有德子	幸願踐禁位
地祇懷希望	求轉輪聖王	釋種因卿顯
汝不宜禪位	因以深重聲	而報父王曰
願尊以四事	爲已之保任	使病不侵強
老不奪盛壯	死是普世患	令莫竊壽命

法五

十

成事不壞敗	如是為四事	若必能保任
便可無憂住	不行諸山澤	泰然治國民
王曰此四事	無能保任者	卿應食國位
無有不順理	居位可修法	致得無為道
七寶為首冠	寶服光耀體	眾好自榮恣
如欲界天子	皆居臨王位	自致得解脫
有王名力勝	有王名不迷	有王名識知
有王名武力	此等居王位	逮得解脫滅
如是但居國	兩得無所失	於意得自在
及乃國土地	無能妨廢者	必當速成辦

吾願以五服	容飾駕授卿	沐卿寶蓋下
吾乃居山澤	太子執謙敬	而報父王曰
若不可保任	願莫見固遮	雖是真金舍
失火當避走	智者不宜遮	逃災避火者
當覺真金舍	及與自在俱	雖快三火熾
不當捨逃乎	又有清浴池	芙蓉甚充滿
中有螺蛸蟲	不可捨棄耶	手執持老弓
甚強諄調利	射以病苦箭	發著終不失
墮宿對之圍	閻王常所獵	何愚當立待
可來快射我	若有人畏空	方方逃避走

連五

十一

所到見虛空 怖不知所趣 如是於五趣
無常普周徧 欲至無畏方 是不宜固遮
於時釋尊王 嘿然不加報 手自牽子手
曉喻欲令起 即勅諸傍臣 增妓樂牢守
於時聖太子 入宮自消息

出家品第十一

太子於是時 心懷甚憔悴 又更諮父王
盡意勤求出 尊若見憐愍 願觀世擾動
合會莫不離 難得保久長 惟願見聽放
至仙人山澤 於彼修淨行 開現解脫路

更無有餘願 過踰出上者 若審見愛愍
願必見聽放 於時白淨王 以蓮華色手
牽太子手已 悲聲而告之 垂泣而熟視
良久乃長歎 然後發聲言 辛酸苦痛辭
惟子可放捨 莫復懷此心 今未應是汝
山澤自守時 心尋受禁樂 未曾涉苦勤
爲衆欲所劫 猶如無御車 如今正是吾
山澤自守時 應以王榮位 次欲委授卿
香湯灌沐浴 以寶冠駕授 我懷喜不憂
入山澤無慮 願見汝沐浴 初踐於王位

駕授觀視汝 慰吾久僥意 寫恩愛所生

又積之涕泣 淚盈目入澤 以塞先人責

太子聞王令如是 即啓王以清深辭

已審覺王垂愛愍 余亦孝敬重愛尊

若欲逃出失火宅 有親愛遮不令出

十五

以親愛故俱被燒 有何善好願思之

十二

今欲逃避無常火 智者不宜遮令燒

但欲求免不俱燒 願見聽許入山澤

誰不欲與親屬俱 若永已聚不離散

與諸親厚所愛染 死力不强離別者

是故釋王願怨亮 非爲無有戀慕心

以不自在屬無常 是故決意求泥洹

前世所有諸親愛 我在何許彼何至

我今以何益彼等 宿對風吹如雲散

王勅云非卿去時 若死來時可却者

曼火未盛有所燒 當與逆滅莫出後

尊以王位盡委授 彼無恃怙無歸救

猶負大石度深水 是故不宜受王位

王聞太子言 辭理甚正直 子言不可答

無理可固遮 即令勅諸臣 竊守太子宮

增益其妓樂 莫令子愁慘

已後不久日向欲夕 於是入宮 如月入雲
坐觀妓樂 如象被閑 愚獸妓樂 小却偃息
雖小偃息 於事覺寤 寤寐尋起 衆嫖女眠
瓔珞迸散 失棄樂器 衣裳發露 種種若干
涎涕流出 塗汙咽胃 偃伏張口 難可觀視
或有女人 抱樂器眠 或更相枕 或獨趺伏
或有女人 直立而眠 髻解垂髮 如孔雀毛
或有女人 仰視而眠 猶如司曆 仰瞻星宿
見如是已 甚懷不悅 諦觀諸女 熟自思惟

慨然長歎 震動胷中 想處宮中 如丘墓間
諸女盛美 姿容妙好 太子憂懼 如象遭火
諸女姿好 眠賊所盜 忘失志思 樂器交錯
諸女性弱 常懷慚愧 爲眠昏象 而見蹋踐
如妙華樹 枝葉繁茂 卒遇餓象 拔破碎散
生死危害 甚輕躁擾 險薄欺僞 無親舊故
此現生存 形體如是 或於是身 不知慚愧
忽然墮地 亡失姿好 睡眠之因 堅硬其目
睡眠加之 形體難視 若當死亡 其形何似
是本支體 是本諸根 眠蓋所覆 乃致斯變

猶失機關不可復還失姿則卧若草土塊
久遠已來癡力甚強覆蔽耳目令瞽盲冥
身之汙穢顯露可見覆以薄皮莫能覺知
一切晉世甚遭困厄無所恃怙如輪迅轉
緣塵勞垢所沉湮沒猶如大象沉深淵池
今吾不宜牽連於此塵勞之網以自結縛
是故惡此五欲愛垢捨屋渾柱獨入山靜
爲宿善本催逼發寤太子決意欲出生死
吾出家時今已會至不宜久處生死大畏
是故今日當入山澤惟覺生死熱時焰光

吾自觀察有能堪任四大未分當早逃走
諸天人覺太子心清時淨居天尋時來下
獸諸侍衛純昏眠寐即時普開宮城諸門
若當如常每開門時其聲響徹聞一由延
天開諸門令寂無聲天歎太子種種功德
諸天踊躍歡喜達五充懷爲太子顯種種祥瑞
天散華香連續不斷妓樂歌詠震動虛空
見吉祥瑞諸天勸助心甚歡喜因作是想
人戀宗親不能捨離犍牛愛尾爲水所燒
即從座起意計決定於娑女華寶宮浴池

猶如鴈王棄華淵池太子亦爾無所戀著
是吾最後與女人俱是吾末後止宿居家
虛空尚可破為百分吾終不著愛欲還此
即時出宮如師子王壞裂堅網獨行遊步
裂家牢網亦復如是是以方便覺起車匿
以柔輓聲告語車匿速取良馬捷陟使來
諸天迷惑車匿心意即致白馬猶如馬王
鞍駕鞍勒皆令嚴備喻如白鶴與雲電俱
於是太子手摩馬頭以柔輓辭曉喻白馬
吾有大願委累於汝生長共俱如賢善友

必為快善令吾無礙欲突牢陣度至彼岸
是汝最後所應奉事今夜是汝最後負重
吾後不復勞動捷陟是我最後乘濟此斷
太子說已便前上馬如日初出現于山崗
在白馬上威德巍巍猶秋時月乘白雲中
四種鬼神欲令速疾接舉馬足遠王十五甚使精良
四王躬自在前而導諸天從出明如晝日
天龍鬼神及諸仙聖同聲歎曰願行無礙
所以捨棄四方天下及親寶宮疾得其願
太子即出宮城之外震動顯赫展暢言說

須彌山王今尚可散口氣吹之或可崩墮
吾若不能成佛聖道終不還入赤澤之城
猶如疾風吹遣浮雲斯須之頃出釋國界
如發意頃尋時即至猶日到于西山之岳
即便下馬入山澤中心懷歡喜辦已大事

車匿品第十二

菩薩以普慈 目睫紺青色 眼雨淚且言
盡心曉車匿 金鞘明珠襦 拔劒如抽虺
自以剃其頭 天敬接髮去
解寶瓔珞付車匿 遙跪敬意囑及曰

以此寶珠拜上王 執慈意啓惟莫憂
畏死懷懼甚苦劇 乃令父知失所僥
未還膝下之報養 乃令慈母宿天上

未致父子慈孝恩養 畏死別痛入山滅意
覺生死惡事甚衆多 我性本調強變令踈
如父慈愛以加於我 我亦慈敬尊重於父
今卿車匿具達此義 何煩慙慙廣及屬啓
閑緩豐饒快樂之時 親朋良友甚易可得
遭患遇厄良友難值 能以快善濟人厄者
或有僕使不蒙息愛 衆勞事役不悉堪能

如卿車匿受恩堪能遭惡有卿亦難可遇
凡人居於快樂中時踈遠外人來歸為友
人遭困險苦厄中時骨肉親厚叛為他人
此吾曩先諸釋種族馳聲四遠家私風俗
是我先人所遊山澤諸釋亦復不宜嗤我
以財施者連五甚移衆多莫有能以善法廣施
能以善法廣施與者無央數劫甚難遭值
如卿車匿今還歸家宜向父王陳吾缺斷
世人由王損除愛著愛著已除則無憂戀
吾見苦世皆沉沒在憂惱苦患大海深淵

所以捨家欲除老病不宜相惱增益憂患
人生墮地常追逐人老病死患甚弊惡害
誰能開心信不畏是拔刀惡賊追人走者
若不自勸開意遠離家屬親族恩愛染著
以當強遭別離之患死對不避賢愚貴賤
親族恩愛會連五必當強別離奚不早求度
不令強死別王若懷此想子非時入山
行善莫待時命如燭遇風騰情於父王
遙跪叉手啓世間遭劇苦莫念脫苦者
吾已勝老病逮得最榮樂天帝受五欲

不及我受樂	所以離親族	後圖獲大利
欲令一切生	永滅憎愛離	卿知吾素慈
父王愛重我	車匿方便啓	諫王令釋憂
車匿聞教勃	愕然懷悲苦	悚息戰慄悶
心如被毒箭	雨淚如連珠	長跪啼且言
如何轉輪族	今殄滅於尊	尊口恒習言
與是復與是	今反行乞求	如何不恥世
生性柔體婉	今反卒被惡	本猶芙蓉華
今出火相燒	尊今惟是速	出心之奇惡
毒虺卒入舍	尋當擲棄去	今不審王意

達五

十七

念尊心摧傷	不憶緣尊惱	猶晝更遭冥
不謂當有是	妙德柔輒子	望應節雨澤
反雨火釋族	如是大慈父	以善養育尊
忽養捨父王	如行欺失善	姨養猶如母
繫育如親生	願尊莫忽忘	如識返復士
如是諸親族	友昆弟鄉邑	願莫捨是會
如慳人恡財	尊與城別後	國人狂懷憂
如龍遇金鳥	舉國動如是	尊生時普國
吉祥如天上	今捨入山澤	墜苦如墮獄
初施德於國	猶冬日陽和	後施憂惱熱

如夏亢焦然	咄哉苦無德	審為天所迷
致馬來興尊	致憂惱一國	施目淚於民
心憂口祝禱	王以下男女	覆以憂霧雲
先師訓禮義	當普慈眾生	惱二親種族
自守有何道	象馬千祠祀	若慈愍眾生
假稱重二德	慈福萬億重	今王求寶子
垂老憂體重	狂行失志思	如野象失子
涕泣目眩赤	失寐顏容變	王今歎呼吟
猶山鳥失子	吾當用活為	失豐德神子
從子遭惱報	王當云如是	尊而習蓋陰

何忍日暴露	在宮寢寐時	寶帳綰綰褥
寶枕文繡被	五音以寢寐	今布草枕臂
鳥鳴如何眠	若人聞此問	縱令金剛心
他聞心當裂	況親族知識	卿莫放吾志
奉我有大勞	今還馬捷步	吾已居山澤
馬聞太子語	目即雨熱淚	踞地暢悲鳴
便跪舌舐足	以百福相手	太子摩馬頭
猶如曉良友	吾當識汝勤	卑匿啓太子
已割意捨國	願莫見遣還	離尊用活為
戀尊心焦然	何忍能還舍	捨尊曠野路

云何獨堪詣 卿但將馬去 可來還見吾
事成當還國 不成願形枯 車匿帝且還
順道而牽馬 顧視而無狀 蹋地強還歸
太子捨家出 願逮不動處 欲令一切生
皆逮得是處

瓶沙王問事品第十三

於是車匿將馬去後 寂然滅意 詳雄猛步
如師子王 裂壞衆網 專心一向 樂居山澤
形體巍巍 月明普現 衆林樹間 如日入空
雖弱遊行 德如大衆 衆善內著 外緣始發

行且自思惟 不宜著綵服 忽見釋化作
獵師被袈裟 太子因語曰 此服非汝宜
取吾金綵衣 卿袈裟與我 獵師尋便與
木蘭真袈裟 受衣還釋形 忽然昇虛逝
太子被袈裟 體宜則鮮明 猶如盛秋月
紫雲所纏繞 注五 林藪有梵志 十九 隱居學神仙
見太子往至 皆懷愕然心 熟視觀太子
不能還其繒 懷疑良久頃 乃還相謂曰
得無是北斗 七星第八者 或云乘馬宿
下行視世間 或云觀其形 將是德神願

或名曰天子 或言月天降 於其中有一
智達梵志曰 將無是梵天 自下至此林
以卿梵志等 守行純熟故 喜欲充吾僥
故行至此林 以如是言論 同聲相謂已
梵志體重者 忽然即輕便 菩薩問梵志
各修何道術 無有可採者 有一梵志曰
善哉汝德妙 意快甚深奧 年壯盛幼美
覺生死欲穢 惟當審諦察 生天泥洹道
樂取滅度者 是可謂為人 若心於決定
樂趣無爲者 速疾可往詣 中清淨山林

於彼有仙士 名曰無不達 彼得審諦眼
觀見泥洹元 如我今觀察 仁意之審諦
彼之所修學 豈能合仁意 其面如滿月
舌如華葉者 必當普飲盡 智慧之淵海
視菩薩行步 如月天子降 於是諸梵志
皆歎未曾有 心皆懷踊躍 如淵海潮波
情中欣欣喜 猶冥蒙月光 太子見是等
所學各若干 種種暴露形 心傷悵然歎
何一惡之甚 愚癡所迷惑 世間可憐傷
迷行強入苦 心思無吾我 猶如大象王

慄然懷恐懼	出離盛火林	金色之光明
晃照林樹邊	猶如秋節日	歷青雲而去
見恒運衆流	至於海水王	以群鴈白鶴
爲白珠瓔珞	用勢洪流波	以當寶環釧
來至恒水側	猶如海神王	以百福德相
普莊嚴其身	入於恒水中	衆流皆澄清
一切水中神	從下迎接之	斯須尋歷過
猶如群鴈王	時度恒水已	知宜行應節
除去貢高意	入王舍分衛	被服沙門衣
木蘭色袈裟	寂定攝諸根	行步應威儀

見太子體相	功德耀巍巍	所服寂滅衣
色應清淨行	人民皆愕然	擾動懷歡喜
熟觀菩薩形	眼睛如繫著	聚觀是菩薩
其心無厭極	宿世功德備	衆相悉具足
猶如妙芙蓉	雜色千種藕	衆人往自觀
如蜂集蓮華	厥所由至趣	衆人悉隨從
譬如人諸根	隨心走周旋	因展轉相謂
歎美其功德	觀此言視火	人中之妙寶
諦視其眼目	面之妙姿容	譬如聚粟金
中有帝紺寶	光明所纏繞	德相積聚成

姿貌甚和合	衆好悉具足	殄一切人意
眼睛俱相隨	數數熟諦視	而無有厭足
猶如遇暴雪	寒凍甚猛切	衆人爭競前
猶如得火燭	諸貴姓女人	各馳出其舍
猶如盛雲中	晃晃出電光	譬如無憂樹
枝葉華繁茂	風之所吹屈	傾曲禮菩薩
抱上嬰孩兒	口皆放母乳	熟視觀菩薩
忘不還求乳	舉城中人民	皆共競歡譽
各各言是好	是妙是好相	時有一人言
若卒有人言	如嘗石蜜餅	是美是不美

如彼之形貌	若偏歎一事	不可偏說一
衆德善積聚	審諦之表識	衆善盡顯露
以嚴飾其身	充滿人心目	衆華飾其容
軟香感人情	猶如陽春節	顯然而晃昱
夫宿行之報	如何無慈心	以是天形足
不爲普地主	識能識知是	行從他人乞
誰能施是人	計無有稱者	爾時其國王
厥號爲瓶沙	時處高觀上	遙見太子行
即問左右曰	彼行者是誰	容貌甚鮮明
而服縵色衣	傍臣即啓王	廣陳其種姓

王勅傍臣曰 蔡其行所趣 於城外食訖
上槃塔名山 光影照然明 如日臨山崗
於時王瓶沙 單與將從俱 往至槃塔山
服飾形容殊 侍從執寶蓋 犀雅師子步
王至下寶車 步步而登山 見太子獨坐
諸根寂然滅 譬如盛滿月 燿然處雲上
如諸法色像 忽然而化現 意甚懷愕然
顧謂傍臣曰 其有是形貌 姿容可愛喜
今是必可保 能成大善德 今觀其衆善
婉轉而柔弱 略視其要相 惟佛應有是

除去憍慢意 執謙而爲禮 王因其時宜
而問訊菩薩 王以清淨意 前坐青石上
即便啓菩薩 因是說偈言 太子諸先族
出於日天子 年時在壯幼 形容甚照曜
不審其緣故 乃興發此意 乞匄以自濟
不甘世王位 注五 姿媚甚照照 世二 已積善快然
猶如閻浮樹 衆華茂盛好 服著此袈裟
喻如以草裹 猶樹華畏雪 不敢顯其輝
太子宜服著 天上之名寶 今此縵色衣
殊不與相宜 若有潔淨物 有微穢可呵

顯露而悉現	猶如紫金柱	如是之手臂	從人而乞取	今我盡愛敬	享此摩竭國	如人之德相	天世豈足勞	何況此地土	亦不患守義
無方可以除	宜飾以七寶	但自以惠施	若其執謙敬	相請臨鄙國	若欲普地土	并應攝天世	如今天帝釋	如吾等諸王	非時捨家出
臂膈甚長好	應執持妙弓	不宜以是手	不肯襲父位	盡所有榮祿	鄙當躬相佐	但以手執持	起中爲人臣	我不厭善法	惟此疑我情

初如少壯年	易回如馬勒	發於先世行	爾乃可奉法	以是故不可	順理可享食	然後乃出求	超踰日之精	自古未曾聞	觀者皆愕然
已過志衰弱	施惠戒自守	逮遇前善本	年高意便調	困極其形體	六情之可欲	甘露解脫法	仁德以過出	亦所不曾見	如今見太子
諸根以調良	衆行之面目	頃年轉長大	不隨逐諸欲	今所逮福慶	如應決充益	姿容之光明	世人諸天人	如是之形貌	舉動之風姿

入家其志本甚獨銳堅強猶如深淵底
得魚於中遊於上雖不現察外動可知
今凡諸精武在體而臆剛決定照然明
指示聖王住如是之妙善不加薄德人
言得善名號不歸不肖子假令心懷疑
還恥於門族已服沙門形如何當還捨
古世諸帝代天王未已來壯年欲國位
垂老皆捨家瓶沙說是事廣牽引比故
又有餘辛酸寫體謙敬辭視觀菩薩意
不動如太山執慈而嘿視靜心聽報誨

佛本行經卷第二

音釋

嘲陟交切言櫛側瑟切黛度耐切櫛密音痂
尤呪切樓兩舉切鋸居御切劉力霽切餒
接也切齒汝充切允貌切允虺也切捷捷之切步捷之切臍臍切臍
鳥胃切蠕蟲動貌允虺也切捷捷之切步捷之切臍臍切臍
昌中也切宿音聲聲莫交切捷捷之切步捷之切臍臍切臍
圓直也切宿音聲聲莫交切捷捷之切步捷之切臍臍切臍

佛本行經卷第三

達六

宋涼州沙門釋寶雲譯

為瓶沙王說法品第十四

意如重慶雲 欲時降甘露 以深奧流聲

清淨梵天音 又復以八種 柔輒和調響

以妙辭之辯 降潤瓶沙王 具照知王意

正直且清淨 慈愛恭敬意 充盈於心懷

今王雖興於 衰末濁亂世 以善自將御

乃踰上世王 見王諸淨意 內意清淨徹

猶如晝陰霧 華開知日出

雖施恩於愚人 恩德終不居之

施少善於賢人 其恩好日日厚

今視王甚奇特 不迷惑於王位

僑自恣所覆蓋 土地主皆迷惑

智慧人若得財 以不要財為要

身不要如焰華 慧者從身取要

衆生昇天其得大利 諸土地主以正治法

正法之王順理而治 一切人民皆從其正

若有財寶先審取要 若復別離後無恨心

猶如從酪以取酥去 樂若翻棄亦無恨心

以相迎接用上賓禮開恩厚意以善友義
今我當以友恩相報意欲相諫開意善聽
一切衆生命如朝露我今一切都就後世
猶如盛火得酥益熾及燒草木終無厭足
心之憎愛由愚癡出皆服迷惑狂醉膏藥
老耄之病死亡之火強燒五道沉無漏脫
我今已覺盛火之力今欲方便免此大患
是故捨離親族知識愛欲如毒云何不捨
吾已不畏是諸毒虺電及火熾疾暴惡風
亦復不畏拔刀處賊但畏恩愛數數生死

迷於欲者未曾厭足諸天亦爾況世間人
一切世間欲求無厭如火所燒亦復厭極
皆得土地齊海以內又貪求度欲得彼岸
一切求索無有厭足猶如衆流歸于大海
雨寶七日乃至千勝勝伏四方上至天上
天上壽命長七劫半頂生聖王欲無厭足
更有聖王食天福祿時天帝退畏阿須倫
憍慢遂盛仙人擔輦邪住無厭從天退墮
有滿唯王往至天上得天婢女形專將來
有犯神仙金寶積舍懷貪滅亡尋化成灰

有重提王將兵上天復從天上將天女還緣是天女自致死亡如是衆生無狀而沒名聞遠近身強箭駛捨棄王位入林學仙心所不應其身行之殺害他人身亦滅亡有女名賢謂王競諍興師率衆對陣而戰以愛欲故興怨致諍當捨愛欲如棄怨敵諸王種族拔嫌嫉害殺諸刹利二百一十往古烈士懷恚爲害宜捨惡心如虺脫皮言厲言鶴緣是致諍因相殺傷乃至億數愚癡故聞始起於微宜捨愚癡棄自冥病

往古二王聞諍澤香因懷貢高遂相殺傷以鐵棒擊破碎其頭宜捨憍慢如雲之盡又如烈士甚從勤疾以貪愛故奪他婦女以愛著故乃致沒亡如畏死故宜捨愛著二阿須倫坐女色亡有貪女色聽音沒命騰翔空中賓頭王子是二嗜味俱致喪命昔伊象王以鼻貪香犯吉祥天以致喪滅昔殷頭王身樂細滑貪著無厭頭裂而亡此等以欲恣極六情如海受流終以無厭摩竭魚口猶尚可滿六情受欲難可充滿

如是大貪及餘難計六情未足遭大艱難
可如王言先恣六情誰有厭足宜審思此
王以敬意相請以國諦視王位亦無純樂
純事令人受極快樂緣樂之後受大艱難
其厚煖衣宜冬猛寒至於夏暑更反爲患
飢者得食以爲飽樂有強逼者必成大苦
如好藕池中有宿蟲猶華樹林師子滿中
金寶之舍熾火充盈王位猶此用相請爲
如魚吞餌不覺強鉤猶如以蜜塗利劒刃
王者之位如七寶械觀雖悅目身心甚苦

王者容飾被服如天乘國土車雜揉牢固
王者重擔重於大山苦如馬聞觀視悅之
水火風電疾疫飢饉偷盜劫賊強陵敵國
邊境屯守侵奪損耗是諸艱難獨切王心
晝夜懷憂寢不安寐思設方便爲國除患
心普懷疑不信臣民如至毒鄉從人得食
假令王者領無數城其身所處限居其一
寢一宮室坐御一座榮樂無幾憂勞甚廣
衣蓋一形食充一軀出行遊觀限駕一乘
王所飲食蓋少少耳其餘榮動以恣僣奢

王唯以一自在為樂是樂亦復雜諸苦毒
猶如處在劒所作車處事不明輒還傷已
譬如好舍華飾其表含毒虺蛇充滿其中
觀其悅目觸其毒害吾以是故不甘王位
以是之故不宜受是生死難保猶如幻化
焉知宿對馳騁何趣達六吾以是故不受王諫
王云捨家而非其時今且諦聽吾當報王
恣意飲食不懷顧慮死命追人若干方便
甘蔗之種號曰白淨王當覺此是我父王
吾欲脫苦故棄王位欲設方便建立善法

無畏滅度求求第一常與生老病死長別
欲求甘露可保之處是故不甘與諸欲會
猶如野畜渴得求水疲勞乏渴迷惑而走
卒遇獵者截道逐射不愍其渴必得殺之
世間亦爾飢渴情故迷惑萬端不計死生
快意自娛暢情飲食不慮成事當有壞敗
老來屈已如強張弓疾病傷人深於馳箭
死來逼命如獵放圍愚意所患如何待時
若覺若眠若晝若夜若水若陸各各人人
命逝不還迅速甚駛猶如水性入摩竭口

法之燈光壯美之明加精進意增益酥油
奉行善者懷歡喜逝命終資糧已悉備足
如進好華色甚鮮明志士樂善奉上塔像
若後日見華以萎枯已得華要心懷歡喜
若明達人行少小來和調身命與善法合
自觀其身已至朽邁通六調自思計五每懷歡喜
猶如惡賊突獄逃走乃至曠野大澤之中
竹叢之林虎狼遊居迷惑馳騁熱渴所逼
五士拔刃馳而追後逃怖惶忪逃突奔走
前卒復有弊惡醉象即便前進欲踐踏殺

其人不持刀仗戰具不齎糧食無蓋履屣
四望顧視求無歸怙心懷迷憤無所曉知
吾今故爲大王引喻欲令解了生死之趣
大王宜解生死如是當了衆生如突獄賊
了知曠澤喻是三途虎狼惡獸覺是塵勞
奔馳疲極熱渴憔悴則當知是憎愛愚癡
智慧利劍廣施資糧大正法蓋禁戒履徒
如彼士夫乏少此行不種德者其喻如是
前者醉象弊暴兇惡當覺如是世之死亡
當于爾時無有恃怙唯當依憑奉戒行善

王當回意覆育民物救危濟厄猶如赤子
普懷慈心視民如子王當護國譬如護宮
猶如有蟲方便勦健逃身速疾不過兩滯
大王亦當如是逃意莫遇惡相以免濟
不然阿蘭品第十五

如是菩薩廣肩長臂安徐庠雅師子應步
詣阿蘭問生死出要意欲斷壞生死門關
遙見阿蘭與門徒俱聚會而坐講論梵典
菩薩德重喻如天帝迎接問訊與坐談論
坐須臾已善意相視菩薩慈意慰勞阿蘭

阿蘭對曰久承德化所以出家不甘尊榮
裂壞愛著結縛之網強壯勇猛猶如大象
捨棄尊號轉輪王位譬如智者捨避毒飯
昔轉輪王不足爲奇壯過衰老捨家入林
轉以王位授其太子猶以萎華轉授與人
吾今所疑仁壯盛美六情所欲未至充足
應受廣博自然榮樂捨此美號誰不懷疑
欲知太子事之審實必當成爲大法寶器
以精進德尋智慧舟當速疾度生死海淵
於是菩薩聞阿蘭言含笑懷喜而答之曰

吾事未成故來到此今汝自保事必當成
猶如冥中忽見光明喻若迷者得人引路
譬欲渡江遇舟濟渡故來相求以爲善師
幸垂顧屈所以見教若受爲徒當事以師
老病死苦當何從度願以此理而見告示
於是阿蘭謂世導師以諦審聽我梵志法
生死展轉周旋回行上下顛倒猶如輪轉
有八私事號曰內法又有十六疑亂諸事
緣此當知其人意強一切世間因是起滅
如是五性識著第六意則第七猶豫第八

凡有五情又有五欲又當復覺有六誤亂
曉知是者名曰覺業赤仙與位皆共覺知
梵天號曰一切普知審如是者名泥洹業
生死根熟牽連縛著但諦覺是餘不決定
吾等於此方便求了是吾泥洹仁所欲覺
或有智者謂是泥洹七或云禪報七謂之泥洹
今相教已出生死路合意當勤如病求藥
古仙灌勝有名知足有名定行久暴露形
是等皆從日所行道又復更有求解脫者
爾時菩薩聞是語已回意思惟探察事元

菩薩累劫所覺智慧覺其瑕已即告梵志
已聞汝等深奧智慧所謂覺業出生死者
如我所覺此事不然猶如有種必當出生
諸情各別謂是解脫若對來至復還結縛
地水節氣又復無種所以不生因緣錯之
若種與對相遇會者必當更生吾了如是
行淨垢薄壽命延長意呼以脫謂是泥洹
菩薩不然阿蘭是法於是復詣迦蘭問法
爲說八意菩薩即了微識故著覺有是瑕
體解其意是必逮法菩薩是故捨迦蘭法

於是便至尼連禪江修治淨行求禪處坐
金色之身光影照耀猶如蓮華照之於日
口進一麻半粒粳米日日省食久羸形體
牙血竭盡脂肪枯乾氣力羸頓形體瘦索
昔世衆生不能堪忍如是羸困具滿六年
菩薩如是暴露形體未能還服甘露法藥
意退念來道德無是昔閻浮下億善意是
亦不能以是羸瘦形逮及是事自致成道
諸天空中勸進飲食氣力充盈然後得道
意居尊重如須彌山求佛之意甚大重事

意離堅固 強踰金剛 飲食不充 體不自勝
覺知是已 菩薩便起 增進飲食 長育其身
侍使五人 見菩薩食 捨棄避去 至他閑處
於是便受 喜悅喜力 二女乳糜 甘露之施
即便行詣 微妙道樹 安庠徐步 定出生死
嚴飾巍巍 功德積聚 以足觸地 即大震動
於是大驪 衆龍之王 聞足觸地 震動好聲
意便懷疑 熟自思惟 久復及聞 是震動聲
世之將導 衆師之師 其足觸地 震動如是
地神歡喜 駢駢如舞 震聲隱隱 如有所捨

以世導師 將欲出現 地肅肅動 踊躍若笑
因震動聲 即從水出 其身體大 如鷲黑山
種種珠寶 瓔珞其身 猶如黑雲 飾以電光
變若干頭 普覆空中 體放光明 如雜烟火
猶如水雲 來近日側 龍已像 禮菩薩足
起執心敬 叉手而歎 我見前佛 興出世時
今之祥瑞 如過去佛 維衛已來 復至迦葉
眼見六佛 興世之瑞 尊今第七 現瑞如彼
如觀光相 明曜於世 今日必當 速服甘露
今見尊行 踏足步步 斯地應時 肅肅震動

光明殊勝超絕於日今日必當所願充滿
如觀青雀順遶而飛猶青雲中日現妙光
齋慈愛音敬菩薩身今日必當逮得佛道
知見今日清風順時衆流澄淨空中清明
飛鳥相和柔輒悲鳴今日十力一切智成
觀菩薩身如瑩金山種種珍寶連六以為嚴飾
視菩薩身相好自瓔今日必當成佛道器
圓光如輪在其中央晃晃如日五綵絳色
如今折除世間厚冥如是不久佛日當出
林樹皆動布散名華一切衆華同時而敷

樹無心屈傾如有心今日必為一切所禮
猶如白藕蒙月明開日光明照映芙蓉敷
菩薩今現佛日月光天人心開如快樂華
如今觀察相已現矣甚難值遇優曇鉢華
如華難遇佛亦甚難兩難俱遇俱現於世
今日當以智慧利箭必驚塵勞王將軍營
已迫及逮過去佛處今日必當服食甘露
如今觀察決定者戒身體嚴以八十種好
皆照諸天現於身中今日先為天人所拜
驪龍如是歎菩薩已歷泉上過行詣道樹

遙見好樹如天莊嚴猶如天上晝度天樹
吉祥持草奉迎而進菩薩問字即便自名
衆人見呼名曰吉祥菩薩自計吾必吉祥
即便從之受柔輓草散金剛座草皆齊整
結跏趺坐志意堅固內以心識審諦決定
不度魔界衆勞欲塵坐是不起亦不飲食
假令四大捨其本性日月墮地須彌升空
如是衆事可有變異吾終不違是願要誓
歎誓願已諸天大喜菩薩發意定欲降魔
猶如不然外道異學如爲天人諸龍所歎

願使衆生蒙如所歎十方衆生速得所願
降魔品第十六
時菩薩始坐座號金剛齊建立金剛心
三千世界震地神喜踊躍數數而震動
魔天見地震疑問何故爾魔王第一臣
號名曰言辭^{連六}傾躬謙敬意而啓白魔王^十
唯王聽所聞歷劫積功德白淨王太子
淨土修善行今當成大道空天王欲界
欲壞所欲城衆門戶之關必超王界上
當度勝衆生廣開泥洹門甘露之法輪

魔王聞其言	情即慘然坐	三女來問訊
第一女名愛	第二名志悅	第三名亂樂
問王何故愁	王荅諸女言	彼有大仙聖
被決定大鎧	手執智慧弓	無常箭射吾
欲伏吾欲界	若勝處吾上	當空吾境界
令眾慢賤吾	猶如強隣王	為敵國所掠
曼今故屬吾	宜廣設方便	卿等力士女
令其失本志	可往施軍礙	如設水堤防
於是魔三女	便行詣道樹	欲現其女力
極示其妖媚	迷惑亂人情	來欲壞其意

盡其妖媚巧	種種改其形	變化其輕疾
猶如雲中電	不停住須臾	菩薩諦計察
髮膚瓔珞飾	衣服巧為覆	猶如聚骨舍
惡露充盈滿	解散令人驚	是何欺世間
裏以薄肌皮	迷惑愚癡者	審諦視魔女
形體衰老悴	如華被重霜	魔王見女老
懷恚如熾焰	即重召傍臣	令合召大軍
往固遮釋子	今曼處吾界	未得審諦眼
宜時往壞亂	今若道成者	儻能勝於吾
速召車馬兵	吾當自出戰	寶冠明如日

嚴飾其頭首	來到須彌頂	即被金剛鎧
猶如日光明	而照耀薄雲	金剛千輪車
輪各有千輻	駕以馬千疋	魔王乘寶車
其曠甚明曜	如日在火中	華宮一由旬
手執五利矢	寶莖蓋如月	以迷惑世間
蓋覆數由旬	周飾七寶鈴	高幢大開口
猶如摩竭魚	欲吞海水時	魔王如是出
將從諸魔衆	凡有十八億	來至道樹側
菩薩坐華上	猶如梵天王	寂滅德充盈
重光晃昱昱	如大金寶積	左手以執弓

從金筒拔箭 便語菩薩曰 咄起利利種
如何故畏死 棄已帝王位
相仁妙臂當執弓 應食世間之榮位
古王之路名普聞 汝應當受顯縱恣
應食世妙祠嚴國 普令役世無遺餘
始起聖王甘蔗種 還食國榮棄乞匄
若不欲起諦自思 莫自違負本誓願
吾箭甚嚴莫能當 徹壞一切堅固楯
惑人猶如春時華 甚於斷華著日中
愛悅世間如時雨 欲猶孔雀得雲雨

或欲失志忘慚愧
 外道術強行凶呪
 欲迷諸天及世人
 捷疾無比力勢強
 或以受火燒殺戒
 王名財除亡滿臂
 彼時魔王說是言
 即便發弓捷疾矢
 見菩薩坐不傾動
 安庠天子如山王
 佐助嫉慢獨蓋世
 受勝是等獨蓋世
 覺悟談言失眠眠
 受欲無形壞衆形
 古王燭之瘦消亡
 上世惑欲何況今
 不能搖動菩薩意
 現諸妖惑作女變
 堅固如山懷疑曰
 以女箭射即傾動

化現四面以迎之
 想今太子不識矢
 是不宜以欲化矢
 是當輕易不宜敬
 魔王發意念兵衆
 即會若干無數形
 嚴事如雪衆山王
 三十二頭名阿樂
 化身千目被珠鎧
 釋從無數可畏天
 現不自輕與相見
 若子失志吾箭誤
 不可謙敬典雅辭
 以大車勢強恐迫
 大呼徹天盡魔界
 甚可恐畏動天地
 衆樂校飾甚可愛
 是天帝釋所乘象
 手執金剛千楞杵
 象兵八億相隨來

銀車甚大容飾白
駕千白馬將從白
白明珠鎧白雲蓋
自化已身有百頭
將諸白龍大軍衆
十二萬億爲營從
是主水神名和崙
捲地而來曳諸山
天金琉璃種種寶
明珠嚴首及身體
被琉璃鎧粟金鈿
右手執持金剛棒
駕千師子衆寶精
乘琉璃車色如日
與無數億夜叉神
毗沙門軍如暴水
無泣威怒及仙時
雨立日月風火神
華照妙馬堅金剛
賢財厚務及正行

是大天神無央數
乘車象龍及駕虎
車駕千馬千師子
或復有以千虎駕
或復有駕鴈孔雀
駕驢駱駝特牛羝
或乘雲車乘山樹
或有乘龍虺毒蛇
或有吐火鼻火出
眼耳出火頭火然
其有打擲皆成火
熾盛火作如劫盡
或化如日或如月
化如大山有羽翼
或冥昏晦如黑雲
雷震電光晃昱昱
如是無數塞虛空
或化黑象如須彌
乘是大象執大弓
來向菩薩欲燒然

或化猪頭駱駝手 象羆熊頭無數變
 化身甚大爲象頭 牙如山巖上刺天
 或化師子及馬頭 或化虎頭摩竭魚
 或化二頭三四五 六七八九乃至十
 或化百頭百手臂 百足百眼甚可畏
 若于變化至千頭 千眼千臂放火來
 車聲馬聲象吼響 聲鼓珂音動天地
 或執弓箭刀矛戟 或戴山樹金剛杵
 皆放所執戰鬥具 山樹金剛利雨電
 菩薩德大化所放 金銀雜華衆寶雨

化黑受人如雲山 執器妖呪惑菩薩
 還自狂惑無所識 破所執器祭具散
 或有跪地吼喚聲 雷動震地塞虛空
 或被虺皮若干形 眼耳鼻口蛇蛻出
 還相騎乘瞋恚戰 或有馬鳴或狼呼
 於菩薩意無增減 連大 猶如螢火日爭明
 有一天人謂魔王 尊熟觀是仙聖德
 身中照現諸天宮 日月五星及諸宿
 鐵圍須彌江海淵 釋梵四王太山君
 一切照現菩薩身 猶如普世現月中

於是魔王益恚盛	即放戰具愛欲火
地虛空然不可知	菩薩即放甘露觀
化雲雨潤滅欲火	愛即畏懼菩薩德
安詳天至邪鬼退	魔王即放恚毒發
如召禍害化成虺	地上普滿毒蛇虺
纏繞道樹悉周遍	菩薩即放大慈發
化成吉來蛇退滅	魔王復放愚癡發
菩薩計緣逆得勝	魔王復放嫉嫌箭
名曰惡口化為龍	菩薩復放大悲箭
化為金鳥龍逃退	魔王復放憍慢發

發名梵手化成象	菩薩復放十力發
化成師子象退去	魔王復放妄言發
名曰調戲化成風	菩薩即放至誠發
挫折魔箭化成山	魔王復放慳貪發
發名恠惡化成霧	菩薩即放惠施發
化雲細雨除土霧	魔王復放陰蓋發
名曰睡眠化成雲	菩薩即放五淨發
化成暴風壞裂雲	魔王復放邪見發
化成邪冥覆世間	菩薩復放正見發
化成爲日除魔冥	菩薩被大忍辱鎧

戒成充備跣立地 著七覺意之華鬘
 進定瓔珞微妙好 手執慈弓梵寂箭
 從意箭中而拔之 適放一發都得勝
 如阿須倫勝士烈 變若干變來相恐
 菩薩意定毛不動 爾時天上淨居天
 奉持過去成佛法 心之憎愛滅除盡
 上空中見勝菩薩 時諸天人語魔王
 唯仁波旬常諦計 天告波旬何故勞
 唐棄汝功實相語 捨懷惡意寂滅心
 何爲忽嫌於菩薩 是士無誰能動者

猶比口氣吹須彌 故以慈愛語魔王
 自愛莫觸燒菩薩 諸物尚可捨本性
 風捨輕動火捨熱 地捨沉動水捨濕
 冥不避明日捨照 月尚可使在地行
 須彌昇空海過濟 無央數劫戒德業
 終不退捨決定誓 如其決定如精進
 如惡如好慈衆生 法會盛賓諸天人
 食以正法甘露珍 慈心求願安衆生
 自然發意愍世間 不逮本願終不起
 日出求冥不得然 菩薩大悲愍世間

塵勞之患所蹂踐 博集諸法之良藥
三十七種之神膏 欲爲普世和神藥
卿魔不宜犯燒遮 一切墮邪迷惑路
欲導以正不可固 世愚昏冥滅酥油
一切大智之燈明 佛之庭燎今當然
卿魔莫滅方便退 達六 見是世間沉沒深 十六
塵勞海淵無崖底 欲度一切沉沒者
何患能速行善者 初始發善根堅固
建大忍辱之觚幹 意志枝莖大廣博
持戒禁華甚鮮潔 大智慧樹今欲生

當成熟正法甘果 卿魔莫爲作妨礙
眞堅要樹始欲生 古來下佛種種種
今是應生開敷時 今坐是座是其宜
如先過去及諸佛 是座有德名地齊
無數德人所愛處 普此地上更無處
意大尊重可勝者 魔王聞是慘愁曰
菩薩觀我是大力 欲燒天地今焦盡
能吞鐵圍普大地 時菩薩因問魔曰
本修何行得大力 答曰吾祠大開門
名德普聞無不周 卿一祠祀大德爾

彼旬且可聽我說
 遍此地上無空處
 汝所行聽誰爲證
 今當示汝吾行證
 如出赤雲照然明
 即展臚平微妙臂^{達六}
 千輻輪掌妙相具
 我行汝知地逮證
 大舉聲我證我證
 名聞第一無不備
 吾大祠祀無央數
 魔語我行汝具知
 菩薩告魔具諦聽
 於是菩薩光明臂
 從袈裟中出其臂^{十七}
 先世善行之積聚
 告魔王已手觸地
 於是地神出現形
 於此地開門大祀
 又復名曰多金施

復以馬施無央數
 又雨七寶飽世間
 有處以國及妻息
 是處以血破骨髓
 捨世種種身不逆
 地應震動出大聲
 盡撲魔王并其軍
 空中大聲普告曰
 已勝魔怨諸塵勞
 魔退魔敗聲流遍
 數數食飽充此地
 是處頭施有千數
 是處剥皮是處肉
 於是地施無數身
 地即爲證現返復
 三千世界六返動
 顛倒偃覆都墮地
 釋種太子都勝怨
 魔王大幢即摧折
 已勝魔王逮定意

意定深思諸佛事 德重地神不能勝
心懷喜踊連震動 菩薩即告地神曰
動不動類皆因汝 且定莫動耐斯須
吾爲無歸者作歸 汝久耐負無央數
逆害親君族欺者 越限傾邪向衆罪
掘盡善根行惡人 飲倒見毒墮冥者
苦厄重擔地獄分 已勝此等且小忍
須吾捨棄諸苦擔 於是現歷觀諸禪
於諸禪得最自在 憶念久遠初始事
前世所經如昨暮 時至夜半天眼觀

見一切了如明鏡 照察明達五道生
無有緊要如芭蕉 於其夜至第三時
審諦思惟意要妙 一切世間諸苦會
生老病死遂別離 愚冥覆蔽出要道
不避坑塹猶如盲 菩薩推盡生死原
察其起滅悉曉了 心更生念重思惟
老由何來何從死 復生正念緣生故
因老有病從病死 其有頭者有頭患
猶樹已生必當墮 重思本種所由有
覺種種行受緣對 受何從起從愛有

觀愛所由從覺識
 緣其觸更有諸根
 名色之緣則因緣
 得癡縮起生死原
 癡原生死所應滅
 如所應覺諦覺知
 先執正見如審實
 燒塵勞澤以慧火
 所應覺作悉已成
 諸佛世尊所行道
 覺識所由從觸更
 所由六入緣名色
 如是緣下至於上
 是滅已一切都盡
 審覺十二緣起本
 八賢聖路最第一
 見無吾我盡三界
 辯是事已自歎曰
 吾已及逮久仙聖
 至於其夜第三時

日普照之道幢現
 一切智成最佛道
 諸佛世尊所行道
 三千世界六變動
 歡喜散華普遍地
 天意作華悉周遍
 從無結愛雨天華
 諸天鼓樂空中作
 地虛空神普踊躍
 淵海波涌震妙聲
 衆生休息時寂靜
 吾已及逮久仙聖
 逮佛第一最處已
 諸天罽塞滿空中
 粟金粟銀末栴檀
 地普充盈塞空中
 妓樂不鼓自然鳴
 天應慶喜世得持
 火神歡喜自然然
 樹神各各獻奇華

須彌喜與諸山禮
衆生相愛除嫌仇
四維上下遍十方
故先使至遍覺悟
如幢無導令諸道
言諸覺頃林樹現
各自現形如說義
光明如是說法音
是其光明諦觀之
不食七日坐樂法

地獄休息餓鬼飽
佛身奮放正法光
變現種種諸形像
以賢聖路始復現
是有妙華名諸覺
三十七品數各別
或白青黃若干色
佛日出曉照世間
佛即還攝神光明
爾時世尊說此偈

佛本行經卷第四

達七

宋涼州沙門釋寶雲譯

轉法輪品第十七

願成懷歡喜 悅澤樹王下 坐觀樹七日

不食喜充盈 猶王初臨國 巡行妙寶藏

達七

佛妙藏亦爾 先觀視諸法 以佛眼普視

世間悉了見 覺世行入邪 六師迷惑說

法微妙難解 愚了泥洹解 覺第一最覺

意欲默然寂 最神妙梵天 方便見無偏

知佛先世誓 發心欲來下 欲以善益世

妙辭請法雨 被毘明如日 顯然降世間

尋來到佛前 敬稽首佛足 在佛側甚明

如風吹金樹 慈目視無厭 盡敬白佛言

願憶果敢誓 施甘露於世

世人如藕 華微妙好 或齊水敷 或出水上

衆生欽仰 佛日當出 蒙日心開 猶池中華

捨佛世尊 無誰能有 從生死獄 拔出衆生

猶如往古 轉輪聖王 濟衆生苦 以十善行

已能托攬 智慧海淵 得上神良 甘露法藥

欲以充滿 衆生疾苦 宜開惠施 分甘露藥

尊已得度衆苦海淵願以法船度一切生
猶如賈客沉沒海中方便濟度如巧船師
塵勞之疾甚重弊惡衆生久患不遇良醫
最上醫王興出于世今宜授與法神良藥
想煙如雲覆蓋甚厚姪火熾燒諸天世人
尊已飽滿宜傷衆生願以法水充飽一切
已能滅除一切愚冥心明智慧喻如大燈
愚冥覆蔽世間之眼願施法燈照耀愚心
尊已服飲先佛口教言辭之江猶先仙人
願從妙口慈哀惠捨清淨言辭恒水江河

貢高慢山巖甚峻高以慧剛杵碎令無餘
願復以此智慧法杵施與衆生令碎慢山
心性躁擾今已調良縛以審諦智慧之繩
願施世間清淨調意智慧牢固索之繫縛
惡仁之主施惠慈心衆生久遠墮邪徑路
世間導師今已出興願導世間道七生死曠野
迦葉佛來世皆昏寐沉沒迷惑塵勞長夜
惟願世尊宜以正法之大鐘鼓覺寤久眠
世間梵尊受許梵天淨音微妙當班宣法
梵天聞之甚大歡喜禮佛足已忽昇虛逝

於是衆善第一法器號曰世間功德福田
佛應普受衆生之施四王即來奉獻四鉢
佛即時以神變之力左受右按合成一器
於是便受二賈客施始受五戒爲清信士
因是發意當廣說法佛眼始視應得度者
阿蘭命過已至七日見鬱陀羅昨夜命終
因復憶念侍者五人欲爲是等除長夜冥
行詣大城波羅柰界威儀安庠猶師子步
所作已辦相好甚著厥雖獨行德如衆從
有一達士名曰尼捷於路逢之意用愕然

占相變夢逆知吉凶八種世典名稱獨舉
見佛德相審諦觀視謙遜恭敬輒辭白佛
諸染著中而無所著諸根動中寂無所動
瞻覩面相於情有疑將無智慧明達具足
熟視面相清徹明好牽御諸根所爲自在
觀察儀容所作事辦達七師爲是誰願爲誠告
時佛告以清淨之聲天上世間吾無有師
吾不詣師自然覺之吾證佛滅卿當了之
自稱爲佛已普勝邪如是尼捷應覺已覺
一切可勝都已得勝以是勝故成一切智

今始行詣波羅柰城 吾欲於彼擊大法鼓
爲世苦惱 建置善法 普請令會 法之上賓
獨安己身 是不爲奇 濟拔勤勞 一身苦者
廣爲衆生 而求善者 其人功德 不可計量
若以一身 度流上岸 若復見人 爲水所漂
不發慈心 濟水流人 是輩不可 稱爲道士
若復有得 伏藏珍寶 不惠濟貧 是不可爾
手持良藥 行瞻病人 不以濟病 齎之何益
若見迷人行失路者 不示正路 不名大道
若復見人 爲蛇所螫 不與其呪 用此人爲

若自然燈 有所照見 是不可以 置恩於此
佛以慈善 教化一切 爲人說法 不以貢高
木中可保 必審有火 空中有風 地中有水
如是諸佛 必有聖道 道樹下得 波羅柰說
即時歎咤 甚妙無比 尼捷歎已 順道而逝
心懷喜行 數數顧瞻 慈目視佛 而無厭足
佛順道行 至波羅柰 翔鳥所樂 鹿野之園
光相晃昱 明曜於世 猶日天子 入迷惑園
億寶意好 邊方第三 第四馬氏 第五賢居
爾時五人 遙見佛來 還共論議 而相謂言

樂義者來是瞿曇子退失本志術敗不成
不足起迎亦莫禮待本誓已壞不宜恭敬
如是要已急坐不起語言之頃佛即來至
忽不自覺違其本要猶如地神擎持令起
或有迎接連七攝取衣者又有取鉢設座席者
以如是像承敬奉佛猶不能捨世俗戲言
佛因告曰非道士宜佛前不宜慢無恭肅
敬順於佛意無差別吾愍汝等令離罪咎
佛於世間普施以善以平等慈猶如赤子
其有慢意侍是師者其人受憊如違慈父

於是五人同聲對曰修甚苦勤無所剋致
意退從安放恣其情何由致道願示其意
猶如有人擻壓沙水唐勞其力終不得酥
譬如聲牛捨乳聲角以其行憊終不得乳
緣燈光明以除晦冥亦不以水惡罵利刃
如是厚重愚癡闇冥以智慧燈終不以餘
猶如盛火得風吹動燒然乾薪終不休滅
人縱情意迷惑六欲塵勞穢行終不損滅
盛焰雖滅餘有少火終不捨本燒焦之性
意雖精微故有餘識覺有熾苦爾乃了諦

當求無生無老無病又無有死地水火風
無前無後無中無動思求是處覺滅度苦
八賢聖路可以逮致是以覺道及其方便
不以覺了八賢聖路故迷世間顛倒輪轉
當覺是苦次相承侍先除苦源恩愛欲縛
勤加剋修八賢聖路達七當以泥洹五滅寂爲證
應覺覺苦除愛欲著以滅爲證修聖路者
因是苦行其事具成吾當爾時遂覩黠眼
明達四諦以是四諦爲是五人三明解脫
以堅金剛正法慧杵壞碎五人塵勞之山

億寶始初覺正諦法八萬諸天時俱解脫
地上天龍鬼神俱歎轉上法輪何甚快哉
善修禁戒輻甚牢緻調良滅寂輞博周帀
精勤志念轂處中央爲天人轉未轉之輪
鬼神歎聲上衝于天周徧天上乃至梵宮
諸天始得聞是音聲因是發意來詣佛所
當其始轉正法輪時天龍人鬼海神皆喜
即雨天華不可稱計衆生蒙賴從苦得安
梵天請佛乞轉法輪衆生得度于今不息
是之福報皆歸梵天是故稱號梵福第一

其初始轉法輪之時佛以甘露先飲五人
願使衆生速轉是輪如佛世尊說法度人
度寶稱品第十八

久無央數劫 所積得善本 逮得昔所願
先以授五人 猶如事火祠 得酥益增熾
佛焰超踰彼 光明靡不照 已出五道淵
遂便度五人 始與五沙門 德力勝五根
佛如滿月現 與諸弟子俱 猶如五明星
與月俱遊處 時波羅柰城 有大長者子
性慈仁愍達 厥名曰寶稱 居宅如天宮

侍使猶天女 妓樂小罷息 稱及女皆眠
古世福所追 應服甘露藥 前世見死屍
慈悲斯須間 宿善所追及 悵然從寤寐
見諸女如屍 居宅猶丘墓 其心懷慘忤
舉手悲歎曰 吾今遭厄難 大苦患之中
自然生善心 達七 惟樂無爲安 欲樂難久保
喜樂斯須耳 當從何路逃 於何自藏匿
不遭無常火 無恐怖之處 誰於世可恃
吾當何所怙 誰當從愛欲 深泥中見拔
於是捨愛欲 徐下金寶牀 因便履寶屣

其價直百千	居宅城門戶	皆自然夜開
即明曉如晝	其心懷狐疑	天於上空中
懷慈告令悅	仁速建志往	莫顧懈遲久
佛世間聖師	今去是不遠	停立相望待
如牛毋求犢	仁當於今日	建無極大利
姪欲如群魚	迷惑之回波	以乘上精進
第一牢桴材	度諸苦淵海	期必在今日
時童子寶稱	行上流泣惻	遙舉手向佛
悲聲而歎曰	惟尊我今困	於老病死苦
願尊當為歸	濟我斯苦患	佛時遙告以

梵柔輒淨音	是間有安靜	無苦患之處
有八賢聖路	寂滅甚清淨	速來詣吾所
當為汝作歸	寶稱聞是教	喜踊意充溢
猶如遭旱熱	自沉清淨池	尋聲至佛所
稽首世尊足	喻如妙華樹	為風所吹倒
體瓔珞服飾	心坦然不著	宿福今運會
畢竟獲羅漢	佛見寶稱心	內慚體瓔珞
沙門事俱辦	因告語之曰	飾容內純善
第一勝諸根	是謂成吾法	不以託外服
其有內心端	表裏應相順	道門為之開

不可恃虛服	緣寶稱功德	四友因得度
滿成與無怙	牛伺及善與	時五十童子
得度脫諸苦	彼說世尊邊	始六十羅漢
時佛以梵音	告諸弟子曰	汝等已度苦
曠然清淨安	衆生沉愛欲	受苦可憐傷
卿等宜慈愍	諸方宜化度	分布遣弟子
於是獨遊行	乃至野象澤	因求止宿處
現神光是昱	以降毒害龍	顯神足變化
種種奇妙好	佛憍慢已盡	又化諸憍慢
度第一迦葉	居野象澤者	然後以次度

迦葉之二弟	三兄弟門徒	千人成無著
佛與是三人	功德甚巍巍	法則及惠施
禁戒威儀善	將從千弟子	名衆師之師
慈愍摩竭王	行詣王舍城	有宿德之人
典領摩竭境	以善居王位	德善喻衆生
聞佛大聖尊	來入國境內	聞即心喜踊
整嚴往迎佛	王駕躬自出	與大極目軍
玉瓶沙妙容	衆王中最殊	如釋從諸天
俱出其天宮	嚴威儀導從	往見梵天時
與諸重臣屬	始從城中出	執轉輪聖王

出遊之威儀	與諸神寶臣	前後俱導從
極世之嚴飾	姝好無有比	象馬車人從
聲震於雲中	婦女臨路觀	服飾如電曜
諸城門各出	填塞四衢路	猶如山諸谷
秋雨暴水出	諸王中雄猛	行近至佛前
佛奮金色光	照曜諸樹間	以佛之威神
曜澤令金色	王愕然歡喜	顧謂傍臣曰
聽聲視其色	禮儀甚相應	如吾諦熟觀
誠實妙寶器	智慧之大海	衆善之寶藏
遙視其容貌	佛以慈相示	王不勝歡喜

便下其實車	如日出於雲	下沒西山崗
罷王五威儀	步進詣佛所	五體禮佛足
盡心謙恭敬	叉手仰視佛	甚妙意無厭
喜敬心無量	身衣毛皆豎	禮竟就位坐
形容益姝好	一心熟觀佛	猶如須彌山
三自稱名號	因白世尊曰	今視世尊顏
心終無厭足	佛興世奇快	爲三界作歸
今日喜踊躍	情懷心逸豫	豫覩計明諦
捨快聖王位	天世人所敬	其宜實應當
度身至安處	充滿衆生願	今禮世尊足

身命歸於佛	王於佛前坐	愈更自檢整
繫眼晴於佛	熟視心不動	專精存守志
如蜂向華樹	兼加謙恪心	渴仰欲聞經
佛以八種聲	爲王廣說法	諸根及心意
六情緣起色	起滅不停息	猶如水中泡
諸根之起滅	王當諦覺知	如下種於地
必有萌芽生	芽非種種非	芽生當審覺
非本不離本	諸情意如是	生死之顛倒
相因緣生滅	王聞是深法	心爲之悚然
即度生死淵	逮得慧眼淨	侍從萬二千

皆蒙得解脫	上諸天八萬	逮得甘露藥
爾時佛聖師	遊止竹林園	慈愍衆生故
晝夜奮光明	比丘名馬師	順威儀早起
啓辭白世尊	欲入城分衛	佛告令出行
若卒逢異學	當以四諦頌	次第爲解說
時聞聖師教	頂受而奉承	爲其四大故
行詣王舍城	寂然息心行	目視不離前
外學甚明達	厥名曰受訓	見妙異威儀
敬心而往問	折威儀寂滅	惟告示其意
是何奇寶山	爲仁最上師	仁是何寶顯

從何山迸出	是何智慧樹	所戴鮮好華
為從何師月	仁光所從出	是何慧清池
乃生是芙蓉	仁師有何教	是誰見告示
有王甘蔗族	釋種王之子	捨家學成佛
為普世聖師	仁當學吾師	天人聖賢師
我適始初學	生年既幼稚	佛法廣且深
所說甚精微	今當請現說	聖師之言教
覺苦苦起元	又知苦所滅	所以苦滅道
聖師所班宣	彼聞是四句	心即霍停止
憂婆替即時	逮得慧眼淨	因為目捷連

再徧說四句	應時見道跡	俱行詣佛所
與五百門徒	稽首敬禮佛	發聲稱沙門
威儀即備悉	二賢先見道	俱逮羅漢果
一者智慧最	二者神足備	二賢侍世尊
猶如左右臂	共輔翼於佛	如王者賢臣
時有大姓子	名曰藥樹生	捨金色妙英
剃頭被袈裟	於多子野澤	見佛陳本行
今始得覩佛	一切智聖師	又手戴頂上
向佛遙稽首	佛是我聖師	我是佛弟子
佛以妙梵音	慈心告之曰	善來賢明士

適遇會良時	佛應順本行	為說深妙法
散其塵勞聚	即時逮果證	與三聖弟子
光顯一切智	猶月十五日	與三明星俱
適從舍衛國	奉使至王舍	財寶好施與
厥名曰須達	到適聞佛名	喜踊躍無量
舉身衣毛豎	夜不能眠寐	夜半至佛所
到即得見佛	五體禮佛足	情甚懷欣喜
汝以愛法故	除捐睡眠耶	夜喜故詣吾
必獲其善報	施戒及智慧	歎譽生天安
姪欲之瑕穢	廣說若干法	猶如淨好氎

入染甚色鮮	時長者須達	受入泥洹池
久發願求佛	欲於世間出	度脫衆生苦
所誓今已滿	從生死苦厄	度無數衆生
導以正平路	徑趣泥洹城	如其本所願
各各從意得	往古得度者	盡服甘露味
皆尋得安隱	不危墜之處	聞已樂學者
當入泥洹城		
廣度品第十九		
獨為一切護	獨為世間師	為天人為導
號佛天中天	長夜在塵勞	久處昏眠者

擊正法之鼓	以寤所應度	五岳所壅繞
羅閱祇城中	度王弟鰲黑	及群衆八萬
長者號勇猛	慳垢蔽其目	先濟化焰光
并度醫耆域	王舍城國內	迦羅衛首家
世尊光踰日	大火欲焚佛	法雨洗其心
三垢之盛火	毒飯及塵冥	一時普消殄
隨提大國中	達士如梵天	度名聞梵志
號曰梵摩喻	香持大國主	目如紺蓮葉
爲解六種法	令覺正見諦	有山名道術
特顯如金山	心淨有智慧	沐浴俗解脫

有十六梵志	號曰度彼岸	及餘六萬人
同時皆得道	時衆祐福田	往詣處聚中
於時彼聚中	有大姓梵志	有名聞黑齒
時欲大祠祀	斷祠祀疑網	立之於正路
時在隨提山	帝釋石室中	時佛處其中
不動如太山	天樂般遮翼	歌頌覺悟佛
以清淨甘露	飲天王帝釋	懷害多瞋恚
捷疾甚暴風	小指爲額鬘	迷惑疑狂走
害如閻羅王	梵志鴛掘魔	神足以調化
凶暴難調者	又於安居界	梵志名戒慎

狐疑所纏結	絕斷其狐疑	與三百門徒
從苦得解脫	截其塵勞結	令求無有餘
頭上火焰然	口中亦吐火	瞋怒銜下脣
捺擲火燒然	身都放火焰	猶如劫盡燒
以言滅曠野	阿臘鬼神火	身大如青雲
電光晃斑駁	體大亦如是	飾以金瓔珞
懷害吐毒氣	霹靂電石緻	視神力斯須
滅無苗龍毒	於大宅聚中	化童子邦守
先度善昏眠	野城化手授	拘睒尼所濟
無畏及今者	於羅閱城國	化梵志無嫌

維耶離所度	食肉弊羅刹	葉耳惡鬼神
俱化令度脫	師子力已下	化度四千人
又化劫賓菟	及四千童子	於野畜繁山
化太子道德	地時度白軻	所生化濟使
退守於雙林	往聽於舍衛	化梵志無畏
及無數大衆	又化憂波先	五百將從俱
又度聽受等	及五百梵志	化不蘭弟子
有五百賈人	濟五百釋種	皆令作沙門
於青林村落	化度二百人	無持度二百
會同度五百	又於億傳村	化度八十人

紫滿度六百	隨提衆五十	諸天王四人
大力護世間	勢力如谷水	恚害如流波
以其越呪教	爲說四聖諦	極乃能解脫
立之八正路	諸賢士等輩	二十八鬼神
將軍凶弊惡	犯燒人鬼鬼	居雪山鬼神
堅毛多瞋怒	刺毛甚弊惡	佛滅其恚害
女神諸鬼母	厥名曰取去	食世間無數
嬰孩抱上子	最小子愛作	佛取藏鉢覆
母行方便求	狂走來詣佛	佛問愛子耶
世人亦愛子	若能慈不殺	吾當示汝子

即從教受戒	執慈不復殺	與子歸詣佛
如江河歸海	將男女甚多	鬼男女亦衆
孫息諸男女	無數塞野澤	於祇樹之中
化諸鬼子母	將從無數衆	佛授以正法
隨提國沙門	度脫四十人	四方土沙門
又度三百人	度簇髮梵志	徒黨四千人
有勇進梵志	又復度千人	如化舍利弗
精進者無數	以化槃特法	輒意教亦爾
又如安庠法	化無數善人	化羅旬儒法
度諸薄福者	如化賢良法	度無數貴人

以化厠方土	度無數賤人	如化迦葉術
度無數調良	如化迦樓陀	無數放逸人
如化善除法	所度無央數	以化貴姓法
聚度亦無數	因度占波法	度諸占相師
如迦葉比類	化曉迎音者	舍衛城門中
逢五百異學	化以火圍遶	方便度脫之
現神足變化	度鬱昇迦葉	以威神降伏
梵志名快諦	審諦與阿賤	及無苗龍王
并言談長者	皆急疾力化	或如騫掘廩
捨走而以化	如香華持王	迎逆順意度

以若干方便	接度其弟難	度梵志因頭
佛從因化出	變現身爲鹿	濟度野獵師
五百釋種獵	化其箭爲華	化醉如郁伽
度嚴飾如絲	以度憍悵方	濟諸奢憍者
化難動迦葉	逆不受其施	以若干方便
行調度衆生	長齒與黑子	吉瓶及造作
諸國弊鬼神	佛之所教化	上昇及深奧
江施與形像	至牢山鬼神	化於普廣山
度明珠齒鬼	華齒鬼第二	千目及青眼
法度與赤色	嬰耳及華耳	大力甚貢高

連七

十四

大深山谷中	化是諸鬼神	佛至大吼國
度諸優婆塞	立之不還道	凡有百五十
逮往還道者	有二百五十	須陀洹道跡
具滿五百人	所向及喜歎	歎者樂華門
聽善性及霧	吉善來充盈	稱滿及善覺
冲隱光含笑	牛勝潔長頸	未發并泉作
如是等羅漢	同一有五百	略說其端首
度者無央數	或以柔輭教	或以麤獷辭
或以剛柔調	佛盡教化之	調達之所放
狂醉於王舍	佛所化迷惑	醉象名財守

時於城門外	佛見猛師子	好目視世尊
佛記當得佛	於諦樹石室	降化猛特牛
曠野中諸鴈	爲下生天種	時不具城中
兩初生虎子	得慈心於佛	及與千飛鳥
鸚鵡及孔雀	豺豹并維羅	龜鼈與毒蛇
鸚鵡及奢立	鴿雀及與鳥	及乃至蝦蟇
是等蒙恃怙	皆得生天上	裸形入海水
可浮得彼岸	日有千光明	可以手掌障
佛諸經深義	廣博微妙句	一切諸聖師
莫有能究盡	無數諸天樂	無量諸聖神

諸天之帝	與諸天俱	已勝強怨	諸阿須倫
現大神變品第二十			
災患永消亡	見佛受化者	世間今故有	是等護國土
	龍鬼阿須倫	是等聞佛經	逮服甘露藥
	其學是經者	令入泥洹城	諸天執樂神
	所求之善願	亦願使一切	有形衆生類
	猶佛德願具	衆聖天人師	亦充天世人
	無數天地人	所度無央數	先世所願具
	無邊空中靈	無底山地祇	無數水樹神

名稱力勢普增遠聞坐施安牀心喜無量
 以微妙法甘露神藥天人之尊甚自充飽
 猶如天帝處施安牀梵志見佛安坐如是
 心不歡喜不得休息因生嫉妬懷煩鬱熱
 因相聚會於林樹間廣共博義論說於佛
 此人何因獨顯於世其名德遠超吾等上
 及將世人入聖徑路令梵志法轉見輕慢
 若其名德轉久增益吾等名稱便當滅亡
 吾等名稱若滅亡者何從能致供養安樂
 故當勤加推理思求釋種之子獨得敬養

若能推盡返其事者子必當失供養名稱
各各思惟欲露佛短或有發聲返歎顏貌
或復稱其言辭清淨又復歎詠其相好者
如是言語斑駁不同乃反稱揚佛之功德
於時其中有^{連七}大梵志謂衆人曰聽吾言理
母生之時從右脇出其母求無^{十六}瘡痍疾苦
難動大地六返肅震微妙天樂自然有聲
空中自然雨諸天華金粟銀粟槃檀種種
于時日光踰倍於常華下猶如雜絲帳幔
諸天撞擊寶鐘金鼓慶雲含潤如垂降澤

日月燈燭皆失精光普世欣喜如得恃怙
生於微妙林樹之間從脇生時猶如出雲
未及下至於地之頃天帝掌接傾側恭敬
子出生時顯露如是奇瑞可怪不可思議
天地爲之感動證應自是普明將護名稱
少小勤求解脫度世塵勞之穢旣虺毒害
正應登臨轉輪王位捨棄不顧勤求滅度
不迷惑於少壯之惑念老病死傷損其情
捨家入林息心淨行名稱之美孰復踰此
其弟子衆隨良調善以是之故得世敬養

迦葉目連及舍利弗是等屈就餘敢不從
三王捨棄美號王位執持沙門微妙威儀
其餘無數賢善貴人歸釋種子訓化言教
佛於世間所得諧偶或因弟子或以已德
宜設方便早屈折之如惡病王思惟除滅
曼令吾等連七瑕醜未現人未覺悟十七簇髮重戴
亦曼未笑灰塗身體裸露五形如是體節
現子所爲不可得勝以其辯口託諸言說
巧便精進及於無畏豐秋賢善并與迦葉
厥性質直名曰審諦身體壯丁巍巍可畏

所學聰疾明達踰師現世學人猶如草穢
又自矜高意常求敵言辭臨衆譬如醉客
得至釋子皆沉著地自居如象過猛師子
吾惟一事可以勝之偏當以此得伏子耶
若能爾時必得勝子名稱可畏又增利養
惟可請佛令現神變子性少求又喜慚愧
每勅弟子不現神足若不現變則負吾等
聞是皆喜還相歎譽已各罷散各隅廬窟
魔天其夜詣諸異學欲以威神令意喜悅
各各一一至其廬窟自變形容如其弟子

自投其身不蘭足下我真實是聖師弟子
又復往至餘五人所徧往行詣欺誑六人
以其神足令各愕然梵志歡喜謂必果勝
諸梵志等各各早起大相聚合到王宮門
詣王耳目明司之官具各陳情便入啓王
是誰梵志大婆羅門戒所長養智慧宿年
今來詣門求見大王如天仙士詣帝釋門
王曰吾聞是諸梵志欲與佛競顯已功德
嫉惡於佛善德相好如阿須倫嫉月之明
臣下白王是等群聚長聲響響求敵欲闢

猶如熊羆特牛虎象如爲師子見遮深谷
王即聽使諸梵志現坐席承望敬以客禮
慈意瞻視遜辭與語諸師何故勞體願意
諸梵志等各舉右手同時發聲啓白天王
智達慧人應馳省王如天仙士謁現梵天
梵天立王連七惟以一法十八在於世間證明人事
惟以稱量是法非法立王者位如稱度量
自昔已來未曾聞見上世之時猶不如是
視諸梵志衆善功德如於王國受供養福
願聽其意來之意故今盡微願啓白天王

今欲與此瞿曇沙門俱於王前搃神足力
願躬臨視大智慧者有大神力功德勝者
然後乃可諦覺了知其得勝者王請爲師
王良久乃謂諸梵志賢明競爭理所不安
金初不曾還與金爭是故賢明不當爭競
於是梵志重復白王願王聽省某等所因
不復開避某等徑路於已善法勞動志思
捨棄舊典所居廬窟又復叛棄梵志先師
突走歸趣瞿曇法律猶如海水入摩竭口
說是事理及餘無數以諸言辭切逼白王

王因悶視左右傍臣便以此事付黎師達
時黎師達遜辭謂言今說一事惟各善聽
賢以善意捫摸瘡痍以軟滑篋耗盡病源
師子虎狼毒害蝮虺值其睡眠智者不覺
佛今坐定入禪寂滅仁等不宜無事覺悟
猶如烏鵲連七與金鳥十九譯牛跡之水與海搃量
螢火蟲子與日爭明田家灰堆欲比須彌
求欲與日力競光明又欲與月比其盛滿
欲與帝釋共相照曜又請梵天示現神足
下賤之類若餓鬼來與諸上尊欲搃神足

汝等請佛亦復如是。何智達者當信是事。
仁等今餘所有弟子善自防護於釋種子。
如摩竭魚久睡眠時不可覺言起來吞我。
時王聽受梵志所啓。王前下期却後七日。
王便輕出往行見佛。具向世尊陳說此事。
我於尊法終無厭足。聽受世尊微妙正典。
貪衆善意無有斷絕。今諦思惟世尊德善。
尊無數劫積行如流。今世功德充滿如海。
猶如晝後興大雲雨。新水入海充盈滿實。
佛世尊之無量巨海。梵志等見洪滿盈溢。

便欲以手接取灑棄。灑棄巨海欲令枯竭。
梵志等期會祇樹園。却後七日。捐神足力。
其已許可。此等所啓是輩與我已結要誓。
退志不失。啓白世尊。愚情有失。慙重如山。
王體素白。麤丁殊大。歎佛威德。悚然細小。
世尊弟子名曰目連。長跪叉手。前白佛言。
佛天中天。衆聖之師。願默寂然。是事見付。
薄能挫折。此外異學。猶金翅鳥。臨海諸龍。
佛以梵聲而告之曰。斯等請吾。吾宜往應。
王聞佛許。歡喜踴躍。因顯發聲。說是言曰。

地上諸人及虛空中天龍鬼神聽吾言令
種類展轉必相告語天上空中大山巨海
相請來會觀名稱德必來莫疑普世衆會
於是期會七日已至於祇樹間徵瑞應現
以衆香汁沐浴灌灑若干色華徧布其地
可見之類連七於空中現諸天營從二十與諸天女
諸妙寶樹於空中現衆寶幡幢如舌舐空
蓋拂垂珠求雜種香諸天瓔珞華鬘轉息
衆寶積聚處處顯現諸天名寶罽塞空中
天上世間莫不踊躍故集會來觀身變現

諸天人聚猶如大海譬如秋水趣於海淵
爾時有天名曰稱鈴觀諸無間普懷歡喜
從天來下稽首佛足執恭敬意白世尊曰
我今特當殊異於餘勤加奉事於佛世尊
若有先時以施善人彼則加報迎之以善
世尊普慈加於世間以次爲之衆生恃怙
如今觀察佛天中天出興于世獨爲我故
自惟我兄大國之王已身前世行善惡事
緣是更歷大艱難中如從天人墮於地獄
割我兩臂乃到曲肘兩脚見截乃至膝

猶如屠兒屠羊之法解我支節令各解散
世尊爾時來受我師緣佛世尊更受生命
時佛爲我說微妙法尋逮建立阿那含證
獨我一已能勝異學以神足力壓伏外道
世尊躬自歎其弟子以一切智連七或能預知
今當承事連七小加勞苦乃後來世連七以爲念事
梵志後時聞是言論便不敢復求搆神力
以已神足忽然昇虛斯須之間到雪山中
於深谿谷見其好樹天香衆寶甚嚴微妙
拔取大樹周帀由延以手擎持猶如寶蓋

時一切智寶座之側時諸天人以雜天繒
校飾寶樹甚可愛樂於時便出無量光明
譬如雲除日霍然現紫色色炎白銀色光
其光晃昱普曜世間自然芙蓉從地中現
千葉蓮華天雜寶成妙紺琉璃以爲華莖
象牙高座在蓮華上天金色臺網明珠首
爲佛施主極好無比時佛徐行就天寶座
處於華上如梵天王佛身光明踰倍於前
日月明珠不可爲比奮放臂光照曜世間
一切智燈明輝於世猶如蓮華塵水不著

衆生視佛周帀圍遶如蜂集華而食其精
熟視佛面而無厭足遣使往請外道諸師
意疑不欲來就衆會時佛告語諸天人曰
是等不來至此共會於時神通一切聖智
衆生緣畢應得度者即以佛眼都察十方
欲從生死廣度衆生地即劈裂獄苦盡現
如大張口欲吞世間衆生恐怖心懷戰慄
如船賈客遭摩竭口時佛呼告大目犍連
勅語衆生諸地獄名是痛如此此苦如是
犯是瑕惡墮是地獄目連昇虛奮洪聲令

徧十八獄說其罪對時衆生各識本所作
我應墮此我應生此一切衆生心盡向佛
餘無可怙惟歸三尊衆生心專一向不動
悚息縛束爾乃現變於佛寶座四角化現
角有四佛坐寶蓮華卷七因是轉變廿三無數諸佛
坐寶蓮華塞滿虛空諸佛光明照耀十方
身或出水如雲中雨或復變現水火俱出
滿虛空中化現如是時佛奮現如是神變
至二十八無結愛天諸佛充滿三千世界
衆生遠近見佛所在諸佛世尊坐蓮華上

光明神德一切具足功德巍巍猶如寶山
四巖嚴飾光曜於世如梵天王華中出時
坐蓮華上威儀備悉惟佛世尊降伏魔兵
坐蓮華上德超梵天一切衆生展轉相謂
劫數若干百千萬億無央數劫所積聚德
一切智藏金日乃發猶如往古劫初之時
四生衆生從梵口出佛今所現如古梵天
世尊口出無央數佛自古以來衆生懷念
謂此世界惟有一佛蒙佛光明長養衆善
無央數佛世所恃怙佛之大燈然於世間

光明徹照三界衆生世間無復愚癡之冥
一切智明愚癡除盡紺色光明晃耀虛空
坐於千葉寶蓮華上佛現福報滿是世界
猶如大海七寶充盈佛現衆會皆懷善心
即以深奧柔輒清淨梵哀鸞音以種種聲
廣爲衆生說微妙法如是三界連七無常無堅廿三
無我苦空滅無爲安佛說如是深要法時
聲徧流聞三千世界有億衆生發大道意
又餘無數發緣覺乘復億衆生速得道跡
諸外異學捨外邪見時佛即便還檢威神

於眾座前顯然昇天於忉利宮為母說法
 以甘露藥飲諸天人佛所以得勝諸梵志
 神足變化威德相好充滿一切眾生之類
 普同淨潔甘露法藥汝今在此現大神變
 化度無量無數眾生其諸天神遠見佛名
 念佛恩德擁護世間其聞是者增益功德
 緣是種善於佛福田得度生死苦惱之對
 因入泥洹安樂之城

佛本行經卷第四

永樂北藏

佛本行經

音釋

托攪托切 托呵高切 攪並擾也 古巧
 聲羊音 構取牛
 駁甫乳也 角
 獷古猛切 惡也
 斲普免切 破也
 忤逆也 故切
 擻苦切 吊
 桴苦切

第一二八册

永樂北藏

佛本行經

第一二八冊

佛本行經卷第五

達八

宋涼州沙門釋實雲譯

昇忉利宮為母說法品第二十一

以正法甘露 充飽世間人 下解脫種者

皆効受其報 佛功德猶日 正法喻光明

戒品水清涼 生於天泉池 母妙寶芙蓉

及天林樹華 欲令時開敷 故佛昇忉利

日光晝照空 月焰曜於夜 佛照天世間

若干嚴飾好 日天子生念 謂日王來至

以世敬日意 稽首禮佛足 月天子懷疑

盛明所見捨 月之光榮好 歸入人慧月

寂滅過梵天 照曜踰天帝 深邃勝淵海

不動安須彌 天帝雜寶樹 號名彩晝度

光明坐其下 寶樹蔭金山 見母大妙后

種福果於熟 或有方應種 或復應放者

以佛清淨德 面曜如明珠 見者心清淨

猶如清水寶 爾時佛世尊 以清和梵音

甘露法藥雨 於慈母妙后 墜墮離別苦

生天有是患 貪求積聚死 是為世間苦

地獄燒炙煮 餓鬼渴乾焦 畜生相吞敗

五情苦無安	在所受身處	衆苦輒追隨
欲離衆苦惱	惟有滅無爲	當覺三界苦
猶若瘡被毒	甚於燒鐵箸	無可解瘡處
世間苦如是	覺苦起之緣	覺甚苦滅處
覺所以滅苦	覺五盛陰苦	覺勞所因興
塵勞所滅處	是滅名無爲	所以滅道者
名曰八聖賢	諸塵勞之毒	都燒令無餘
生死甚可畏	進退不可怙	如伎兒木面
脫一復著一	或飲天甘露	退復飲鎔銅
或食天甘露	退散燒鐵丸	或復來天家

或曳然鐵車	或王或乞兒	餓鬼轉畜生
宿對手所指	跳迸如拍毬	上下徧三界
從有至無擇	聞說是法已	毋天帝妃后
八十八勞結	心垢永滅盡	意止深妙法
又令三垢薄	燒諸强塵勞	妙后證三道
大會無央數	諸天人芙蓉	同時俱開敷
如華蒙日光	於是妙后起	更新懷歡喜
猶如日臨山	光耀益盛明	亦愛敬於佛
禮足以啓言	古來母未曾	得子此重育
無數劫食地	心未曾厭足	天欲不已滿

莫若令充盈 自足令我足 除著無所著
一切智悟我 無種斷我種 時無數諸天
聞微妙大法 即植善德種 鮮潔佛之種
憶先品第二十二

於是天中天 諸天世人師 在於大王境
摩竭之國土 遊止竹林園 思憶往古世
光明益顯好 猶如盛火祠 佛弟性慈仁
厥名曰阿難 見佛光明盛 即行詣佛所
叉手下右膝 敬意白佛言 惟願天中天
決心之所疑 未曾見光明 如今之暉耀

惟願一切智 說光明因緣 於是佛告以
微妙八種聲 諦聽吾今說 光明之因緣
吾自憶前世 施無數衆生 供養千數佛
種種所須給 學無數聖典 盛祠祀無數
難可施與者 大施與無悋 憶念往古時
大象如白山持八 勢力勝隣敵 吾以用惠施
以心所愛重 二子用施人 毛孔皆血出
吾時名甚愛 象馬車乘女 種種用惠施
施八萬四千 金角黃犢牛 金器盛銀粟
滿其所受量 吾名曰知時 大施十二年

弊惡婆羅門	來從吾索頭	時諸天若干
欲固遮梵志	吾歸曉諸天	莫違本所願
時王名月光	今充吾所僥	復有婆羅門
來從吾索眼	不逆尋許與	體所愛之目
爲王名善目	因是發大願	今以目施因
願後成慧明	又復更異時	鵠飛來趣我
爲鷹所逆逐	飛住吾膝上	吾盡割體肉
恣以足鷹意	不以來歸鵠	與鷹使爲食
吾以病人故	割己體上肉	食肉三七日
其重病得瘳	又爲普施主	名爲大力士

昔除衆生病	今滅其塵勞	又吾前世時
以身惠施人	別賣可愛子	又別賣吾妻
賣吾與惡人	勅吾令殺害	吾時名焰月
不殺沒已命	吾剥皮以施	纏鬘爲燈炷
同時然燈炷	舉身焰皆熾	主名堅金剛
其耐痛無比	以是求一願	與之以成佛
以身與虎狼	地六返震動	因此勇猛意
超度過九劫	曾以一善施	主地盡四海
前爲轉輪王	號名曰大天	始建王風教
率以十善行	棄捨四方域	剃頭修淨行

又為普地主	號名曰尊帝	於是地上立
八萬四千城	時為此諸城	部別境界已
八萬四千王	俱出剃頭學	曾為王多求
貪欲狂迷惑	越度大海表	求土地人民
吾時為梵志	大智名上度	將順教是王
還其正志思	曾為白象王	如日甚殊好
六牙甚可愛	弈弈有光明	獵師貪牙故
箭射中其心	便自拔牙與	心不起恚亂
淨施王遊獵	因至深山中	閉群鹿二王
置於深谷廐	以一姓毋鹿	鹿王代就死

使普境野畜	無復恐患憂	有國忽父母
害殺長老者	吾遵奉孝養	地穴濟父母
天空中問義	父教吾決答	斷眾生倒見
濟令不墮獄	大蟒閉賈客	圍繞置中央
吾時緣宿行	生為師子王	發象為力勢
踏蟒即令死	濟五百客命	安隱得歸家
佛爾時說此	生經五百章	三千大千界
普六返震動	有億眾種類	皆發大道意
又有億眾生	各證以四道	上世賢智士
不可稱奇異	菩薩發勇猛	施捨其軀命

從乞求者意	終無所違逆	功德得自在
萬物及軀命	叢殘短壽命	是乃可爲奇
塵勞所纏裹	懷惡盛迷惑	能以慈悲力
鈎還其惡心	能捨所愛重	財寶及軀命
衆生有豪尊	世得自在者	應爲惡之時
自制而不爲	^{達八} 晝夜行衆善	^五 以休息其意
緣是自勸進	志願存佛道	
遊維耶離品第二十三		
世智一切敏	所願無不成	慈哀加衆生
如人有一子	猶如轉輪王	施教靡不從

患厭世五欲	欲入法慧窟	世尊亦如是
開建爲佛事	勤勞行廣化	事無不究竟
墮生死惡世	順現其起滅	欲入大無爲
滅惡寂然定	時維耶離城	吸入精鬼鬼
入城興疫癘	逼迫相燒害	爾時維耶離
疫盛如熾然	國諸王大臣	集會博論議
癘氣之大火	燒然國萬民	各共精意思
何方除此殃	長者名財明	第一清信曰
觀世更無誰	惟佛可恃怙	因遣清信士
財明以爲使	長者清信士	都共叉手向

盡五體投地	共遙白佛言	普救護世間
願濟我國厄	如凍者求火	猶重病請藥
若冥願明曉	失路者曉導	我等求世尊
欲觀天人樂	使往至佛所	佛即許受請
合捨家覺知	天人思擾動	天於上空中
告王未生怨	如何安無憂	今當與佛離
王聞天教告	心即悚然驚	意懷愁悴曰
衆生心闇鈍	誰能詣慧礪	精礪其鈍心
塵勞之憊咎	宿對之重債	衆生重債咎
誰當濟令輕	我等久見閉	在生死牢獄

誰當以清鑰	開吾等獄門	吾等久暴露
渴愛之日陽	誰當施正法	月精解渴珠
王因勅令嚴	輕馳往見佛	因請佛明日
願屈就宮食	勅厨令嚴具	盛饌百味飯
佛許於宮中	受王一月請	平治七階路
乃至流江恒	廣路施帳幔	嚴飾猶天宮
雜色衆華香	散以徧布地	人集如水長
盈溢譬如海	明珠以校飾	色白如盛月
王之服乘蓋	敬意施奉佛	時佛未久頃
即到恒水側	王更進上佛	五百七寶蓋

人王上五百	諸龍王貢千	天王獻五百
維耶離五百	爲世大覆護	應受寶蓋施
盡受諸寶蓋	餘惟置其一	爾時天中天
與諸弟子衆	二千五百人	便渡流江恒
維耶離諸王	盡心愛敬佛	供給所當得
以次來到國	佛便即時入	維耶離大城
以八妙深重	梵清淨音聲	佛即說一偈
諸有衆生類	地行乘空者	宜慈愛衆生
以清淨慈水	普灑於大地	熱渴所逼狂
得水飽滿涼	從佛之慶雲	放甘輒言雨

舉城充飽滿	除重毒害患	佛於是即還
出到城門外	佛與諸沙門	繞城而徐行
施護現吉祥	呪願普永康	舉國蒙覆護
快樂不可量	時長者財明	請佛及弟子
飲食香甜饌	種種盡愛敬	時佛廣班宣
深要之正法	師子音以下	四千人得道
佛與弟子衆	乃至柰女林	柰女聞之已
馳出往見佛	到門即下車	瓔珞如電雲
始入園林樹	狀似吉祥天	行步趣庠序
如水隨渠流	顏容如春陽	芙蓉華之叢

將諸天人女	服飾之姿貌	行於林樹間
或動天地眼	佛世尊視見	魔王之羅網
目觀其美色	壞人戒律行	佛以妙梵音
告諸沙門者	柰女今來至	卿等攝捨意
各建志手執	精進之強弓	以正直之矢
苦承智慧弦	皆被定意鎧	乘自守戒車
各儲慈觀意	入眼色戰陣	卿等皆諦計
女人何可是	假借相欺惑	如銀鐵金塗
皮薄如蠅翅	若不以覆上	此但是肉積
當作是計知	涕唾眼中眇	若不拭却者

及與身上垢	若不以水洗	膿血及糞除
聚會於一處	熟思視是者	欲意滅不生
卿等自計觀	是骨舍可惡	以筋纏束縛
外則以肉塗	衣裳服飾覆	如師畫覆壁
但作是自觀	莫隨彼欺惑	堅慎護心意
後可有所益	初不調伏心	後則不可御
邪行失正路	迷惑回周旋	猶如官磨馬
意以繞磨走	眼喜視色者	心則隨目惑
諦觀其表裏	愚染慧離著	時佛以是教
誠諸幼弟子	即共自撿攝	一心視佛面

余女遙見佛 光相明嚴好
如日雲中出 慈敬意侍佛
猶如樹華繁 風吹令傾屈
叉手心恭敬 却就其坐位
女情貪放逸 卿善心詣吾
是利甚難遇 男子信樂法
男雖意染重 塵勞猶差薄
於諸塵勞愛 意局心輕躁
汝心存於道 是最可貴奇
無吾我可恃 疾病侵安隱
巍巍林樹間 微妙心清淨
如是禮佛足 佛便告之曰
信樂正真法 是不可為奇
女人常回旋 專著六所欲
一切世無常 老毀顏色貌

劫奪人壽命 樂法無患難
不喜怨憎會 女人心戀著
凡受女人形 必有是二惱
汝當勤奉法 奈女性軟弱
正法所勸進 勉宜起恭敬
前白世尊言 願佛垂慈愍
時佛覺其心 甚清淨歡喜
女便辭欲退 因五體投地
厭惡女人形 懷慚且還歸
受請去之後 維耶離貴賤
皆來至佛所 時佛許奈女

白馬白車蓋	衣服皆素帛	諸容飾皆白
威儀甚可觀	青黃赤黑色	種種各部別
嚴飾來詣佛	猶忉利天人	是輩亦請佛
佛言已受請	佛許柰女請	是輩皆懷恨
時佛為是等	廣說微妙法	甘露無損減
滅除諸苦患	粗略為現說	四諦之要法
無數諸離捷	皆服甘露藥	佛當于爾時
化無數離捷	告辭等已下	心皆逮正法
猶如化猛武	還返地獄苦	及無數衆生
皆下生天種		

歎錠光佛時品第二十四

宿世植百福	千巖峻無極	智慧之川谷
甚深難可測	眾口言辭風	不能令傾動
坐定如太山	然無能轉移	猶如青黑雲
晃昱震電光	雜寶眾華蓋	在上空中旋
時阿難見此	未曾有瑞應	懷踊躍喜心
長跪白佛言		
種種天華甚微妙	好如有心意	求供養佛
猶如林樹	遇群野馬	如雪山中
眾華香樹		
面如千葉蓮華之色	世俗之水	不能汙者

甚難見佛如優鉢華 惟願莊宣華瑞應故
佛以微妙深重淨音 梵聲覺悟充飽衆生
遍闢三千大千世界 以慈悅意告阿難言
乃往過去無央數劫 無量善德莊嚴相好
猶如炬耀消除晦昧 以正法明除愚癡冥
往昔有佛號名錠光 三千世界衆聖之師
一切智慧猶若大海 心如虛空無所罣礙
六度根株甚深牢固 十力之莖甚大堅強
四無所畏之四孤岐 三十有二相好枝條
三達普智微妙身節 八十種好柔輭妙葉

慈悲蔭覆甚令清涼 覺意之華禁戒德香
所說華開現四諦臺 四種道證果甚香美
天人樂法猶如蜂聚 應服佛樹華味之精
其聞華香食樹果者 以解脫味飽滿充盈
乃前世時願求佛事 勤行不懈現其報應
尋得法藥甘露蜜漿 充飽一切久遠飢虛
發願欲求大悲之意 因是欲入華嚴大城
初舉其足蹈門闢時 地神於是肅肅而擔
三千大千佛之世界 踊躍六返而大震動
雨華覆地諸天塞空 天樂於上如雲雷聲

天女空中鼓樂弦歌歎佛累劫相好功德
鳥獸歡喜相和悲鳴器皿相振成歌頌聲
佛與弟子威儀庠序猶如月滿與眾星俱
百福德相晏然如畫微妙相輪千輻理成
以足蹈地跡如印章千輻相輪微妙而明
調御六情馬駕乘六度車施戒之輦輦
慈廂喜護屋定意以調御八正之大幢
寂滅智慧輪四等大慈蓋一切智首冠
覺意之瓔珞大悲甚速疾都邑示無爲
班宣微妙法以調和衆生行道庠雅好

千日同時出日初顯山崗池華芙蓉開
錠光佛時亦悟眾生心華爾時佛心念
眾生無徹視化成爲琉璃令眾生通見
一切遙覩佛各各如相鏡人雲集填路
動國震四海時有梵志子敏達執智通
族貴性高明法八厥號曰善思始聞說佛名
喜踊衣毛豎普如鈎所制離俗向道場
累劫積功德善本使迎至一切智明悟
如華觀朝陽時逢見大光如春日出雲
金剛帝聖種視之無厭足見佛喜踊躍

德力逮清淨 自思遭佛世 以何供養尊
時見一女子 挾持香水瓶 中有七青蓮
如慧七覺具 以其宿福應 瓶化成琉璃
見華喜叉手 詣女以誠問 惟觀福德山
奇異珍寶器 猶爲普衆生 苦厄度歸趣
敬慢二俱除 願我莫空返 昔世所供養
令我亦宜供 惟妹與我華 欲以奉上佛
價從意不違 曼佛今未至 惟妹助爲福
發淨意白佛 佛如隨意珠 種願從意生
時賣七華女 含笑而答曰 是華價甚貴

仁者安能買 答言從汝價 曰華枝直百
但時與我華 價數從汝意 因左顧視曰
挾慙而答曰 我亦欲以華 貢上供養佛
謙遜辭答曰 汝自作華價 佛不受虛養
汝誠不爲欺 女答當與華 當許爲我夫
答言女態惡 違願求道心 女叉手答曰
終不違仁心 今便當誓願 妄施不敢逆
即取其價 與華五莖 別託二枝 以結誓願
爾時菩薩 得華七枝 即便建立 決定上願
如今天尊 救護世間 願我後世 得道如佛

發重願已 即便散華 在上空中 化成華蓋
佛之暉耀 晃昱如日 青蓮華蓋 如慶雲起
佛適遊進 蓋亦隨之 佛明如日 蓋如紺雲
菩薩見變 歡喜踊躍 五體投地 自歸佛足
即時解髮 前以布地 佛以慈心 而以足蹈
足相照明 如紅芙蓉 在其髮上 足髮俱明
如紅蓮華 累青蓮上 佛慈愍故 停足髮上
佛以聖達 一切敏意 覺知菩薩 心勇猛力
即時欣笑 五色光明 曜從口出 若干綠色
時佛侍者 長跪叉手 前白佛言 諸佛無緣

終不妄笑 佛何故欣 惟願世尊 班宣笑意
佛以尊重 海雷震聲 清淨梵音 而告之曰
如我於世 興出作佛 普慈覆世 濟衆生苦
汝亦當成 世間將導 當於熾盛 塵勞苦世
百年壽時 釋種族中 當成佛道 號名能儒
受決言已 歡喜無量 得歡喜力 踊昇虛空
心勇身輕 昇降如波 猶月盛明 大海波起
虛空尚可 有形墮地 地或可上 昇住空中
四大或能 捨其本性 佛之決言 終無改異
世尊面貌 如月盛滿 口演光明 清涼言辭

過滅世間 熾然盛熱 猶如夏時 十五日 月
異學典籍 內虛外欺 愚冥誑惑 一切世間
佛說明法 清淨太平 入泥洹城 猶如歸家
以其種種 歎譽妙華 奉散歎譽 已身蒙歎
天妙意華 粟末金銀 以散佛上 徧布覆地
未墮地者 化成華蓋 當在佛上 進退隨行
猶如日輝 雙日俱明 青蓮在上 如紺雲起
從空中下 懷喜更新 重復自投 歸命於佛
其髮皆在世尊足下 自然而散 徧布其地
卿等憶此 豈異人乎 時善思者 則吾是也

以慈敬意 散華奉佛 今成為佛 一切世師
緣是人故 華蓋覆吾 發吾意思 令憶宿行
夫行善者 福報如是 終不敗亡 常諦知之
爾時各共 分取吾髮 諍競接取 人得少許
是等皆於 佛前得度 入於泥洹 寂無為滅
時得髮者 餘有四十 隨提國人 持戒沙門
皆成羅漢 六通備具 建立第一 微妙善法
如過去佛 號名錠光 充滿梵志 善思所願
如其喜勇 上昇虛空 時佛重賜 與大智慧
衆生聞已 皆當篤信 方便求索 施衆善德

布施持戒 智慧勤修 彌勒出世 顯其福報
降象品第二十五

爾時世尊 遊王舍城 行福衆生 地爲大動
諸佛瑞應 奇異感變 欲入城時 皆爲顯現
爾時調達 懷毒害心 覺佛入城 瑞應悉現
齋嫉速詣 王阿闍世 爲詐誘進 教使逆惡
汝篡父位 我當殺佛 俱共照照 猶如日月
飲王以偽辭 飲象以醇酒 象得酒醉狂
鳴吼而雷震 即時放醉象 奔馳來向佛
譬之暴冥風 來欲滅佛燈 猶如劫盡風

欲壞滅世間 健如金翅鳥 怒如閻羅王
佛心堅不顧 不爲象動搖 猶如摩羅王
不爲海風動 突來至佛前 即到屈足禮
攝伏心著地 喻塵遇暴雨 如從赤雲中
日光晃然明 昱昱譬流星 墮於黑山頂
從袈裟雲中 放右臂光明 暉曜照大象
如日加黑山 德相手觸象 象即時醒悟
猶如巨明現 晦冥退却縮 象霍然醒悟
意即得安足 猶如神仙咒 觸虺毒即除
象即時屈伏 自歸佛足下 佛時顯光明

如日出山崗 時調化醉象 教令種善本
化應度者已 即還到精舍 於時其城中
有一貴姓子 年幼性柔輒 聰聽志敏達
篤信行衆善 愛敬戒律法 尊重師事佛
厥名曰高度 調達往詣之 誘以衆言辭
悉受吾言教 必當厚相待 顯以高爵位
增益其榮祿 若能從吾者 卒後當爲王
時賢士高度 聞調達邪辭 即以正法言
答於調達曰 諦聽吾所言 歎所事師德
即時旋其身 向佛所在方 跪右膝著地

叉手心謙敬 又手心謙敬 傾屈頭面禮 高度便歎言
已度於無極 衆苦之海淵 十力已得度
濟衆生無倦 晝夜不休息 導衆立善本
吾所歸事師 號曰佛世尊 吾不事餘師
餘無所歸侍 故不相受言 汝當諦知是
時弊惡調達 心甚懷恚怒 授手索其掌
領頭而還去 諂媚辭向王 譏蓮於高度
王勅其侍臣 懷害凶猛者 授其實瓔珞
價直數千金 卿當獨密竊 以此寶瓔珞
擲高度舍中 慎莫令人知 其臣即夜往

順從王教勅	其家人早起	得此寶瓔珞
即持與大家	得之甚喜悅	遣人逐夫還
以寶瓔示之	高度見寶瓔	甚怖而長歎
即以酸楚辭	而告其妻曰	得無是懷毒
施惡加人者	調達設方便	欲壞滅吾耶
昨夜以寶瓔	擲吾舍中乎	其坐悶心頃
官司至其門	即以此寶瓔	掛著高度頸
即時啓王言	珠從高度出	王令勅諸臣
推之以舊法	尅吏懷惡害	猶太山使者
眼赤持兵杖	狀如地獄卒	皆著黑皂衣

以血塗其手	爲著赤屯頭	當詣行刑所
擊鼓如雷音	吹貝鳴震動	以鈴繫其髻
驢馱而出城	到即賜其食	飲以垂死漿
時調達遣人	告其家居曰	但來自歸吾
當濟令得活	親族圍遶之	舉聲而號哭
聲馳聞如遠	令行高度刑	無央數人集
響響動其城	遊一切智庭	止宿於大慈
履行於大悲	晝夜行推求	迷惑五道中
失路川谷者	如牛愛其子	欲濟活孤犢
時佛告阿難	卿往行入城	徧諸巷告令

大聲說是偈 今日是高度
當爲最沙門 服甘露藥漿
聞阿難所令 還語其黨類
梵志中達者 應聲答之曰
甘露可爲毒 四大或復可
佛之言教令注八終無有改異
冲幼可憐愍 攀緣其父頭
惟父甚憐愍 願自歸虎狼
惟人命難得 若令官見殺
莫當行自歸 趣弊惡調達
出家獄牢繫 時彼有梵志
是何故妄言 火可變爲水
捨其本性體十於是高度子
號哭不可止 衆生所貴重
以代慈父刑 時高度強志

而告其子曰 願捨已體命 終不能離佛
其婦奔走來 放髮悲呼哭 泣血而交流
下露胃衣裳 種種歎楚曰 慈仁之夫主
澡手體相受 如何中離別 往與有言要
終不相捨離 今漸現爲惡 猶如行路子
如何不顧愍 妾惟有一子 願當顧賤妾
憐傷孤獨子 可外佯自歸 向調達濟命
內情勤至心 竊佛尊爲師 高度久乃言
而答其妻曰 且聽今當說 吾心之決定
三千大千界 最尊可恃怙 吾已自歸佛

何故惜身死	吾已自歸佛	衆寶須彌山
何能歸下劣	倚著穢糞積	吾已自歸佛
戴仰日光明	如何當反捨	歸趣螢火蟲
吾已自歸佛	金翅鳥之王	如何當捨行
歸趣烏鳥子	吾本誓發願	欲飲大海水
今此牛跡中	何能解吾渴	吾今自歸佛
諸法德相好	如何當行詣	小劣惡行者
妻答其夫曰	且當護濟命	調達與汝現
可追惟舊好	即答其妻曰	寧遭諸惡害
劍毒蛇蟒虺	怨火相燒然	是可設方便

智慧良藥除	終不當附近	惡友懷穢垢
惡友相汙染	壞人善本意	佛教使莫從
牽至無擇獄	遂持高度至	林樹立墓間
即發慈悲心	佛慍懃禁戒	獄卒便拔劍
欲行高度刑	利劍不能傷	賢士高度體
即還告王曰	利劍不能傷	賢士高度體
便勅行何刑	調達附議曰	可生貫以杖
纏之以生革	豎之於路側	如教便貫之
一心存念佛	佛如金翅鳥	飛到立墓間
佛以八種聲	而告高度曰	吾今得濟卿

如是毒苦厄	諸佛之慈哀	清淨甘露法
次第為高度	班宣四聖諦	高度尋即成
暢至羅漢道	即時以六通	身輕昇虛空
當阿闍世前	在上虛空中	種種現神變
大眾莫不見	為王說妙法	令王覺識之
我身是高度	王宜悔所為	王聞其所說
心悶迷僻地	左右以水灑	良久乃甦起
都不當畏懼	恐敵熾盛火	亦莫畏鬼魅
及弊惡毒龍	心如利劍戟	口辭甜如蜜
言與事相返	當慎是惡友	調達外貌親

正是吾惡怨	現如正法幢	導吾入惡道
自燒使無餘	以虛等燒吾	咄苦何甚劇
遭遇惡友者	吾與之為友	退父逆篡位
飲象令醉惑	放使突向佛	教吾懷惡逆
以山石碓佛	從是惡友救	背違佛聖師
王即慘然起	投高度足下	願捨除重咎
因倚惡知友	我自今已往	當為佛弟子
以佛為師父	遠離惡知識	佛以神通力
調伏狂醉象	化令入正路	種植善根栽
如救賢高度	木槍苦毒患	服甘露良藥

衆苦毒盡除 其聞是奉持 至心得向佛

奉行善因緣 都令諸苦滅

魔勸捨壽品第二十六

如日初出顯于山崗奮大光明消滅厚冥
佛天中天正法暉明班宣言辭淨無垢光

心懷愚癡冥 如幽深谿谷 日以大光明

推盡杳冥源 如清明無雲 日光靡不照

佛所至教化 莫不蒙濟度 猶如大金山

大祠祀盛火 如魚怨盛陽 竭盡塵勞水

欲界塵勞王 厭號名弊魔 率來至佛所

便說是言辭 惟佛往昔坐 尼連禪水邊

我爾時啓曰 衆言最先首 諸可所作爲

其事已成辦 諸所可覺悟 已達無有餘

所願具充滿 今可捨壽命 于時還答我

決定言教曰 吾今且未有 四部大弟子

又復未有暢達 解達智慧眼十九 建立顯佛事

大尊重所處 非少許方便 倉卒可及逮

不明之晦冥 未蒙光明照 日出未經天

不可便還沒 大海陂池水 龍阿須倫藏

若人以裸身 欲渡大海者 若欲以蚊翼

覆蔽十方空	或如小蟻蟲	欲與師子戰
若復欲發意	一舉能飲盡	無量大陂池
竭令無有餘	若欲以口氣	吹須彌寶山
令各分迸散	悉成爲埃塵	陂池之海水
須彌寶大山	師子海虛空	是事尚可爲
佛功德之池	須彌海虛空	十方天世人
無能度量者	以故吾爾時	語卿魔如是
今非是勸吾	滅度決言時	如今便可陳
卿之所志願	當隨其所啓	魔便白佛言
世尊諸弟子	今皆調賢良	守禁戒精進

皎明成羅漢	身在地住立	以手捫日月
變現身令大	至大無結天	從大生死中
劫奪我衆生	出吾部界入	無爲如還家
世尊一切智	所作無不辦	名聞如大海
十方普充滿	世尊無比聖	以佛十種力
坐於道樹下	被牢強忍鎧	以聖手執持
大慈之強弓	放引智慧發	捷疾之利矢
我與十八億	諸魔王衆軍	適放一慧發
敗我大軍衆	猶往古烈士	獨與大軍戰
適放一利發	勝槃沓大軍	憎愛二大垢

俱滅令無餘	伏心之醉象	令得求調良
以正法大蓋	覆諸應度者	令一切衆生
得避塵勞電	裂壞貪饕口	杜塞無厭心
顛倒躁擾性	如撲阿須倫	以最上第一
堅牢智慧犁	耕諸曠大地	反其愚癡源
以大正真法	書度微妙樹	下之於世間
華香飽衆生	降現在有中	廣大生死海
以空無意身	鳴大正法珂	在於欲界中
愛於繫閉者	生死之堡聚	甚勞強難勝
世尊如力士	澡脫皆令出	得住於無漏

珍寶之臺渚	世尊寢卧於	智慧之大池
齋中生微妙	正法之芙蓉	其香甘無比
感動天人心	來集受訓誨	如蜂食華精
以師子形相	佛之猛利士	願覆強難伏
塵勞阿須倫	已滅盡世間	生死之力士
普勝於三界	世尊最第一	或有以世間
生長乳哺力	或有以巧偽	神變現化力
於諸天世人	得勝最第一	以已之善行
獨劇著世上	今正是世間	放捨壽命者
時佛聞魔王	種種之勸辭	佛時天中天

梵音告魔王 令魔當懷喜 必無復憂患

今却後不久 三月當捨壽 可捨心懷熱

卿魔願已備 聞佛說是誓 魔王甚歡喜

即時於佛前 忽滅還不現 於時世尊即

定意斯須頃 意了智慧俱 尋還解散意

放捨前神通 無限安長壽 聖^世以神足力

更存壽三月 世尊已放捨 無限安長壽

地祇即驚怖 六返大震動 四方皆雨墮

霹靂大炬火 猶如劫盡時 須彌雨炬火

霹靂連續墮 普周徧空中 猶如劫盡時

大地火乾燒 時佛天中天 即說是偈言

猶如破車轂 強載曳此身 於時阿難見

是恐惡變怪 心懷疑戰動 諸佛問其緣

時佛告阿難 吾已捨長壽 是故地大動

現是惡徵應 時阿難聞佛 如是之言教

即自投於地 如旃檀樹崩 舉身衆毛孔

沸血皆迸出 心中懷哀感 泣血流於面

一則尊敬師 二則兄弟愛 重愛情未解

悲痛迷荒心 懷愛熟視佛 久頃乃發言

辛酸楚毒苦 悲哀戀慕辭 嗚呼何甚惡

無常甚速疾	佛之光明燈	忽然便欲滅
猶如寒時火	盛旱熱時雨	疲得垂白蓋
莫不蒙其賴	衆生甚可憐	當迷惑失路
於大生死中	無邊曠野田	示人以善道
審諦識正路	三界之導師	捨世何速疾
觀普世衆生	愛熱所焦燒	周旋疲長塗
旱渴甚久遠	甘池以解水	其味甚清美
最上清涼池	忽然欲枯竭	去來今現在
三世無不達	心入微妙法	智慧之面目
照三千世界	猶視淨明鏡	世眼忽滅盲

一何痛之甚	衆生立篤信	根芽甫生者
如有欲漸長	又已成就者	如是之等類
渴仰佛雲雨	此諸垂成苗	忽當旱焦然
世尊四十種	智慧之火光	一切智大錠
普曜三千世	照現大光明	一切衆生眼
衆生何可傷	當還投邪冥	覺慧之淵海
廣長甚深遠	佛獨能先度	顧愍傷衆生
今當捨世間	我等何恃怙	猶如慈父母
遠子曠長塗	普愛於衆生	慈乳甚盛滿
正法之乳湏	甘美大豐盈	世尊之大慈

猶初生犢母 今捨犢令孤 我等將旱枯
久迷惑失道 於五幽谿谷 衆生應度者
猶如孤犢子 世尊徧推求 如慈母慕兒
今誰當推索 我等何傷酷 是愁忽然遇
後斷續復來 日夜相推逐 周旋如轉輪
晝夜如兩手 方便無休息 掬非常命水
飲之無厭足 我今甚迷荒 無所覺識知
心是金剛聚 能忍不壞碎 每遣侍世尊
猶如影隨形 形忽然欲滅 影當何所依
今我當捨離 遠佛天中天 如身離壽命

不復可自名 無常之宿對 何不追逐我
壽已捨其身 何可立須臾 尊於大衆會
曾有說是言 其有證道諦 四神足具者
能住壽至劫 或復能過踰 佛之道神力
自在暢無礙 惟佛世所怙 今願且住壽
愍傷衆生故 連八 幸住壽劫餘 廿三 願尊垂大慈
憐傷於衆生 住壽令延長 未度者甚多
於時佛世尊 見阿難如是 愁毒甚憔悴
因垂撫慰恤 佛世尊大慈 告以加愛言
汝諦觀自然 世動歸滅盡 一切世間事

終不可不然	其有成立者	不得不壞墮
諸有成立事	若當終始者	終無有發意
求處泥洹城	吾前為卿等	具班宣法教
為師之誠事	無有餘遺隱	吾身若留住
及度世之後	卿等勤奉法	用吾色身為
但當力精進	盡形奉禁戒	方便求覺慧
急如救頭然	道品所修行	凡有三十七
速當設方便	令心覺解脫	諸善之根源
皆當由之生	以滅定羈絆	繫絆心醉象
以智慧鋼鉤	制御令回還	以正諦計觀

縛令不越逸	滅心令靜定	智慧慈敬眼
卿等必以是	諦觀吾法身	其有諦見吾
正法之身者	吾現在去世	常見我不離
吾今為汝等	乃至當來世	願變苦毒樹
令成甘露果	先當勤服食	覺意華之精
成四道果證	續飽滿世間	俗外學賢聖
皆不逮覺了	厚雲及上體	潔持與愛生
我潔安庠天	力慮及天帝	是皆不達道
吾令汝等覺	無能尋端底	得知出要者
外師所止息	因迷惑還墮	惟有佛世尊

無礙最慧器

以是於有中

壞盡塵勞源

猶如良賢士

有八種藥方

吾已各分別

衆藥之種稷

其貪婬多者

惡露觀爲藥

瞋恚用慈除

愚癡以慧滅

如向者阿難

汝之所陳啓

願佛住劫壽

或長踰於劫

是觀過去佛

隨俗宿對行

不盡世上壽

五分壽捨一

吾何爲久與

此蛇虺篋俱

強曳無返復

仇怨對已盡

濕傾危朽舍

蛇虺甚可畏

阿難不當速

捨此身逃耶

汝從水求火

從鐵中索金

從芙蓉華莖

欲得金剛枝

從惡毒器中

欲索甘露藥

與狂論定計

從怨求暢安

地獄中求樂

廁中求香美

欲教訓獼猴

令重莫輕躁

朽舍久危墻

濕沙以爲城

雲泡水上沫

露燈難侍怙

如坏器盛水

亦難可久保

輕脆甚於是

無強速壞捨

當作是覺知

可畏四大身

何見正諦者

堪任昇此身

衆生愚癡故

悅意不懷憂

見他有死者

不自計當爾

放心於不要

耗盡其壽命

終不設方便

求益已善本

當作是覺知

永樂北藏

佛本行經

第一二八冊

佛本行經卷第六

達九

宋涼州沙門釋寶雲譯

調達入地獄品第二十七

佛天師世怙身心俱清淨愍眾詣江浴

著澡衣而立爾時佛世尊始入清流江

達九

猶如日天子在天華浴池如祠金剛柱

妙寶以校飾譬天刻鏤師眾相悉明備

佛世尊身形妙好亦如是此皆宿善行

工匠所為作百福德相備宿善所印明

或如然妙指晃晃或如言似說本善行

佛形相如是水陸空中蟲莫不愕然觀

各自捨怨嫌皆慈心相向悉不相茹食

注目於佛相視之無厭足時佛告阿難

視此眾生類皆共觀佛者雖蟲獸無慧

不識別善惡觀佛身相好如視鏡中照

已下善本種阿難報佛言唯然觀調達

焦然其身本釋種子勤修學法能乘空

為王阿闍世所事最上師受無極榮寵

恭敬盛大器不審因何故欲變成惡器

時佛告阿難廣施博學問淨行勤自守

心懷惡行者	是必不可保	心惡習衆惡
亡失其善行	自穢善根本	愚人得榮祿
甚以自慶喜	但以招自殺	猶如騾懷妊
其以自消盡	衆善之根本	無餘一毛善
可牽拔濟出	吾之愛衆生	慈加於一切
投山入熾火	救衆苦厄者	不憐惜已身
羅云是天子	調達山礮我	是二等慈愍
不久於王舍	惡行升斛滿	調達得重疾
種種方便救	盡呼其弟子	今可致我往
詣摩竭國王	是我舊親友	於是諸弟子

方便舉致往	其舉三椀折	墮地打膝傷
更易坐一舉	舉詣王宮門	行道逢種種
諸不祥徵應	特牛乳來迎	角觝地且行
後脚揩地土	揚塵全辱之	群鳥於上鳴
猶如人語聲	今汝所圖計	終不以諧偶
到門即啓王	王令勅傍臣	惡人是地分
復來相惑耶	反以惡燒我	又復還自燒
如電害萬物	已尋消化盡	還致罪物去
吾等不宜見	此親所不用	衆人所棄捨
拒逆佛世尊	爲祀吉祥天	若入無擇獄

達九

恐連曳吾等	其有敬重吾	及自愛身者
速逐使出朝	惡復聞見是	吾每歎佛德
從天師求願	誓所生之處	莫與惡友俱
侍臣勅朝師	速逐遣罪人	調達諂意思
爲師諸弟子	如吾自思惟	惟佛於吾親
能相濟厄耳	餘無可恃者	速致吾詣佛
墮者還依本	如墜因地起	地故載育之
諸弟子謂之	師誤失無限	懷惡意向佛
犯種種罪過	調達疑怖言	吾雖犯負傍
不犯捨惡人	善者故不怙	於是其弟子

見師以如是	畏調達之故	便速盪出去
震動王舍城	衆人大集觀	時催逐調達
解所懷疑結	見調達遭厄	顏色甚憔悴
每行惡不貲	今乃獲禍對	如海船欲覆
垂入摩竭口	猶如大幢傾	臨墜僵于地
危譬屠家羊	喻天福盡應	調達危如是
垂入死門口	如日蓋山蔭	漸速普覆地
調達惡行蔭	追逐覆不置	城中諸觀人
見其如是應	各各轉相謂	若干異同群
痛哉視世惡	合偶卒永離	何智當貢高

達九

三

於其惡生死	此則是由來	變現妖怪者
今摩竭國王	迷惑爲逆惡	每乘金寶車
光耀如天帝	將從狀如天	王起出臨觀
若來入宮時	每現從空下	所食之御厨
炊五百燒器	在阿闍世膝	變已作嬰兒
現戲吮王唾	王意終不厭	王每常敬待
謂之勝於佛	驅逐不停門	一何可憐傷
此今意退沒	懷苦或無智	欲往見世尊
悔已過向佛	今甚懷惱熱	躁擾自投擲
不久於阿鼻	當受諸苦痛	或言情性惡

或言用貴爲	不見佛受法	及於賢聖衆
不自護己身	亦不護餘人	學不慮今世
亦不顧後世	咄榮祿甚苦	咄多求亦苦
凡未見諦者	無一可恃怙	愚癡甚妬惡
覆蔽一切眼	受著大苦痛	普誑惑世間
以虛邁向王	懷嫌燒壞人	嫉佞侵損他
惡如閻羅王	宿對便來至	以力強牽曳
王不遣人助	亦無來救者	如僞稱悅人
不慮已後時	舉價廣輕用	財債皆滋倍
債主急迫切	諸共喪費者	皆馳棄藏避

今當停獨償	於是甚勞苦	致到舍衛城
舍衛城中人	集會觀調達	男女諸大小
空舍皆馳走	大聚無央數	隨逐調達行
人展轉相謂	弊怨重地上	每施惡於佛
強顏而無慙	云何欲見佛	中有覆面者
損耗之積聚	是不宜觀見	有甚驚悚者
或悲憐傷之	或悲歎墮泣	或有嘿立視
或有稱歎佛	慈心之功德	故能舍容受
如是毒惡物	其弟子勞疲	小住頓息曰
是地之重擔	奈何堪勝之	適小停於地

達九

四

眾人悉圍遶	死應之表式	漸漸爲之現
斯須地震動	響徧國界言	吾不勝惡人
如覺悟世間	於是虛空中	有大雷震動
又有若干種	可畏惡音響	諸天告祇洹
惡行來在近	故地動聲云	示其惡緣對
不勝惡行者	阿難前白佛	云調達來至
求欲見世尊	時佛以梵音	而告阿難曰
調達罪厚重	不能來見吾	假隨藍風吹
不能今動來	正使龍索引	龍絕不可動
佛說決定言	調達不見吾	即時戰汗出

永樂北藏

佛本行經

第一二八冊

顏色即變惡 猶如金翅鳥 欲搏食龍王
爲死所捉持 戰動不自止 見閻王使召
怖恐無所識 地開如魚口 火塞滿其中
張口甚可畏 如欲吞調達 火焰拔汝舌
昱昱燒其身 熱火所纏裹 牽曳向惡趣
高舉其兩手 大聲呼稱佛 嗚呼天中天
衆生所恃怙 每懷慈愍心 於一切衆生
我愚雖過失 仁善不改動 如須彌山王
風終不能摧 慈愛無限量 稱世光見照
若蒙尊暉曜 冀待小停息 以悟三千界

梵音見告語 緣是深妙聲 得脫地獄苦
願得佛世尊 著足之塵土 戴之於頂上
或必有所濟 世尊不自來 願遣餘弟子
舍利弗目連 迦葉阿那律 幸趣遣此等
惟弟賢阿難 骨肉族不棄 如何便自捨
兄弟相惱苦 衆僧亦復爾 王以下羣臣
知識及宗親 餘惟有惡對 終不捨遠我
不得小動離 如影隨其形 人衆滿地上
諸天塞虛空 皆住觀調達 宛轉毒痛中
猶如兩力士 對共掎力鬪 宿對之力士

衆中擒調達	天人同聲喚	寵祿今安在
善惡報彰顯	爲火所牽曳	時無央數人
悚然畏惡對	佛尚不能救	何況其餘者
稱佛屈已禮	徹骨自歸命	未及說半言
便爲火所纏	火如嬰珞像	徧布其身體
奄忽便沒去	好餓魚所吞	忽至無擇獄
於是鬼獄卒	頭然甚可畏	力大身如山
懷毒甚瞋恚	捷疾尋來至	如金鳥取龍
共來接擎去	以然熱鐵索	反縛其兩臂
牽曳罵數過	將至啓閻羅	此則是世間

兇暴弊惡物	懷嫌嫉虛諂	反悞逆正理
記惡不反覆	不慈勤爲惡	王求人長短
無慙廣結怨	強專獨權勢	托亂越分理
是法言非法	非法言是法	寂滅之川谷
慧寶體充滿	佛之須彌山	斯放石欲壞
定意清淨水	賢聖衆海淵	本清澄且深
此托令擾濁	無辜生怨殺	蓮華比丘尼
拔盡善根本	悉令無有餘	冥如野雲霧
衆善日損縮	喻之月垂竟	消轉盡晦闇
積罪地所吞	今至惡對口	王宜處其罪

罪重叵散放	王聞其所啓	求處當以法
盡恚訶折之	與決了言教	咄爾族姓貴
乃爲下賤事	甘蔗王苗裔	汝唐喪失之
汝爲狂迷耶	乃作是大過	垂飲翻甘露
自吞其害毒	爲是反悞事	欲齧吾杖乎
欲吞天帝杵	欲手持空耶	汝爲欲縛束
躁動性散風	將類爲是事	故極意造惡
汝欲以手掌	障蔽佛日光	復欲與一指
舉佛之須彌	汝欲飲大海	令竭無有餘
事至自牢強	語已呼獄卒	便爲所可作

鬼卒大叫呼	罪人皆大驚	展轉自謂言
行惡者今至	緣是惡物故	當益加我等
若干種苦毒	都來趣會此	共毒治惡物
剥皮曰擣磨	生齧而殺之	消散其身體
鬼卒如所說	毒治令備悉	逼見諸苦痛
獄鬼以火燒	鐵刮強刮口	洋銅灌其咽
吞敢燒鐵丸	都合諸地獄	其中處楚毒
就於無擇中	加害於調達	無擇灌燒治
與罪人俱受	調達私罪對	響響競來現
大倒金剛山	焰出甚熱熾	墮調達頭上

令身碎如塵	山如有識瞋	恒自起自墮
聲似唱和言	深築碎其骨	罪人聞是聲
皆恐怖驚張	奔波星散走	無地可隱藏
覆眼而前也	大才相謂言	行惡一何劇
今俱受其痛	覺者今來創	身重劇殃對
以我等怖	謂諸人	毒痛普爾
獄中諸守鬼	各罵調達曰	且聽弊惡害
於此逆暴物	一切智藥充	法寶慧衆多
慈悲之淵池	佛山妙如是	

汝以山墮之	以是殃罪故	諸山雨汝上
自然金剛山	雨調達頭首	山巖火焦杵
淋雨無斷絕	鍛其身碎末	尋還生如故
於是復叫呼	驚動地獄中	石象有百足
譬一由延山	黑如冥霧雲	疾踰劫盡風
嗚吼如雷震	調達見驚怖	失聲大叫呼
便說是言曰	汝等何惡劇	以象相逼迫
來用相怖死	今來相踐蹈	獄鬼問之曰
識踐汝者不	汝以象恐怖	故罪象踐汝
斯復復更有	此獄鐵身鬼	形狀大如山

各負然鐵杵

辟方一由延

來至調達所

舉五百鐵杵

次下調達上

擣碎調達身

猶如小蟻蟲

獄鬼恚罵曰

是罪何足言

汝破得道人

蓮華女之首

坐犯是罪殃

杵今春汝頭

復有然鐵車

然炭以牛駕

臂脚各繫車

分以爲兩分

打車各自去

分裂調達身

車各分其身

毒痛不可言

獄鬼復罵曰

今如車裂汝

分以爲兩分

甫當裂汝身

八十六千萬

汝坐誹聖衆

別以爲兩部

故今裂汝身

調達叫聲徹

紅華獄如響

瞿和離識聲

尋便罵詈言

寧遭熾火燒

若利劍中毒

惡賊虺蟒蛇

莫遇邪惡友

施方便求助

可脫斯諸禍

惡友無方便

致心宿地獄

以遭獄守鬼

無逮解脫路

四種之方便

其術不復行

捐名稱譬

如日竭水消衆善行如火焚野

傷智慧明猶華遇霜穢壞禁戒淨意之香

障蔽心之明

猶月如遭蝕

調達以友根

於我爲毒怨

獄卒加毒治

甚痛大叫呼

調達識聲聞

瞿和離聲耶

鬼卒逆罵曰

地獄之火燼	入他罪科中	何須復問爲
緣汝惡友行	强致紅華獄	以邪反逆道
墮墜受艱難	汝爲惡船師	將導入洄復
長終始回旋	求不知正路	調達懷痛曰
瞿和離已至	我餘諸親友	皆到地獄耶
弊友一何劇	導我至惡道	以皆執隨我
來止宿地獄	佛弟子目連	神足得自在
慈愍三惡道	行因見調達	見王阿闍世
王稽首敬禮	尊目捷連足	已便問之曰
承往惡道觀	惟師願說之	頗見惡調達

受苦痛何類	目連答王曰	調達之所受
苦痛甚兼備	難可倉卒陳	有八大地獄
獄有十六城	百二十八獄	合此諸楚痛
獨一阿鼻痛	喻此諸獄苦	苦無須更安
故名無擇獄	受苦甚弊惡	毒痛重餘者
又償私別罪	終無休息時	十六盛火焰
纏繞其身體	爲諸苦痛箭	所射之准的
如爾時閻王	具責數調達	獄卒重罵詈
悉以向王說	王聞心悚然	舉體衣毛豎
驚意白目連	叉手而傾屈	王心即時萎

如華得於火	目淚交其面	譬芙蓉得雨
懷恐怖且悲	向於目捷連	自責已由來
所作之不善	吐心可知慙	免離遠惡友
今悔策千萬	如策進良馬	意譬如麻油
值香則便香	得臭則受臭	汝心亦復然
目連告王曰	覺悔最第一	悔責病津液
佛良醫能愈	王聞其告教	甚畏怖地獄
惟行賴於佛	如病歸良醫	勅立寶樓觀
校以衆琦妙	如天善法殿	四寶爲欄楯
四方寶梯陛	四方四浴池	以四寶爲華

種種微妙好	於上飾寶樹	諸王盡技巧
法忉利釋宮	如天晝度樹	於下設高座
如忉利天帝	在晝度樹下	釋之大御座
天請佛至宮	佛出如自現	奮千妙光明
王躬自出迎	四寶幢蓋旛	華香衆妓樂
種種奇妙珍	敬意奉迎佛	即時普震擊
二十億衆鼓	天人普散華	如雨徧覆地
佛即時來至	上殿坐高座	猶如梵天音
處第一梵宮	王無量敬意	形容甚微妙
猶如日宮殿	處在須彌側	手執金澡瓶

以水灌佛手	如來掌藕華	輪相皎然明
王手奉餚饌	百味食甘飯	甚香潔清淨
如天善施食	佛與諸弟子	飯食已畢訖
澡漱手滌鉢	清淨如佛意	樓觀殿高顯
人衆億無數	如諸天觀佛	於晝度樹宮
天帝懷愁慘	與諸天俱來	自觀當降神
受形於驢胎	王懷慘猶若	諦視地獄苦
摩竭大國王	與諸婁女俱	服飾甚綺麗
晃昱如雲電	翼從王而來	敬意稽首佛
或持雜寶華	或持金銀華	金粟或銀粟

種種雜珍寶	又復有諸女	手執金銀器
皆盛滿澤香	及吉祥寶瓶	以雜名香汁
灑地令淹塵	若干雜色華	散普徧覆地
以諸名衣服	雜寶之瓔珞	皆脫以惠施
地成大積聚	王與大衆人	投身於佛前
佛慈護衆生	願垂覆惡類	佛見諸天人
心皆懷陳然	大衆數億千	皆願欲得度
即時爲之說	微妙深法要	四諦之甘露
解脫決定法	有六億衆生	解諦見道跡
餘無數衆生	皆發大道意	

現乳哺力品第二十八

佛以入無餘	滅身諸苦痛	與無著弟子
出妙維耶離	行歷諸村落	安庠以次第
覺悟衆生類	令植善德本	爲無數衆生
顯露宿善行	度脫無央數	令服甘露味
次至成有城	力士所生土	與諸弟子俱
止宿其土界	去彼土不遠	拘夷那竭城
城門中有山	五百力士集	還共論議言
是山妨城門	共合力舉徙	顯我等盛力
後世流名稱	馳周徧四方	精勤力備故

無有斷絕時	議已便共出	將象青牛馬
拖材木繩索	共行詣山下	設若干方便
繫山於畜頸	各手引繩索	以杖木換撮
皆共舉聲言	同一時出力	大聲震一國
不能動揺山	佛將弟子衆	行次至其所
諸力士見佛	金色之光明	霍如千日出
妙相三十二	見佛懷喜踊	捨山往行詣
敬意禮佛足	右遶三匝已	佛因問之曰
諸壯士何故	聚會在此也	因共白佛言
我等生土地	種類號力士	是山妨城門

吾等共集議	欲徙移是山	今城門道平
流名於後世	顯示力士力	故牽致象畜
及自竭其力	盡大方便勢	山求不可動
佛與大眾俱	行往詣其山	撿攝其衣服
以左手舉山	置於右手中	便拋擲虛空
乃至上梵天	山中聲出言	世間皆無常
諸法皆無我	惟無爲滅苦	山從上來下
還住佛右掌	佛以口氣吹	皆令碎爲塵
又還收合聚	還復如本山	徙之著餘方
於是諸力士	見世尊大士	心喜踊無量

舉身衣毛豎	加敬意於佛	皆前禮佛足
長跪叉手言	唯然天中天	向者所用
爲是乳哺力	是神足力者	是道定力乎
佛告諸壯士	諦聽受所言	吾左手取山
置於右手中	擲虛空中者	是吾乳哺力
乃至上梵天	山中有聲出	一切世無常
一切皆無我	獨無爲滅苦	又重叉手曰
惟願天中天	勞神重敷演	父母乳哺力
暢達其限量	告諸力士曰	汝等必欲聞
佛乳哺力耶	對曰惟願聞	世尊乳哺力

佛言樂者聽	十凡牛之力	等一青牛力
十青牛之力	等一犛牛力	十犛牛之力
等獨角牛力	十獨角牛力	等一凡象力
十凡象之力	等一數生象	十數生象力
等一左象力	十左象之力	等一香象力
如十香象力	等一德象力	十大德象力
等一杵牙象	十杵牙象力	等一龍象力
如十龍象力	等廣肩力士	十廣肩力士
等一天節力	十天節力力	等一士乘天
士乘三百天	等佛一指節	父母乳哺力

佛之乳哺力	其喻狀如是	已過去諸佛
及諸當來佛	如吾今現在	一切皆平等
等音聲等稱	等量等相好	等福等報應
等覺等智慧	等戒等定意	惟二事不等
形體及壽命	爾時諸力士	稽首禮佛足
叉手白佛言	今已見世尊	父母乳哺力
願垂愍勞神	班宣敷演說	佛功德福力
佛告諸力士	樂聞者諦聽	唯然樂欲聞
佛告諸力士	普一閻浮提	衆生福德力
以比一方域	轉輪聖王力	善本福德力

百倍及于倍	萬倍巨億倍	不得相比喻
二方轉輪王	三方轉輪王	四方轉輪王
一方鐵輪現	二方銅輪現	三方銀輪現
四方金輪現	輪具有千輻	七寶雜錯廁
照然明如日	二方福祐力	喻所倍如前
三方王福力	亦喻其所領	四方王福力
喻所領衆生	衆生福德力	百倍千萬倍
計其功德力	終不可爲喻	假令四方域
一切衆生類	皆爲轉輪王	合此福德力
以此四天王	所有功德力	百千巨億萬

終不得爲喻	普四王天人	皆爲四天王
以此天帝釋	所有福德力	百千萬巨億
不得爲譬喻	忉利諸天人	德如天帝釋
不比焰天王	所有功德力	百千萬巨億
不可相比喻	假令焰天人	如焰天王福
不比家天王	所有福德力	令兜術天人
德如其天王	不比化樂天	王之功德力
使化樂天人	德如化樂王	不比化應聲
天王福德力	化應聲天人	德力如天王
不比第一梵	所有功德力	假令諸梵天

達九

齒

永樂北藏

佛本行經

第一二八冊

如第一梵力	不及大梵天	所有福德力
百千萬巨億	不得爲譬喻	假令大梵王
無數不可計	不比一緣覺	所有功德力
百千萬巨億	不髣髴爲喻	三千大千界
所有衆生類	德力如緣覺	不比一菩薩
所有福德力	十方衆生類	皆使爲菩薩
福德力具足	不得佛一相	所有功德力
百千萬巨億	不可以爲喻	其過去諸佛
及甫當來者	又吾今現在	德力皆平等
等音等稱量	等相等福德	等諸報應法

惟形壽不等	時諸力士等	稽首禮佛足
長跪叉手言	唯然天中天	已見乳哺力
具聞福德力	惟願重聞聽	佛之智慧力
佛告諸力士	樂者靜心聽	今當具暢說
佛之智慧力	此閻浮提地	廣七千由延
地形有三角	西方瞿耶尼	廣八千由延
其地形方正	東方弗于逮	廣九千由延
地形如月減	北方鬱單越	廣縱萬由延
地形如月滿	其此四方域	諸生草樹木
盡以用作筆	大海所有水	深廣長三百

連九

十五

三十六萬里	以水和書墨	須彌山入地
下至金剛際	亦復有三百	三十六萬里
齊水以上現	亦復有三百	三十六萬里
四方四寶成	北方以黃金	東方以白銀
南方紺瑠璃	西方以水精	猶如須彌山
皆使爲素帛	書盡樹木筆	盡竭諸海水
徧書此素帛	不盡一弟子	舍利弗智慧
日月明所照	如是千國土	千日及千月
千四方土域	千東西南北	千須彌山王
及千四天王	千忉利帝天	千諸焰天王

千兜術天王	千化樂天王	千化自在天
及千諸梵王	是名千世界	如是千世界
是名曰小千	千千小千界	名第二中千
如第二中千	其數滿千千	以是故名曰
三千大千界	假令此三千	大千千世界
所有衆生類	慧如舍利弗	以比佛智慧
百倍及千倍	萬萬巨億倍	無可計爲喻
佛慧力如是	已過去諸佛	及甫當興者
如吾今現在	一切皆平等	等音等稱量
等德等相好	及等諸報應	爾時諸力士

永樂北藏

佛本行經

第一二八冊

重稽首佛足	又手白佛言	唯然天中天
已現乳哺力	聞功德慧力	惟願垂解說
佛神足之力	佛告諸力士	樂聞者靜聽
唯然願聽受	佛謂諸壯士	昔此穀勇貴
人民皆饑餓	諸弟子乞求	不能自存活
坐禪意不定	不能遵修善	時弟子目連
便來詣吾所	稽首佛足已	却於一面坐
叉手白佛言	憶昔從佛聞	是地皆可食
衆生薄福故	地肥下沉入	礫石沙鹹出
如我今諦知	地肥故在下	衆生可憐愍

今欲取此地	反上以著下	反下以著上
吾時訶目連	莫勞動爲此	是衆生前世
不修衆善本	無有是功德	應食此地肥
弟子目捷連	能以左手舉	三千世界地
置於右掌中	擎著他世界	一切衆生類
無有覺知者	亦不懷恐怖	如是三千土
大千之世界	此三千世界	滿中衆生類
神力如目連	比佛身神力	百千萬巨億
終不得相喻	使十方衆生	神力如緣覺
諸弟子神力	并佛身神力	以比佛意力

百千萬億倍	無量不可計	終不得爲喻
爾時諸力士	稽首禮佛足	叉手白佛言
唯然天中天	已現乳哺力	福慧神足力
惟說定意力	解暢其境界	佛告諸力士
樂聞者靜聽	唯然當聽受	佛告諸力士
須彌四方域	諸龍上昇空	同時降暴雨
周徧四天下	是四方大水	皆流入大海
佛皆別識知	是諸雨水滴	初墮其方域
某方某村落	某家某園田	某樹某枝葉
某華某果實	因流入大海	此四方大城

一切所有水	佛之定意力	悉能分別知
諸水滴源由	所從來方面	是爲佛定意
微妙之神力	前已過去佛	甫當興世者
吾今現說法	一切皆平等	等音等稱量
等德等相好	等諸報應法	惟二事不等
形體及壽命	何故二不等	世人壽長時
人形體長大	佛亦順世俗	壽長形體大
未世人壽短	形體醜短小	佛亦隨世俗
壽短形體小	以故諸佛興	以二事不等
佛告諸力士	吾已爲汝等	班宣具解說

佛之乳哺力	福德智慧力	神足定意力
是所說諸力	當於今暮夜	爲無常大力
所擊壞碎滅	如是諸人等	世間歸無常
一切有形類	皆當歸別離	散壞滅亡法
生者歸於死	成者必當敗	合者有離別
聚者當各散	立者必傾墮	佛爲諸力士
因說要偈言	有爲歸無常	興起歸盡法
諸興衰自然	勤求寂滅安	有爲歸無常
興起歸盡法	佛最第一尊	壽亦有終盡
於是短壽命	如夢忽便過	自縱不勤學

是愚可愍傷	譬如山水峻	速往終不返
人命亦如是	逝者不復還	如弓之遺箭
已逝不中返	人命猶如此	去者不復還
衆苦苦起源	當勤求滅苦	覺入賢聖路
致吉服甘露	時佛說是已	三千大千界
地六返震動	無數兆姦天	忽捨其宮殿
爰塞虛空中	雨諸天華香	末金銀梅檀
諸天鼓妓樂	梵天禮佛足	叉手於佛前
因說此偈言	諸佛難值見	正覺意難有
如華優曇鉢	佛又難於此	勇健超難遇

人上釋師子	與諸天人衆	今故叉手禮
於時天帝釋	便前禮佛足	長跪於佛前
因說是頌言	令我得眼淨	照耀於法炬
塞閉邪趣門	不畏墮惡路	大慈世之師
哀愍傷衆生	故與諸天衆	於前叉手禮
時六萬諸天	見諦得道跡	禮佛遶三帀
忽還歸天宮	時大會衆人	歸命於三尊
佛法賢聖衆	盡畢其壽命	奉戒修十善
離著出家學	受戒爲沙門	見諦證溝港
往還不還道	或成無著真	或發緣覺乘

發大道意者 無限不可量 又有衆生類
 未曾有善本 始初發道意 無央數衆生
 勤攝身口心 念佛天人師 今當就無爲
 已具大恐懼 人身甚難得 其行離衆苦
 猶救頭上火 因此行衆善 勤行無懈倦
 免離衆苦惱 遠九 逮無爲清涼 十九

佛本行經卷第六

永樂北藏

佛本行經

第一二八册

音釋

括切	薛切	刮	吮	觥
切	切	古	祖	與
捐	捋	滑	充	禮
取	也	切	切	切
也	撮	洄	悞	培
	舍	復	曲	葩
	髮	洄	也	溝
	髻	胡	齊	切
	髻	理	切	全
	髻	切	剝	蒲
	若	復	伯	閏
	似	水	各	切
		旋	切	也
		流	也	僵
		也	擣	居
		六	都	良
		揆	春	切
		撮	皓	
		良	切	
		揆		

佛本行經卷第七

達十

宋涼州沙門釋寶雲譯

大滅品第二十九

時佛與大眾遊至雙樹林
 詣雙樹敷牀佛便在繩牀
 面向於西方達十首北而累足
 修仁除躁性欲見佛求度
 我覺天人師時至欲滅度
 覺知一切法今求欲禮覲
 今若不及見如日入求冥
 請阿難通入

阿難心煩毒便謂須跋言今非見師時
 佛以一切智徹照應度者百福德相眼
 慈意視須跋佛以柔輭音告語阿難言
 莫違來見者吾出世為善須跋得所願
 甚懷喜踊躍即往至佛所果必蒙解脫
 爾時賢須跋謙敬尊佛德傾屈而散禮
 遜辭白世尊前師覺世間云尊從得道
 已已得解脫又復度眾生願以見開示
 儻能蒙覺悟故來敬禮尊不敢稱智力
 佛見須跋來心懷甚喜敬為說以賢聖

示滅苦無爲	時須跋闍之	尋即得解脫
邪迷意覺悟	逮得解脫道	本執邪倒見
故旋迷生死	倒見六十二	以是世沉沒
彼盡無有餘	白衣致得道	漏盡成羅漢
濟此無往受	覺佛所往路	普世緣愛生
愛渴漏俱滅	滅意諸苦結	覺佛之所說
深正真言教	以除意染著	心淨無餘漏
覺世之生死	須跋諦思惟	謂世間斷滅
是見眼脫除	世本歸滅亡	意覺知是已
世間有常見	邪疑霍然除	彼前所執持

捨是諸倒見	聞佛真善言	開慈心受持
因其前世時	所修諸善本	願入泥洹城
故速疾解脫	已得善無爲	除冥覺正真
建立求甘露	除盡諸塵勞	時見佛世尊
欲捨就滅度	以慈心視佛	意便起是念
我今理不宜	見佛捨壽行	普世之炬耀
衆生所恃怙	施善於一切	願我先捨身
曼佛天中天	未捨壽之頃	心善踊無量
起五情投地	稽首禮佛足	生定意如山
即時尋速滅	猶如興大雲	普雨降甘潤

滅盡小野火

佛告勑比丘

供養須跋身

無行呪自活

無為王者使

無占相吉凶

佛末後弟子

度立泥洹城

因即右脇倚

汝等後當乏

衣食疾湯藥

每攝意知足

卧於繩牀上

欲放捨佛身

盡壽命之數

守限節忍苦

汝等但能勤

奉持是禁戒

初夜時欲過

星月光明損

林藪鳥獸寂

具戒之根株

相載之泥洹

從是起定慧

佛告諸弟子

卿等敬具戒

如尊師炬燿

禁戒具諧偶

守護能備悉

智慧增長益

吾去世之後

順從莫違犯

淨攝身口心

除滅諸塵勞

緣是致泥洹

此言戒印封

捨利求華安

田役畜乘僕

倉藏園莫為

因識守戒者

其戒具不缺

備悉無短少

無種植樹木

亦莫斬伐傷

不得為己身

彼則清淨善

脫塵勞寂滅

無有禁戒者

造立垣墻壁

無仰觀曆數

合和湯藥方

彼則無沙門

因禁戒地立

成沙門善妙

如時限節食

修己莫望敬

無自隱短穢

已立淨戒具

心不縱諸欲

逸則制令住

伏使忍不起 如回牛離苗 縱情念邪者
差失淨禁戒 顛墜大衰耗 若遇惡賊對
一世受苦身 隨從諸欲者 今世及後世
具受諸苦毒 故不當從欲 悅可諸欲者
後必遭大苦 人不當畏懼 熾火之所燒
莫畏蛇虺毒 及凶弊惡賊 害奪人命者
當自畏癡意 如愚見巖蜜 不顧碎身患
如無鈎醉象 躁跳如獼猴 心晝夜隨欲
莫聽隨所便 不滅其心者 身不得休息
已能調伏心 不邪屈泥洹 得食如服藥

不當起愛憎 所得便當食 趣愈飢支形
喻如衆蜂集 採花之精味 以時度施食
無壞人慈敬 莫煩好施者 莫數役良田
好施煩則厭 良畜數役疲 汝等晝夜勤
方便加建立 莫自縱睡眠 損耗難得命
普世死所燒 誰通夜安寐 怨賊所圍遶
恐怖焉得安 可捨塵勞垢 陳宿久居者
塵勞盡安寐 覺寐滅塵勞 慚愧爲衣服
瓔珞象之鈎 放捨慚愧者 衆德善所棄
執持慚愧者 以故名爲人 強顏不知慙

況捨家離著	不宜與恚俱	剃頭被法衣	雖恚愆不重	捷疾無爲喻	令止宿斯須	恚壞法失名	亦是其強力	亦莫違禁戒	是名爲畜獸
調伏定心者	慢增則善損	執鉢行乞食	守戒恚愆重	毀壞仁禁戒	諸善之強敵	善心悅顏怨	不忍他麤言	口發麤獷言	若節節支解
中平正真法	居家者尚爾	威儀以持世	如冷水止火	居家有愛著	無過於瞋恚	心毒不當聽	終不得解脫	戒則是忍辱	心不當起亂

鑽火數休息	衆事無疑難	捨家戀親愛	敬禮獨靜者	欲求解脫者	財分知足富	知足人間樂	少求增衆善	積財聖憂惱	不與邪僞合
不能時致火	水性雖柔弱	如老象沒泥	卿等除親愛	莫依衆憤鬧	無厭貪馳騁	無厭生大苦	卿等當知足	少欲者離苦	正法建善事
勤鑽尋致火	漸滴能穿石	志意勇進者	親愛苦止宿	天帝釋以下	知足者所憐	饒財無厭貧	爾乃心安定	是故吾弟子	邪僞者虛欺

精進者諧偶	故當建精進	趣向泥洹門
邪違無爲道	汝等慎莫爲	守志不錯亂
衆邪不得下	守志沙門友	失志忘衆善
志被甲仗備	敵莫能得勝	心專服德鎧
塵勞無能勝	專精定意者	諦了世生死
是故當定意	意定苦不起	若欲度流水
因橋梁浮材	欲度一切苦	定意第一船
卿等慧離者	今故顯世法	有是則得度
法外者不愛	不謂爲捨家	鎧良藥利器
舟船度流江	智慧度生死	是故常聽法

當從法言教	慧見者見正	無慧者盲冥
心與塵勞俱	終不得解脫	審欲求度者
勤除去塵勞	沙門學調心	除去放逸意
天帝心調樂	阿須倫無樂	吾施汝等善
卿等當勤修	廣設衆方便	便令至泥洹
靜寂山巖間	林藪空閑舍	於中學定意
吾去後莫恨	良醫盡方術	和合若干藥
病者服得瘳	醫不自還服	導師引道正
從者無憂患	違失者有損	不顧慮患故
吾已爲汝等	敷演四正諦	懷疑者便問

今正是其時 時佛令如是 弟子嘿無言
阿那律知念 於大眾中曰 日可令涼冷
月可使焰熱 是四諦真正 終不可違故
苦諦苦所逼 緣愛則有苦 諸佛之所說
滅盡諦滅愛 甘露八正道 寂滅爲泥洹
覺是沙門衆 佛末後度厄 衆會未度者
初入道老少 佛粗說羅漢 如冥電照道
其已得解脫 度於生死者 衆共懷悲恨
師滅一何速 佛聞阿那律 如是正諦語
欲堅衆生意 慈悲說是言 假令有劫壽

必當終歸盡 吾以具施善 何用長壽爲
世間及天上 吾所應度者 半度半示道
轉教得法住 汝等當學制 不足追念吾
但勤說方便 莫遭離別痛 以慧燈除冥
覺世無牢強 垂終心懷悅 猶如重患除
慧者脫凶衰 遠離弊惡人 得捨是二患
何緣得懷憂 汝等勤修善 一切次當死
吾入泥洹城 時今已近到 於是捨壽行
是吾末後言 佛於是思惟 第一離欲禪
從第一禪起 思惟第二禪 如是歷四禪

永樂北藏

佛本行經

第一二八冊

從是周遍歷	往返於九禪	逆順盡端緒
世尊天中天	還至第一禪	從第一禪起
重思至四禪	佛時審諦思	逆順歷禪觀
又還從是起	微震動其意	然後捨壽行
奄入泥洹城	佛適捨壽行	地六返震動
空中有大炬	如劫盡燒火	四方有大火
猶如阿修羅	燒天林樹澤	名曰愛盡樂
暴雨振其塵	電光如吐焰	普世如大火
雷震甚可畏	卒暴塵霧風	折樹崩山巖
猶如劫盡風	所摧傷無限	白日無精光

星月闇不明	日月俱失光	譬如泥所塗
日月雖俱照	黯黯不精明	莫能識東西
晝夜不可知	世間冥所覆	江河皆逆流
佛坐側雙林	憂感華零落	江河水皆熱
猶如沸釜湯	雙樹爲之萎	屈覆世尊身
五頭大龍王	悲痛身放緩	或悶熱視佛
啼哭眼皆赤	即時吐熱氣	鬱毒不可言
燒熱其咽喉	如吐心重患	觀世都無常
自諫強除憂	自意王將從	念法制啼泣
淨居諸天子	解道心調定	寂然不啼泣

愍世或起滅	第一執樂神	龍王大力神
受重法天神	悲感塞虛空	普爲憂所覆
周障大哀慟	雜類之大聲	遍滿於世間
魔已得其願	及惡兵屬喜	舞調雷震鼓
種種放洪聲	大叫傳令言	吾主强敵亡
自今誰復能	越其境界者	佛德樹崩墮
如大象牙折	如高山巖摧	如大牛角脫
佛今捨身壽	世間諸天人	無所復歸仰
失恃怙如是	如虛空無日	如國無倉藏
如華池被霜	衆華皆摧傷	世尊捨軀命

寂潛於泥洹	一切有形類	莫不失精榮
嘆無爲品第三十		
於時從空中	天寶宮照耀	駕以千象車
懸虛而在上	敬心熟視佛	捨命卧身形
懷感而悲嘆	即說是辭曰	處在大生死
一切皆無常	始生現興盛	卒衰損滅亡
回旋向所樂	便生種種苦	都滅盡諸苦
無爲第一快	生死雜種薪	燒令無有餘
慧焰德稱煙	流遍天世間	無常水忽至
滅佛盛明光	猶如野猛火	卒遇大暴雨

復有天人	愍善心調良	止處淨居宮
清淨除諸欲	見佛甚愛敬	啼泣如雲雨
意重如須彌	便發是言曰	世間終不有
生而不死者	自古來未曾	生而有永存
上中下究暢	決定無不知	是尚不得免
其餘難長存	是世間大導	去邪示正路
慧眼最第一	觀世轉上下	如是世慧滅
當還住邪道	猶如盲無目	迷失平正路
弟子天眼最	號名阿那律	愛憎意已竭
勞盡生死斷	見佛已滅度	世間當閻冥

諸根寂意滅	便嘆是辭言	處在大生死
慧義不得暢	世間如霧氣	斯須空不現
無常金剛杵	擊佛寶須彌	忽然盡崩壞
今墜墮于地	世間何輕脆	無一可恃怙
恍惚無堅要	躁動合則散	普世滅亡法
如夢無吾我	佛師子能伏	塵勞象自墮
未逮道跡者	何能不畏是	觀世叵恃怙
如朝露聚沫	佛號天人師	金剛之大柱
忽然壞在地	其力安所在	六種生五放
一萌五果實	俱漑是三株	勞意固難伐

佛大力之象	突壞塵勞樹	碎散令無餘
然後自墮地	千目執金剛	天帝蒙時雨
立之於正法	滅其苦清涼	德稱彌弘廣
普覆於世間	諸聖賢之師	寂然而隱滅
名德無不周	微妙法澹潤	猶如秋時雨
流水滿江河	天師垂濟護	自意王營從
授以無爲道	潛身如日沒	興雲降時雨
秋冬雨雪霜	盛火之熾焰	莫之爲之滅
如祠竟火滅	今諸天師火	霍滅寂無光
世間永長冥	斷解脫者望	違本願失歡

善名德流布	周遍滿十方	懷四等大慈
愍衆如赤子	莫不蒙其善	如何寂然滅
得妙無著道	諸佛之所生	無礙諸善法
寂然而自覺	以神足輕舉	覺身是苦藏
以是故速滅	捨身安無爲	除一切心冥
如日千光明	滅心之婬垢	如雨淹地塵
不復遭衆苦	不爲惱所迫	已度廣無邊
無崖底海淵	出興顯于世	壞諸苦毒患
愍傷於世間	欲求寂滅者	衆好甚明曜
寂如梵天王	大智慧普備	爲世天人師

轉衆生以善	練塵勞離惡	晝夜增諸善
如月之初生	每長養衆善	德稱弘廣普
在家時已解	況其捨家後	乃往古自誓
當爲塵勞戰	愍諸貧賤者	誓充其所願
佛以平等心	食不却疎惡	亦無所專著
於精細美味	惠施難放捨	人所不能者
不受取於人	亦不求利益	相好大名稱
自然如響應	廣採衆善意	決定於善聽
故現相安好	見者三垢滅	發言成法律
長益衆生善	以行忍相明	與塵勞爲怨

積功德無量	不免於無常	所生積衆德
受報無有限	決定得正道	如薪盡火滅
示衆生善道	伐盡塵勞林	制御於一切
生死縛著者	捨八勝五趣	覩見於三趣
伐三審盡三	因得淨三眼	隱一覺知一
逮一至重七	散令無有餘	乃誓於無礙
以甘露充世	言辭斷瞋恚	用善染衆生
世間難悟者	無植衆善本	不施惡於人
建立正法幢	於一切世間	鹿野轉法輪
普喜悅世間	成就諸解脫	淨諸自愛者

見所未曾見	善與清淨合	覺諸難覺事
諸未曾覺法	告世以無常	所生輒有苦
告世以無我	無彼長迷惑	建立法幢塔
壞破貢高山	猶如七寶柱	於祠祀中崩
面毀不懷恨	不悅於嘆譽	獸生受天福
方便求不生	自度生死海	又度脫一切
自以慧逮覺	又覺悟衆生	如覺時潤雲
如山林藪華	脫見如日出	又授以正見
雖生於世間	不染於世事	涉世之險路
不同其所趣	心未曾犯非	得善道尚滅

普世遭艱難	無恃怙可傷	愚癡蔽其眼
終無所顧慮	不思設方便	求出生死要
生老病死苦	迫世間無免	唯佛能救苦
授之以甘露	往昔天魔兵	不能勝天師
目然無常力	無常忽勝之	世尊耳所聽
三千世界聲	神足然昇降	乃至梵居天
覺衆生心念	下至無擇獄	諸生死起滅
悉審諦見了	天師從始生	轉輪所周更
諦憶如面見	盡生死漏源	具足六通慧
備悉覺決定	今盡罷捨置	棄身餘壽行

世受流生死	誰說法今息	世俗愚無智
誰當覺慧滅	猶如車無御	江海船失師
篤病離良醫	如何當自持	如言離誠信
無覺意求智	王者失容飾	行善不忍辱
已離是四事	其功不顯現	今佛捨世間
無濟難成事	如夏五六月	清淨無風雲
亢陽相薄燒	乃至諸蟲物	衆生應度者
今當普遭難	世尊捨壽命	何一甚苦痛
時天懷悲心	慈悲說是辭	姪怒癡薄故
歎師毀生死	弟子未脫者	悲痛號啼哭

已得解脫者	諦計興衰數	聲流聞諸國
拘夷諸力士	悲勇速馳赴	集詣雙樹林
哀勇自投躄	種種嘆佛德	其聲甚悲痛
如群鵠遇鷹	到見佛無光	寂滅叵復覺
同聲悲涕叫	宛轉如旱魚	見佛奄然卧
支體皆展直	猶轉輪王崩	諸國靡不號
人民無央數	出城詣佛所	諸男女長幼
懷悲毒狂亂	或掣裂衣裳	痛感口自嚙
或自撼頭髮	爬舐壞面目	又復無數人
懊惱自投擲	椎胷向天號	嘆佛德無量

嗚呼天人師	衆生所仰賴	相捨棄何疾
求絕無復望	大衆悲啼哭	各盡所堪任
諸力士之王	毒痛號嘆言	覺法悟世師
已卧不復起	猶如大軍罷	大幢不復現
所辦事已辦	應覺佛已覺	於世猶如眼
今奄然長眠	佛是度苦橋	以濟駛流江
大橋卒破壞	因何度苦痛	佛慧光照曜
心明精進暉	昔佛日現輝	令天地普明
今便隱光潛	無爲之大山	世間便當還
奄入長衰冥	或悲號謔語	或懷悶熟視

或有盡聲哭	或有面掩地	衆生懷惱毒
啼哭形不同	莫不懷戀慕	疼痛心湯灼
於是七寶校	象牙之輦輦	諸力士舉佛
擎置寶輿上	華香之雜珍	種種衆奇妙
諸力士號哭	供養佛舍利	諸貴姓少女
體腕手柔弱	執持七寶幔	微妙妙天繒
明珠校寶蓋	或持寶垂珠	或捉寶拂扇
供養佛舍利	諸力士擎輿	啼哭眼皆赤
空中雷震聲	稱耳悅意樂	天散諸意華
續下如淋雨	諸天墮華地	鮮明始如敷

諸天塞虛空	衆寶供養佛	暢發悲楚辭
追嘆佛功德	諸執樂神女	灑梅檀香汁
散瓔珞寶衣	供養佛舍利	詣力士擎輿
攜至城中央	天人恭敬禮	追慕而啼哭
繒綵寶幢幡	嚴飾其城郭	華香及妓樂
供養尊舍利	供養擎寶輿	從城西門出
至城西便度	寶底流江水	上於甘樹下
以種種香木	積爲大薪積	及若干種香
若干種華香	及種種澤香	各各秉炬火
欲燒佛薪積	三燒佛薪積	火終不肯然

衆人咸懷疑	不知其緣故	大迦葉不遠
懷慈往見佛	時火以是故	共吹終不然
時迦葉速至	禮敬佛積已	於是佛薪積
即時自然然	塵埃不損佛	今爲火所然
肌體雖然盡	骨如故不焦	爾時諸力士
以乳澆滅火	以香湯洗骨	金瓶盛舍利
猶往昔天帝	欲燒金剛山	以其功德大
故火不能燒	今以大熾火	不能燒佛骨
諸力士展轉	說此喻相謂	四等心所生
滅除姪欲火	尊骨寂清涼	我等心焦然

諸天神力士	不能勝佛身	忽今遭無常
我以能擔行	佛力强無比	聲流聞十方
如何便恍惚	盛之在金甕	佛輝耀喻日
未曾以貢高	遭遇無常火	唯留其神骨
以金剛慧杵	壞塵勞強山	遭苦不捨忍
心堅定不動	斷盡諸苦本	滅不更受身
如是之妙體	永終於火中	力士每所至
力伏令人啼	人來歸伏者	能慰沃使悅
假其遭艱難	持力未曾泣	念慈敬佛德
啼哭擔舍利	力强勇武備	志精懷自大

啼哭還入城	意謙除貢高	幡蓋校大殿
施七寶高座	舍利置其上	一切禮供養
八王分舍利品第三十一		
諸力士悲感	在於王殿上	供養尊舍利
如是至數日	隣側七國王	時各尋遣使
皆共同一時	而會至城下	各通其王命
諸力士相聞	皆陳其敬意	求得舍利分
諸力士答言	佛於我國滅	自供養舍利
不能以相與	爾時諸國使	相聞至數反
力士擎舍利	又恃其力强	使不肯還返

當遣以威力 意各齎貢高 無心分舍利
諸使還返命 諸王各起意 尋即興師衆
風發至其城 以無數軍衆 圍遶力士城
軍來趣其城 如淋雨暴水 人民入城邸
莫不懷恐怖 人衆甚繁多 城中不能容
七國王軍衆 象吼馬鳴聲 震動其城郭
人民戰如波 於是七王軍 各於其剖分
精練甚壯勇 戰士及象馬 於是諸國王
任力各嚴辦 四種之戰陣 象馬車步兵
力士亦嚴施 城上拒戰具 修治其地漸

杜塞諸城門 即便皆建立 軍陣大行旗
國內諸細民 莫不懷恐怖 於時七國王
計議同一心 各與無數衆 器甲精銳備
猶如七星宿 同夜俱出現 七王之兵衆
俱時到城下 大眾起黃塵 塞塞人衆眼
殂象之氣臭^{達十} 塞鼻不得息^{十五} 鼓角吹貝聲
塞耳無所聞 婦女諸幼小 惶怖皆失色
對敵火攻具 消銅鐵爲湯 皆貫冑被甲
當仗嚴進戰 象馬皆被甲 整陣當對戰
力士沒體命 不圖分舍利 城裏皆令催

執杖上城戰	諸力士齊心	決定戰不退
皆立於城上	樓櫓却敵間	看城外諸王
軍衆無央數	軍奮作威勢	同時大叫呼
一時大叫呼	聲響震天地	拔劍而擲弄
是昱曜天日	或有跳勇走	捷疾欲向城
外軍見力士	嚴備自束帶	決定欲對戰
殊無退却意	各與其妻息	辭別當進戰
諸戰士妻息	懷怖心驚波	又有父母者
心愛戀其子	見子被甲鎧	欲出詣戰場
泣泣皆啼哭	呪樹諸神祇	子見父母悲

心皆懷遺疑	或有諸婦女	嘿然懷愁悶
或持夫弓箭	啼遮不令戰	見妻子啼哭
心猛銳果敢	掣奪取弓箭	必欲戰不疑
諸力士自恃	意決必欲戰	如藏虺在器
懷怒毒熾盛	心意皆決定	必欲戰不疑
七王亦嚴辦	對陣垂當戰	皆以素嚴辦
四部之兵衆	象兵及馬兵	車步之兵衆
有貴姓梵志	厥名香草性	性博慧篤慈
喻諫諸王言	觀諸王威勢	利器劍戟備
欲伏強力敵	滅盡形勢命	居城自守者

不易可得勝	力士得城內	皆共同一心
如今重圍閉	意必欲獲勝	唯願諸大王
幸回隆盛威	省其城中有	尊善調良者
諸王皆共悉	何辜橫加惱	以力所鬪者
必果不獨勝	或時墮圍者	方便勝外敵
毒虺自濟命	入穴藏其形	無辜手探者
毒螫或死傷	自覺有威勢	能震彼令恐
集聚入城藏	堅固修守備	雖素力薄弱
入城成大力	如燈火垂滅	得膏薪還熾
若其城中有	或具神真者	以其戒德重

外敵自壞散	猶昔重怨王	用兵力竭盡
清明王有德	勝外強怨敵	往過去諸王
以力廣土地	欲以恣其情	馳名至于外
王食祿忽過	如牛飲冰水	諸王盡過去
國土地續存	是故當熟思	世間正真理
設方便和同	得舍利為貴	以矢力勝怨
生讎逆返迫	以和順取勝	終已不起返
唯所言愚鄙	誠無可採納	諸王力威強
能消伏微敵	如所敬尊師	奉法者為上
今宜追念師	受行忍辱教	爾時彼梵志

盡其體所知	和順正真言	慈心諫諸王
皆回降諸王	隆盛猛銳心	於是諸王便
順辭答梵志	所言得時宜	和順知方便
今所說善理	篤奮存終始	汝當審吾等
心悟善法力	心之所欲求	不勞恣世俗
或以願以力	或以忿恚恨	已諍今闡者
兩當對戰者	如我等今意	純求以佛德
執杖求舍利	不貪國財寶	往古烈士
貢高答自大	戰諍於仙林	死傷難訾計
佛布教世間	除勞滅自大	如何不爲佛

愛危脆命爲	往古諸帝王	迷惑賢女色
興師相討伐	諸王死無數	佛教戒世間
滅除貪婬意	而我不爲佛	愛危脆命爲
往日有兄弟	愚嫉興嫌諍	還共相傷殺
令盡無有餘	佛興顯於世	滅除愚嫉心
如何不爲佛	惜命而不戰	昔手臂力士
挾嫌結嗔恚	便執持武略	欲盡諸王種
佛出於世間	能除盡恚害	我等爲佛故
愛此軀命爲	昔者華上子	號曰十頭神
堅固著色欲	緣喪沒身命	佛出於世間

解一切縛著	我等爲佛故	著此身命爲
往昔諸愚人	以癡諍水蟲	以其愚癡盛
求直相殺害	佛興出於世	除一切愚癡
我等爲佛故	愚愛是身爲	古來愚不達
所諍諸臭穢	無有一堅要	相害不可計
佛出除世患	吾身爲佛故	當與閻羅闍
豈當擬世戰	吾等心堅正	終不疑於戰
勞仁使入城	至誠力士所	盡意設方便
陳吾等至意	其委仰於仁	必令一對戰
吾等錯列入	刻意當交戰	聞仁說善法

正真之言辭	內心即退滅	瞋恚之惡毒
猶如虺被呪	毒害滅無餘	爾時其梵志
承諸王教命	便即行入城	至諸力士所
欲見諸力士	貴重有勢者	便以謙恪意
宣諸王教命	城外諸王兵	皆各嚴當仗
貫冑被寶甲	皓皓曜天日	發心欲同聲
以盡其武力	意勇如師子	張目向城看
摩拭豫嚴張	金寶錯塗弓	意勇無疲極
晝夜不脫鎧	卒發心憶念	佛之慈明法
勞以義相讓	不疑畏戰鬪	不以諍土地

來至此城下	不自大貪悋	不以瞋嫌來
敬佛功德故	來到汝此耳	客以善義來
主人宜敬待	佛爲一切師	吾等同敬事
欲供養舍利	故來至此城	共爲法兄弟
幸可分舍利	廣可令衆生	各各得供養
慳惜財寶者	是不爲穢恥	慳悋善法者
是乃爲愧恥	愛悋之爲物	必有醜穢名
除慳施善者	聖賢之所歎	仁等若執意
不與舍利者	今便可出城	與客共揃力
居城依門扇	不執杖出戰	是則不爲王

非貴非勇士	城外諸王意	如向來所說
彼俱有善心	等義示二家	又別有私意
欲與向仁等	幸小垂聽採	請說正真法
唯仁等莫必	專意欲求戰	古來戰諍中
無善義無利	佛天師每嘆	忍辱得第一
今諸仁何故	熾然怒求戰	若忿諍六欲
若諍寶財貨	若以此戰諍	事理猶可通
以福德之故	是善法嘆譽	若與諍爲怨
是義當審思	無以普慈心	和調安隱性
佛天師道教	當慈加衆生	廣殺害衆生

達十

十九

而行敬事佛	終無有利義	是事不宜爾
仁等宜開意	分諸王舍利	善法當流布
因此爲無始	若能爲是者	則無復戰諍
可逮二善義	福德及名稱	其有專已見
離正入邪道	善入盡方便	當牽入正路
諸王設方便	欲廣建善法	欲普導世間
牽至天人道	世尊每嘆譽	衆施法最善
所至則爲師	天人之所嘆	普觀諸世間
財施者不少	以法惠施者	時有或無有
法施名稱博	廣安隱世間	是諸力士衆

聞是善法言	心內竊懷慚	嘿然熟相視
以謙愛敬辭	而謂梵志言	仁乃善方便
加愛敬於衆	爲梵志不妄	勤建立著善
能降下我等	善行者道中	猶御不調馬
不令入戰中	便可相從意	如師所開示
愛厚篤敬信	我等可用耳	忽捨忠恕言
正直善諫者	事敗遇艱難	後追悔無及
即時以金甌	分量尊舍利	別以爲八分
安諦一平等	於是諸力士	從中取一分
致其餘七分	送與七國王	爾時諸力士

上賓待諸王	諸王得舍利	悲喜各歸國
於是七國王	各各自於國	興師建神塔
高乃至雲際	梵志草香性	欲已聚起塔
便從諸力士	乞量舍利甕	界內貴梵志
乞佛積灰炭	皆共收拾聚	恭敬立神塔
諸王初造起	以舍利神塔	於閻浮提地
巍巍德如山	梵志所建立	金甕塔第九
佛積炭灰塔	滿十妙巍巍	無央數諸天
諸王明梵志	各晝夜精勤	歌歎禮佛塔
華香寶幡蓋	表顯供養塔	校飾其妙好

如香熏山巖	憐側諸國邑	無央數人集
或喜悲啼哭	禮事敬神塔	皆共追戀慕
憶念佛功德	辛酸悲楚毒	未逝一何劇
以善施世間	衆生所恃賴	迷失路者導
重病者良醫	寒者之春陽	旱熱者涼池
三界之覆蓋	忽便寂然滅	三界失覆蓋
無恃可痛憐	當迷失正路	墮邪遭艱難
世失正傾邪	流入三惡趣	世誰有大力
能制令還者	世間諸衆生	愚癡蔽其眼
貪婬瞋恚火	之所見燒然	一切世衆生

嬰塵勞重病	世尊普慈心	為三界良醫
佛日盛光明	始出現世時	普奮大光明
照三千世界	普開敷世間	天人芙蓉華
猶如諸池華	蒙日光而開	諸天世人民
及諸大國王	悲泣追嘆慕	向塔詠佛德
唯世大覆護	第一慈悲師	忽孤棄眾生
一何甚速疾	佛日之光明	忽然而潛入
愚霧彌覆世	當何從見明	誰當導眾生
示以正諦路	使至泥洹城	寂靜無恐懼
時密跡力士	廣為諸天人	以次說是法

宣佛本行德	諸天聞所說	悚然衣毛豎
思惟所說理	追尋佛功德	所積眾善本
無限無有量	難從計數劫	善行之積聚
行六度無極	大海淵之池	眾寶德相慧
充滿甚盈溢	今此賢劫中	所興千菩薩
假令諸羅漢	慧如舍利弗	壽劫嘆佛德
不能令終竟	況吾智淺末	限陳所見聞
時諸會天人	聞其所說法	心中忽明悟
意如面見佛	皆共懷悲感	惻愴追慕佛
願志大乘意	寫情心專固	稽首歸命佛

忽然各飛去

佛本行經卷第七

音釋

覓	躡	耀
頭么 瓶也	倒必 也歷 切	弋笑 也切
	肥	黥
長	肥勿 切	黥乙 咸切
邸	瓠	黥
舍與 禮也	居肥 步切	黥乙 咸切
	列	
死叢 租也	氏持 也切	青黑 色徒 威切
	讒	既
切	讒倪 切	居大
		制

永樂北藏

佛本行經

第一二八册